

উপন্যাস সিরিজের একবিংশ সংখ্যা

নন্দন-পাহাড়

শ্রীযতীন্দ্রমোহন সেন গুপ্ত
প্রণীত ।

১লা ভ্যেট, ১৩২৮ ।

শিশির পাবলিশিং হাউস,
কলেজ হাট মার্কেট,
কলিকাতা ।

মূল্য ১২ এক টাকা ।

প্রকাশক—

শ্রীশিশিরকুমার মিত্র, বি, এ.

“শিশির পাবলিশিং হাউস”

১৬ নং স্ট্রীট মার্কেট,

কলিকাতা ।

প্রিন্টার—আবদুল গফুর,

নিউ ব্রিটেনিয়া প্রেস

২৪২-১, অপার সারকুলার রোড,

কলিকাতা ।

উৎসর্গ পত্র ।

ওরে,

একদিন তোকে বুকের কাছে জড়িয়ে রেখে কুল কুল ঘেরা
বাড়ীটার ছাতের উপর দাঁড়িয়ে অদূরের “নন্দন-পাহাড়” দেখ-
চিলাম । সাঁঝের ‘অরুণ’ তখনও ডুব ঝরনি ; তবু রঙ্গিন আলোর
আলোয়, সবুজ ক্ষেতের মাঝে মাঝে ছড়ানো বাড়ীগুলি, মখমলের
উপরকার চুণিপান্নার মতই শোভা পাচ্ছিল এবং বাইরের এই
বিচিত্রতা বুকের মাঝখানটাকেও বিচিত্র করে তুলছিল ! তার
কারণ শুধু এই টুকুই যে, তুই আমার বুকের কাছে ছিলা ;
এবং তোর ভিতর দিয়েই স্পষ্ট আমার সব চাওয়ার শেষকে খুঁজে
পেয়েছিলাম !

কিন্তু তখন তো মনে ভাবিনি, এমনি করে তোকে সেই
দেখেই রেখে আসব, যে দেশ থেকে নন্দন-পাহাড়ের পাষণ্ড ১৭
নড়বে না, আমার অন্তরের সকল আনন্দের উৎস, তুইও নড়বিনে !

আজ বাত্মলার এই কুড়ে ঘরের ছায়ার আর আমার কোনো
আনন্দই নেই ; সব নিঃশেষ হয়ে মুছে গেছে !

“নন্দন-পাহাড়ের” আনন্দ তো বহন করে আনতে পারিনি ;
শুধু পাষণ্ড স্তূপ বুকে করে টেনে নিয়ে এসেছি !

ওরে ছন্দাল, ওরে মাণিক,

তুই তোর কোমল কচি হাত ছ'খানি নিয়ে
এ পাষণ্ডের স্তূপটা তুলে নিতে পারিস্ ?

সেনহাটা ।

মনোমোহন পাঠাগার ।

বৈশাখ, ১৩২৮ ।

নন্দন-পাহাড়

শ্রীমতী সখা ৪৭।:৫৫৩/৫৫৩-২২৩
স্বামী সখা: ২৪:২:২৫
স্বামী সখা ০৩/০৭/২৫৭

'এম্ এর' শেষদিনকার পরীক্ষার কাগজ দাখিল করিয়া যখন ষারভান্সা বিন্দিংএর সম্মুখে আসিয়া দাঁড়াইলাম, তখন শরীরটা যেন ভাঙ্গিয়া পড়িতেছিল। বাড়ীর গাড়ী অপেক্ষা করিতেছিল, চাকরটার হাতে কলম দুটা ফেলিয়া দিয়া গাড়ীতে উঠিয়া অবসন্ন ভাবে বসিয়া পড়িলাম। মনে হইতেছিল, সমস্ত কলিকাতা সহরটা যেন আমাকে বেষ্টন করিয়া ঘুরিতেছে। অপরিসর রাস্তাটা ছাড়াইয়া গাড়ী যখন গোলদীঘির ধারে আসিয়া পড়িল, তখন ছ একজন পরিচিত সতীর্থের মুখ ও রাস্তার জনপ্রবাহ চোখে পড়িল; মনে হইল, যেন কতকগুলি ছায়া বাজীর পুতুল রাস্তার উপর দিয়া চলা ফেরা করিতেছে। একবার সোজা হইয়া উঠিয়া বসিবার চেষ্টা করিলাম, তার পরেই চোখের সম্মুখে একটা অম্পষ্ট ধূসর ষবনিকা নাচিয়া উঠিল। চক্ষু মুদ্রিত করিলাম, মনে হইল সম্মুখের দিকে ঝুঁকিয়া পড়িয়া যাইতেছি। তখন গাড়ী পূর্ণ বেগে ছুটিতেছিল।

২

ভাত্রের শেষ। বালিগঞ্জের একটা ছোট বাড়ীতে বুলবারান্দার উপর একখানা ঈজি চেয়ারে শুইয়া শুইয়া সূর্যাস্ত দেখিতেছিলাম।

নন্দন-পাহাড়

বাড়ীর পশ্চিম দিকেই খানিকটা খোলা মাঠ। দূরে একটা ছোট লাল রংএর বাড়ীর আড়াল দিয়া সূর্য্য অস্ত যাইতেছিল। পশ্চিমা কাশে ঝঞ্ঝ, লঘু মেঘগুলি জমিমাছে; মুহূর্ত্তে মুহূর্ত্তে রংএর বিচিত্র পুর্নবর্ত্তন চলিতেছিল, রাস্তা মেঘগুলির শীর্ষে শীর্ষে সোণালি রং জাগতেছিল; লাল রং ক্রমে গাঢ় হইয়া মেঘগুলির উপর ধীরে ধীরে কালিমা লেপন করিয়া দিতেছিল! সূর্য্য ডুবিয়া গেল, কিন্তু তখনও বিচিত্র বর্ণ সমাবেশ চলিতেছিল। তার পর ধীরে ধীরে সন্ধ্যাসুন্দরী নীলাকণ উড়াইয়া নামিয়া আসিলেন।

এতক্ষণ একদৃষ্টিতে রংএর খেলা দেখিয়া দেখিয়া একটা অবসাদ আসিতেছিল, ক্লান্তদৃষ্টি কিরাইয়া লইতেই দেখিলাম—একমুখ হাসি লহরা বধু্যাকুরাণী আসিতেছেন!

—“বলি খাতা পেন্সিল এনে দিক কি? সূর্য্যাস্ত সবচে কবিতা লিখবে? খুব লোক কিন্তু, ছবার এসে কিরে গেছি, খ্যান বে ভাগেই না!—তবু ত”—

বাধা দিয়া কহিলাম “সত্যি বৌদি! ছবার এসে কিরে গেছ —তা ডাকনি কেন?”

বোনাদি হাসিয়া কহিলেন, “ডাকিনি ভাবলাম বে বোধ হয় একটু ভাল লাগছে, এ তিন চার মাসের মধ্যে ত এমন করে ভাল থাকতে দেখিনি”—

—“ত্যা সূর্য্যাস্তটা তারি নিষ্টি লাগছিল, বৌদি,—মনে হচ্ছিল. কত যুগ যুগান্তর থেকে এই বিচিত্র রংএর খেলা চলে আসছে”—

নন্দন-পাহাড়

—“কবি মানুষ কিনা, তাই অনেক কথাই মনে হচ্ছিল। সে আমি কতকটা অনুমান করেই নেব এখন, আমাকে বলতে যে ভারি ক্লান্ত হবে পড়বে! তার চেয়ে আমি যা’ জানতে এসেছিলাম, সেই উত্তরটাই দাও; আর চা খাবে কি?”—

“তা বুঝছি, কবির মানুষ কিনা, তাই বলে কথায় কথায় দেবার সময় নেই।—যা’ চা’তো আর খাবনা কখনই বুঝছি, বৌদি!”

“তবে ওষুট্টা এনে দি’? ওষু খাবারও তো সময় আর হ’য়ে এল!”—

“ছাই ওষু,—ও ওগুলো গেয়ে আর কি হবে?”—

বৌদি গম্ভীর মুখে কহিলেন, “জানহ ত ওটা বুঝা আপত্তি, ওষু খেতেই হবে, না খেলে,—”

“তোমার আলায় দেখে টেকা যাবে না। এইত?—তা নিয়ে এস তোমার ওষু, বত ইচ্ছা খাওয়াও, আমি একটুও আপত্তি করব না।”—

বৌদির মুখে একটু স্নান হাসি ফুটয়া উঠিল।

“তা আমার কি আর ইচ্ছে যে তুমি কেবলি ওষু খাও? কি করব, রোগ ছাড়ে না, তাই আমিও ওষু ছাড়ি না।—”

বুঝিলাম একটু ব্যাথা দিয়াছি, হাসিয়া কহিলাম, “আচ্ছা বৌদি, সত্যি ওষু না গেয়ে পারা যায় এমন কোনও ব্যবস্থা কি তোমার মাথায় আসে না? এত বুদ্ধি রাখ তুমি, আর আমার একটা উপায় কর্তে পারবে না? আমি আর এমন করে রোগে

নন্দন-পাহাড়

ভুগে পারি না; ইচ্ছা হয় নিজের হাতে এ দুঃসহ
জীবনটাকে—”

বৌদিদি শিহরিয়া উঠিলেন, কাছে সরিয়া আসিয়া ব্যথিত
কণ্ঠে কহিলেন—“ছিঃ, পাগল হলে? এত লেখা পড়া লিখেছ
কি ছাই? যা’ মনে করাও পাপ, তাই তুমি মুখে আন্তে
চাও?” বৌদিদির শেষ কথাগুলি আমার কাণে শাসনবাণীর
মতই বাজিতে লাগিল।

অপ্রতিভ স্বরে কহিলাম, “রোগের জ্বালায় আমার মাথার
ঠিক নাই! তুমি আমাকে ক্ষমা কর বৌদি!”

সেই স্নেহশালিনী নারীর ছই চক্ষু অশ্রুপূর্ণ ছইয়া উঠিল।

—স্বরটা একটু ধরিয়া আসিতেছিল, ধীরে ধীরে কহিলেন,
“আজকার চিঠিতে একটা নূতন ব্যবস্থার কথা পেয়েছি।”

“চিঠি, কার চিঠি! দাদার?”—

বৌদিদির মুখে লজ্জা-কুণ্ঠিত হাসির একটু মৃদু আভাস ফুটিয়া
উঠিল।—অঞ্চলের একটা খুঁট আঙ্গুলে জড়াইতে জড়াইতে কহি-
লেন,—“কোন ভাল একটা ধায়গায় হাওয়া পরিবর্তন কর্তে গেলে
বোধ হয় সুবিধা হতে পারে।”

আমি আগ্রহ ভরে কহিলাম, “সত্যি বৌদি, দাদা কি তাই
লিখেছেন নাকি? না তুমি তাঁকে লিখেছ?”

“না আমি—হাঁ, আমি লিখেছিলাম একবার, খুব—মত
হয়েছে, এখন তুমি স্বীকার হলেই ত সব ঠিক করে
নেওয়া যায়।”

একটু চুপ করিয়া থাকিয়া কহিলাম, “তা, পশ্চিমে গেলে আমি না খেয়ে মারা পড়ব যে।”

বিস্মিত দৃষ্টি আমার মুখের উপর স্থাপিত করিয়া বৌদিদি কহিলেন “সে কি ?”

“এই বামুন ঠাকুরের রান্না খেতে হবে ত ? না—না আমি যাব না,—কিছুতেই না !” একটু নড়িয়া আবার স্থির হইয়া ঈজি চেয়ারটার উপর পড়িয়া রহিলাম।

“এখানে তোমার হাতের রান্না খেয়ে বেঁচে যাচ্ছি—আর সেখানে—না, আমি যাব না।”

বৌদিদি হাসিয়া উঠিলেন। “ওরে না ; পাগল, বৌদির হাতের রান্না ছেড়ে তোমার বামুন ঠাকুরের রান্না খেতে হবে না।”

উৎসাহের আবেগে উঠিয়া বসিলাম।

“আঃ তা বলতে হয় এতক্ষণ ! তা হলে তুমিও যাবে বৌদি ! ভিতরে ভিতরে এতটা পাকিয়ে তুলেছ ; কিন্তু আমাকে কিছুটা জানতে দাওনি—বটে ? হ্যাঁ যাব, আমি নিশ্চয়ই যাব ; পশ্চিমে কেন, তোমার হাতের রান্না খেতে তোমার সঙ্গে আমি যমের বাড়ীও যেতে রাজি আছি !”

বৌদিদির হাসি সেই বিরলাক্ককারের উপর দিয়া একটা আলোক তরঙ্গের মতই খেলিয়া গেল !

“বৌদি যখন যমের বাড়ী যাবে, তখন রাধুনির পদ খালি রেখে যাবে না ! শ্রীমানের জন্ত পাকা রাধুনি—শিথিরে পড়িয়ে ঠিক করে রেখেই যাবে।”

নন্দন-পাহাড়

“সেটি হচ্ছে না, বৌদি,—ও পদটা তোমার একচেটে করে রাখতে হবে,—আর কারু রান্না ত আমার রুচবে না।”

“তা বুঝেছি। রান্না ঘরের ধোয়ান বৃষ্টি—ভাবী গিন্নির রং ময়লা করে যাবে, তাই আমাকেই ও পদে পাকা করে রাখবে।”

হঠাৎ উত্তর দিতে পারিলাম না; বৌদিদি হাসিয়া কহিলেন,
“ওষুধ নিয়ে আসি? না,—বান্ধা হাওয়া দিচ্ছে ঘরেই চল।”

রোগশীর্ণ দেহটাকে কোনও মতে টানিয়া ঘরের মধ্যে লইয়া গিয়া বিস্তৃত কোমল শস্যার উপর এলাইয়া দিলাম।

এম্. এ পবীক্ষা দিয়া আসিয়াই বে শয্যা গ্রহণ করিয়াছিলাম, সে শস্যার সঙ্গে প্রায় চিরস্থায়ী বন্দোবস্তই করিয়া লইয়া ছিলাম। আজ প্রায় চারি মাসের মধ্যে গৃহত্যাগ করিবার শক্তি নাই; রোগের প্রথম আক্রমণে জীবনের একপ্রকার আশাই ছিল না, কিন্তু যমদুর্ভাগ্য যখনই দুয়ারে সমাগত হইয়াছে, তখনই বোধ হয় বৌদিদির নেবারতা মাহুমূর্ত্তিখানি দেখিয়া দেখিয়া সরিয়া গিয়াছে। পক্ষপুটে আবৃত রাখিয়া বিহঙ্গিনী যেমন ব্যাধের কবল হইতে নিভ্র শায়ককে রক্ষা করে, বৌদিদিও তেমনি করিয়া আমাকে রক্ষা করিয়াছেন।

বৌদিদি ওষুধ লইয়া আসিলেন। ওষুধ খাইতেই একখানি ছোট প্লেট সম্মুখে ধরিলেন। কয়েকটা আঙ্গুর ও খানিকটা বেদানা ছিল। একটা আঙ্গুর তুলিয়া মুখে দিতে দিতে হঠাৎ বলিয়া ফেলিলাম,—“বৌদি আমি যদি দেবর না হইলে হতাম, তাহলে কি এর চেয়ে বেশী যত্ন করতে পারতেন?”

নন্দন-পাহাড়

চাহিয়া দেখিলাম, বৌ দিদির হুই চক্ষু অশ্রু পরিপূর্ণ হইয়া উঠিয়াছে, কিন্তু মুখে একটু স্নান হাসি, শরতের প্রহাতে শিশির সিক্ত তরুণ পল্লব নীর্বে স্নিগ্ধ অরুণ লেখার মতই ফুটিয়া উঠিয়াছে।

এই সম্মানহীনা নারীর অঙ্গরে কোন্ এক গোপনতম স্নেহ-তন্ত্রীতে বোধ হয় একটু মৃদু আঘাত লাগিয়াছিল, তাই তাঁহার চক্ষে অশ্রু, মুখে মৃদু হাসি কুটরা উঠিতে দেখিলাম।

কাজের অছিলা করিয়া বৌ দিদি ঘর হইতে বাহির হইয়া গেলেন।



আধুনিকমানের প্রথমেই দেওবর চলিয়া আসিলাম। নন্দন পাহাড়ের কাছেই একটা ভাল বাড়ী পাওয়া গেল, তাহাই ভাড়া লইলাম। বাড়ীটার দুইটা ভাগ;—দুইটা পরিবার এক বাড়ীতেই পৃথক পৃথক ভাবে বাস করিতে পারে। একটা অংশে পূর্বেই ভাড়া হইয়া গিয়াছিল, কয়েকদিনের মধ্যে বাধারা ভাড়া নিয়াছেন তাঁহারা আসিয়া পৌঁছবেন।

আমরা অন্য অংশটি নিয়া জিনিষপত্র গুছাইয়া ফেলিয়া বিদেশে আমাদের ছোট খোট গৃহস্থালীটি ঠিক করিয়া লইলাম।

কয়েক ঘণ্টার মধ্যে সব ঠিক করিয়া লইয়া বৌ দিদি আসিয়া কহিলেন, "এই আপেল কখানা আর দুধটুকু খেয়ে নেও ত, আমি পাক চাপিয়ে দিবেছি, ঘণ্টাখানেকের মধ্যে সব ঠিক হয়ে যাবে, এতটা বেলা হয়ে গেছে, ভারী কষ্ট হচ্ছে—নয়?"

নন্দন-পাহাড়

একটু হাসিয়া কহিলাম “না, কষ্ট কিছু হবে না ; তবে আমি একটা কথা ভাবছি”—

“কি” ?

“ও ভাগটার ষাঁরা থাকবেন, তাঁদের হাল চাল, নাম গোত্র কিছুই ত জানিনে, বৌদি ; ঠিক বনিয়ে থাকা শক্ত না হয়ে ওঠে ! ঐ এক কারণেই এ বাড়ীতে আমার আসবার ততটা ইচ্ছা ছিল না ।”

বৌদিদি ‘একটু হাসিতে হাসিতে কহিলেন, “সে কথা ত অনেকবার হয়ে গেছে ! তা তুমি দেখ, আমি ঠিক বনিয়ে নেব ; মানুষ ত, বাঘ ত আর নয় । বাঘও যে মানুষের বশ হয় ।”

—“বাঘ বশ করা অনেক জায়গায় সহজ, কিন্তু মানুষ জীবটা মাঝে মাঝে এমনি ছর্বোধ্য হয়ে উঠে, যে, তাকে বশমানাতে অনেক কলপ্রদ মন্ত্রও নিরর্থক হয়ে যায়”—

“ইঃ, আমি তা মানিনে ! আর তারা যদি এমনি খারাপ লোক হয়, শুধু মাঝের দোরটার একটা কুলুপ এঁটে দিলেই সব গোল মিটে যাবে । আগে দেখাই থাক্ না, ব্যাপারটা কি দাঁড়ায়”—

এমন সময়ে পিসীমা ডাকিলেন, “বোমা, একবার পাকঘরের দিকে যাও ত ;” কাছে আসিয়া কহিলেন, “ওরে বিহু, এমন ষায়গারই বাড়ী নিয়েছিস যে মানুষের মুখ দেখ্বে এমন বো-টি নেই—তারপর একটু বাবার মন্দিরে বাব, সেও ত কত দূরের পথ—একটু সহরের কাছে বাসা নিবি”—

বৌদিদি হাসিয়া কহিলেন,—“তা পিসীমা, আমাদের মুখ দেখলে চলবে না ? বাবার মন্দিরে যখন ইচ্ছা গেলেই হবে, পাল্কা করেও যাওয়া যায় ; আর এ দেশে তো সব যারগাতেই মেয়েরা হেঁটে যায়,—আমরা তাও ত পারব”—উত্তরের অপেক্ষা না করিয়াই বৌদিদি পাকঘরের দিকে চলিয়া গেলেন ।

পিসীমা হাতের মালা কপালে ঠেকাইয়া হাসিতে হাসিতে কহিলেন, “আহা, প্রাতর্বাঁক্যে তোরা আমার চিরজীবী হয়ে থাক, তোদের মুখ দেখলে দিন কাটবে না কেন ? তবে কিনা বাবার মন্দিরে—”

পিসীমার কথা শেষ হইবার পূর্বেই বলিয়া উঠিলাম, “তা আনি একটু সূস্থ হয়ে উঠি, তোমাকে আমি রোজ মন্দিরে নিয়ে যাব । হাঁটা চলা করলেইত এখানে শরীর ভাল হবে ! এই পাহাড়ের কাছে খুব ভাল হাওয়া পাব বলেই কি এখানে বাড়ী নিয়েছি ; এখানে বোধ হচ্ছে শীঘ্রই ভাল হয়ে যাব ।”

—“তুই ভাল হয়ে ওঠ, তুই যেদিন প্রথম মন্দির বেতে পারবি, সেই দিন আমি ভাল করে বাবার পূজা দেব—”

এমন সময়ে বৌদিদি ঘরের মধ্যে প্রবেশ করিয়া কহিলেন, ‘পাক হয়ে গেছে, ছুটি খেয়ে নেও ।’

—“এরি মধ্যে পাক হয়ে গেল, বোমা ?” পিসীমা স্মিত মুখে বৌদিদির দিকে কিরিয়া চাহিলেন ।

—“তা আর হবে না, বৌদি যে সাক্ষাৎ অন্নপূর্ণা, পাকঘর ছু কলেই পাক হয়ে যায় ।”

নন্দন-পাহাড়

“কথার তটোচারিা! এখন ঠঠ বেলা তু কন্ন হরনি।”
বৌদিদি পাকঘরেং দিকে চলিয়া গেলেন।

আশ্বিনের মাঝামাঝি একদিন সন্ধ্যার পর, খোলা বারান্দার উপর বসিয়াছিলাম, অন্ন দুঃই নির্জন নন্দন পাহাড়ের উপরকার ছোট নন্দিরটা ও অজ্জুন গাছটা নক্ষত্রালোকে দেখা যাঠতেছিল। মহরের দিক হইতে দুই একটা কুকুরর ক্ষণ ধ্বন ভাসিয়া আসিতেছিল। পঃশের বাড়ীটা একজন শিক্ষা বিভাগের উচ্চ কর্মচারীর। বাড়ীটা খালি পাড়িয়া রহিয়াছে। পাহাড়ের বাতাস ছুটাছুটি, মাতামাতি করিয়া বহিয়া আসিতেছিল। কিন্তু সেই উদ্দন বায়ুপ্রবাহকে সেবন করিবার ক্ষমতা ভিলাৎ (Villa) নির্জন বারান্দার উপর শুধু যে একজন বোগদীর্ঘমেহ বাঙ্গালী ও তাহার বৃদ্ধা পিনীমাতা বসিয়া রহিয়াছে ইহা অনুভব করিয়াই যেন সেই বায়ু প্রবাহ অক্ল ক্লক্ আবেগে জানালার খোলা কবাট খুলির উপর মাথা খুঁড়তেছিল, এবং ছাঃশের ফাঁক দিয়া প্রবেশ করিয়া কক্ষ মধ্যে আর্ন্ত পশুর মতট চাঃকান করিয়া ফরিতেছিল।

পিনীমা হাতের মালাটা একবার কপালে ঠেকাঃয়া শঃলেন
“হাঃয়ার চোটে যে বারান্দার বসাই দায় হ’য়ে উঠল রে।”

আমি একটু হাসিয়া কহিলাম,—“তা’ হাঃয়া কেমন রেগে গেছে শুনুহ? দরজা জানলাগুলি না ভেঙ্গে ছাড়বে না দেখছি।”

“কে রেগেছে, ঠাকুরপো?”—হাস্ত-প্রফুল্ল মুখে বৌদিদি বহু হঠতে বাহির হইয়া আসিতে আসিতে বিজ্ঞাসা করিলেন।

“ওন্হ না ? বাতাসের আর্তনাদ, ঠিক ঘেন ভারি য়েগে গেছে, এমনি চীৎকার করছে !”

“যোল সালের সাইক্লোনেব কথা বুঝি ভুলে গেলে ? বাতাসের অমন শব্দ আমি কিন্তু জীবনে আর কখনও শুনিনি !”

“ঠিক বৌদি, জাধনে বিরাট যদি কিছু দেখে থাকি তবে সে ঐ একটা রাত্রিতেই দেখেছিলাম ! প্রকৃতির অমন সংহার মূর্তি যে কি করে আমাকে অতখানি আনন্দ দিল, তা আমি চিন্তা করে স্তম্ভিত হয়ে যাই ! মনে রাখবার মত একটা কিছু বুঝি সেই সর্বপ্রথম দেখেছি, অনুভব করেছি ! সৃষ্টিটা আমার কাছে সত্যি সেদিন বিরাট, বিপুল বলেই মনে হয়েছিল ।”

“এই চাগালে বুঝি তুমি তোমার পাঞ্জাব মেল,”—

আমি হঠাৎ বাধা পাইয়া আমার বিস্মিত দৃষ্টি বৌদিদির মুখের দিকে তুলিয়া ধরিয়া কহিলাম,— “অর্থাৎ ?”

“অর্থাৎ আর কি,—এখন খেতে চল.তোমার কবিত্বের ফোয়ারা ছুটলে ত নন্দনের হাওয়াকেও হার মানতে হবে ।”

একটু অপ্রতিভ স্বরে কহিলাম,— “ওঃ এই কথা ! কিন্তু সারা দিন এমন করে খাওয়ার তাড়া দিলেও তো বাপু অস্থির হয়ে উঠতে হয় ।”

“খেয়ে দেয়ে আগে শরীরটা শুধরে নাও, তারপর যত পার কবিতালক্ষীর অর্চনা করবে ।”

এমন সময়ে ঘোড়ার গাড়ীর শব্দ পাওয়া গেল । সমস্ত

নন্দন-পাহাড়

দিনে যেখানে মানুষের পারের শব্দ শুনা যায় না, সেখানে গাড়ীর শব্দ শুনিয়া আমরা সকলেই একটু উৎসুক দৃষ্টিতে বাহিরের দিকে চাহিলাম। দুই তিন মিনিটের মধ্যে গেটের কাছে একখানি গাড়ী আসিয়া দাঁড়াইল। একটা ছোকরা গাড়ীর উপর হইতে নামিয়া কহিল, “বাবু, এই তালুকদার ভিলা আছে।”

বৌদিদি একটু হাসিয়া কহিলেন, “আমাদের অল্প সরিক বুঝি এলেন,—” আমি উঠিয়া দাঁড়াইলাম।

“এই মালী, মালী, গেট খুলে দাও,”—একটা প্রৌঢ় ভদ্রলোকের কণ্ঠস্বর শুনা গেল। আমি আমার চাকরটাকে আলো নিয়া গেট খুলিয়া দিতে বলিলাম। একটু পরেই চারি পাঁচ জন লোক বারান্দায় আসিয়া উঠিলেন। বৌদিদি ও পিসীমা ঘরের মধ্যে চলিয়া গেলেন।

“এই যে আপনারাই বুঝি অল্প ভাগটার আছেন—নমস্কার।”

প্রতিনমস্কার করিয়া কহিলাম,—“আজ্ঞে হাঁ,—আপনারা ?”

—“ব্রাহ্মণ”—

“আঃ বাঁচা গেল।—আমরাও ব্রাহ্মণ, মনে করেছিলাম, অল্প কোনও জাত হ’লে একটু মুঞ্চিগ হ’বে—তা কি আর কর্তব্য, একরকমে চলেই যেত। যাক্, একটা বিষয় ত চিন্তা দূর হ’ল।”

আমি আমার চাকরকে ঘরগুলি খুলিয়া দিতে বলিলাম। প্রৌঢ় ভদ্রলোকটির সঙ্গে বাঁহারা একে একে গৃহ প্রবেশ করিলেন, এক এক করিয়া তাহাদের দেখিয়া লইলাম।

একটি বার তের বৎসরের ছেলে এবং চৌদ্দ পনের বৎসরের একটি মেয়ে একটি অর্ধবয়স্কা স্ত্রীলোক, মনে হইল ঝি। বাহিরে গাড়ীর কাছে প্রোট তদ্র লোকটি জিনিসপত্র নামাইবার জন্ত চলিয়া গেলেন। যখন ফিরিয়া আসিলেন, দেখিলাম' তাঁহার সঙ্গে একটা চাকর ও ঠাকুর।

কয়েক মিনিট পরে ঘরে ঢুকিয়া দেখিলাম, বৌদিদি ভারি ব্যস্ত। মাঝের দুয়ারটা খুলিয়া ফেলিয়া নবাগতদিগের অংশে ঘাইতেছেন, আসিতেছেন। জিজ্ঞাসা করিলাম, "ব্যাপার কি বৌদিদি?"—

"ওদের ছেলেটি সমস্ত দিন গাড়ীতে কিছু খায়নি, এক বাটা গরম দুধ দিবে আসলাম। ছেলেটিকে মেয়েটিকে এখন খাওয়ার জন্ত ডেকে নিবে আসি। ওঁদের জন্তও ভাত চাপিয়ে দিবেছি, এ রাত্তিরে কি আর পাক করে খাওয়া পোষাবে? বিদেশে হঠাৎ এসে উঠলে যদি পড়শীরা সাহায্য না করে, তা'হলে প্রথম দিনটা ভারি কষ্টে যার!"

"সেকি, এখনই এতটা করছ, একেবারে অপরিচিত যে!"—

"হলইবা অপরিচিত, কাল ত আর অপরিচিত থাকবে না! তখন হয়তো মনে করবে, প্রথম দিনটা ওরা কি ব্যবহারটাই করলে!"

আমি বৌদিদির প্রকৃতি জানিতাম। সেবা করিবার সুবিধা পাইলেই এই মহীষসৌ নারীটির আর আপন পর ভেদ থাকে না?

নন্দন-পাহাড়

একটু হাসিমা বলিলাম, “তা’হলে আমি ভদ্রলোককে নিমন্ত্রণ করুব ?”

—“তা’ত করবেই ! আমিও মেয়েটির কাছে বলেছি । আহ্নিকের যাত্রা করে রাখছি, তুমি বলগে !”—

বাহিরে আসিলাম ; ভদ্রলোকটি একটা ষ্ট্রীটট্রাকের উপর বসিয়া চাকরটাকে কি আদেশ করিতেছিলেন । ধীরে ধীরে কাছে গিয়া বলিলাম, “আপনার আহ্নিকের যাত্রা হয়েছে, হাত মুখ ধুয়ে নিন, এর মধ্যে পাক হয়ে যাবে । তারি কষ্ট পেয়ে এসেছেন সমস্তটা পথ !”—

একটু বিস্মিতভাবেই তিনি আমার মুখের দিকে চাহিলেন, “তা এর জন্য আর আপনারা কষ্ট পাবেন না ; সব ঠিক করে নেব ।” ঘরের দিকে মুখ ফিরাইয়া ডাকিলেন,

“—সুজাতা ! অ’ সুজাতা !”—

মেয়েটির নাম বুঝি সুজাতা,—যিটি নামটি ! সুহ হাসিমা একটু অপ্রতিভ ভাবে কহিলাম, “আমার বৌদি ছেলেমেয়েদের ডেকে নিয়ে গেছেন, তারা ছটো খেয়েই এখনি আসবে ।”

ভদ্রলোকটি একটু চুপ করিয়া থাকিয়া হাসিতে হাসিতে কহিলেন, “তোমরা বাপু অবস্থা বা করে তুলেছ, তা’তে তোমাদের হাতে একেবারে আশ্রয় সমর্পণ করা ছাড়া তো আর উপায় নাই দেখছি । ঐ বাঃ ! ‘তুমি’ বলে কেললাম,—কেমন অত্যাশ হয়ে গেছে, ছেলেদের সঙ্গে থাকতে থাকতে, ‘তুমিটাই’ আগেই মুখ থেকে বোরবে পড়ে । “তা কিছু মনে”—বাধা দিয়া

তাড়াতাড়ি কহিলাম,—সে কি, “তুমিই” বলবেন ;—আপনার ছেলেরা বয়সী হ’ব ।”

কিছুক্ষণ উদ্ভলোকটি কোনও কথা ক’হলেন না । তার পর গম্ভীর স্বরে কহিলেন—“হাঁ, ছেলের বয়সাই হবে, তোমার বয়স একুশ বাইশ হবে মনে হচ্ছে । প্রভাত বখন চলে গেল, তখন তার বয়স ৬ উনশ বছর হয়েছিল । তার বি, এ, পাশের খবর যেদিন বেরুল, ঠিক সেদিনই সে চলে গেল—”

আমি প্রায় চৌৎকার করিয়া কহিলাম, “প্রভাত ? প্রভাত চাটুঘো, আপনার ছেলে ? আপনি”—

বালককর্ত্তে কহিলেন, “তাকে তুমি কেমন করে চিনলে ?”—

“সিপনে তার সঙ্গে পড়েছি বে,”—তিনি আর কোনও কথা বলিলেন না । নন্দন পাহাড়ের অপর দিকে যেখানে অন্ধকার জমাট বাধিয়াছিল, সেই দিকেই স্তব্ধভাবে চাহিয়া রহিলেন ।

এমন সময়ে বৌদিদির প্রেরিত চাকরটা আসিয়া খবর দিল, “আফকের জারগা হয়েছে ।” কোচার খুঁটী তুলিয়া একবার চক্ষু মুছিয়া ফেলিয়া গাঢ়স্বরে তিনি ক’হলেন, “চল বাবা ! মা লক্ষ্মী—আজ ঘণ্টাখানেকের মধ্যেই বে এ বুড়ো ছেলেটিকে একেবারে আপনার ক’রে নিলেন ।”

প্রভাতের পিতা বিমলপ্রসন্ন বাবুকে ইহার পূর্বে আর কোনও দিন দেখি নাই । তিনি দক্ষঃস্বরের একটা বড় কলেজের প্রিন্সিপাল ছিলেন জানিতাম । আজ নন্দন পাহাড়ের নীচের

বন্দন-পাহাড়

বাড়ীটার বারান্দার উপর, বেখানে আশে পাশে রাশি রাশি অন্ধকার বৃকের ভিতরের ছঃখরাশির মতই জমাট বাঁধিতেছিল, ঠিক সেইখানেই এমনই ভাবে প্রিয় সতীর্থের শোকাতুর পিতাকে দেখিব, মুহূর্ত পূর্বেও একবারটিও তাহা মনে করিতে পারি নাই।

(৪)

অগ্রহারণের শেষ। আমার হৃতস্বাস্থ্য দ্বিগুণ করিয়া ফিরাইয়া দিয়া বিধাতা পুরুষটা তাঁহার বুদ্ধি ও বিবেচনার যথেষ্ট পরিচয় প্রদান করিয়াছেন। তিনি বোধ হয় মনে মনে প্রতিজ্ঞাই করিয়াছিলেন, যে, আমার ক্ষতিপূরণ সকল দিক্ দিয়াই করিবেন !

সে দিন ভোর বেলাটাতে দারুণ শীতে হাত পা আড়ষ্ট হইয়া আসিতেছিল। তবু সকালের হাওয়া খাওয়ার লোভটা ছাড়া অসম্ভব মনে হইল। গরম কাপড় চোপড় পরিয়া বাহিরে বাইবার উদ্যোগ করিতেছি, এমন সময়ে বৌদিদি দুয়ার খুলিয়া ঘরের মধ্যে প্রবেশ করিলেন।

“ঠাকুরপো বুদ্ধি এই তোরেই বেরুচ্ছ ? আজ্ কোন্ দিক্ জয় কর্তে যাবে তা’হলে ?—

—“কেন আমায় কি ‘দিগ্বিজয়’ পেলো নাকি ?”—

—“দিগ্বিজয় !—দিগ্বিজয়ের যে টুকু বুদ্ধি ছিল, তার অর্ধেক-টুকুও যদি তোমার থাকত, আমি নিশ্চিত হ’য়ে মর্তে পার্তাম্ !”—

হঠাৎ আজ আমার বুদ্ধি বিবেচনার অস্তিত্ব বিষয়ে বৌদিদির এতখানি সন্দেহ দেখিয়া মনের ভিতরটার একটু অস্বস্তি অনুভব

করিলাম। বুদ্ধিগাম একটা কিছু মতলব আছে, তাই এই অপবাদ দেওয়া! একটু গভীরভাবে পরিহিত বেশভূষার দিকে তাকাইলাম। দিগ্বিজয়ের চেয়েও বুদ্ধি কম!—বিশ্বাস করিতে প্রবৃত্তি হইল না!

গলার স্বর খাটো করিয়া কহিলাম,—“নাঃ, ঠিক বিশ্বাস হচ্ছে না! বিশ্ববিদ্যালয় যে জয়-পত্রিকাগুলি ললাটে বেঁধে দিয়েছে, তা’তে বুদ্ধি কম এমন কথা তো লিখে নাই, বৌদিদি!—ও! তোমার কিছু মতলব আছে, ঠাকুরুণ!—

—“মতলব কিছু নেই আমার,—তবে আজ থেকে তোমার চা খেতেই হবে, এই বলে যাচ্ছি,—আমি জল চড়িয়ে এসেছি; চা খেয়ে বের হ’রোনা কিন্তু”—

সে হচ্ছে না বৌদি, যা ছেড়েছি তা আর কেন?

না না, সে হবে না, চা তোমাকে খেতেই হবে।”—

বৌদিদি মুহূ হাসিয়া চলিয়া যাইতেছিল; স্মরিয়া আসিয়া ছরার বন্ধ করিয়া দাঁড়াইলাম;—

—“সে হচ্ছে না বৌদি, চা যদি আমাকে খেতেই হয়, কেন খাব, সেটাও আমাকে জানতেই হবে”—

“তা’ আমি বলব না; তবে তোমাকে যে চা খেতেই হবে এটা কিন্তু অত্যন্ত ঠিক।”—

একেবারেই নিরুপায় হইয়া পড়িলাম। একবার শেষ চেষ্টা করিয়া দেখিবার জন্য বলিলাম—“বাঃ, আমাকে যে একবারে কোলের ছেলেটি পেয়ে বসলে,—খা, তোর ওষুধ খেতেই হবে;”

নন্দন-পাহাড়

সময়ে অসময়ে খাবার খেতেই হবে ;—মধ্যে মধ্যে কাঁচা মাথাটাও খেতে হবে ; তার উপর আবার চা !”—হাতের আঙ্গিনটা গুটাইয়া, সবুপুটে ডান হাতটা একটু মেলিয়া ধরিয়া কহিলাম,—“এঃ, আমি কি আর সেই রোগা, প্যান্‌পেনে বিলু মুখুয্যে আছি নাকি ? আমি সেন্‌স্ গবর্নমেন্ট (Self-Government) চাই, স্বরাজ চাই,—নইলে বিদ্রোহ কর্ব,—একেবারে আইরিশ্ সিন্‌সিন্‌দের মত !”

বৌদিদির মুখে মৃদু হাসি ফুটিয়া উঠিতেছিল। “ভারি ত বীরপুরুষ, ধাক্কার ব্যারে মক্কা যান্ ! আচ্ছা, তুমি বিদ্রোহ কর, আমিও ‘মেশিন্ গন্’ (Machine Gun) তৈয়ারী করে তুল্‌চি,—

ভারি দমিয়া গেলাম ! এই মেশিন্ গন্টা” যে কি পদার্থ তাহা জানিতাম না ;—তবে বৌদিদি প্রায়ই ভয় দেখাইতেন, আর সে ভীতিটা একটা অস্পষ্ট ছায়ার মতই আমার মনের মধ্যে অনেকটা স্থান অধিকার করিয়াছিল।

“তোমার এ বিদ্রোহের ব্যাধিটা যে সংক্রামক হ’রে উঠ্‌তে চল্‌ল ;—না, চা তোমাকে খেতেই হবে ;—বসে থাক ওই চেয়ার-টার উপর,—আমি পাঁচ মিনিটের মধ্যে চা’ নিয়ে ফিরে আস্ব !”—

দ্রুতহস্তে জানেলার কবাটগুলি সব খুলিয়া ফেলিয়া দিয়া টেবিলটা ঝাড়িয়া, গুছাইয়া, বৌদিদি ঘর হইতে বাহির হইয়া গেলেন।

আমি সুশীল ও সুবোধ বালকটির মতই টেবিলটার একটা পাশ চাপিয়া বসিয়া পড়িলাম। বিদ্রোহটা কেমন করিয়া যে

‘সংক্রামক’ হইয়া উঠিল, ভাবিয়া কুল-কিনারা পাইতেছিলাম না, অথচ ঐ কথাটার মধ্যে যে অনেকখানি লুকায়িত অর্থ রহিয়াছে তাহাও বেশ বুঝিতেছিলাম। কিন্তু “মনের অগোচর ত পাপ নাই!” কিছু বুঝিলাম না; কিন্তু ভিতরে ভিতরে একটা গোপন-তন্ত্রিতে অতি মূহ একটা পুলক ঝঙ্কার রহিয়া রহিয়া সাড়া দিতে ছিল, তাহা অস্বীকার করাও চলিতেছিল না; নিজের বুকের উপর কাণ পাতিয়া সেই সাড়াটা কোনও দিনই শুনিতে সাহস করি নাই; কিন্তু সে যে ক্রমেই সুরের পর্দা চড়াইয়া দিতেছিল, এবং অন্তের কাছেও ধরা পড়িবার মত অবস্থা করিয়া তুলিতেছিল, সে তথ্যটাও অস্বীকার করিবার উপায় ছিল না।

এমন সময়ে বৌদিদি ঘরের মধ্যে আনিয়া টেবিলের পাশেই চায়ের পেরালাটা ও একখানা প্লেটে কিছু খাবার রাখিয়া দিলেন এবং কহিলেন,—“কাল রাত্রে কিছু খেতে পার নাই, নিশ্চয়ই খিদে পেয়েছে এখন”—

—“হাঁ বৌদিদি, তুমি যখন বলছ, তখন নিশ্চয়ই খিদে পেয়েছে—কিন্তু এতক্ষণ সেটা টের পাইনি তো,—”

“বেশ, চা’টা আর ঐ খাবার কিছু খেয়ে হাওয়া খেতে যাও!”—

নিরুপায় হইয়া কহিলাম, “চা আর ঐ খাবারগুলি খেয়ে আবার হাওয়া খেতে যাব—পেটে সহিবে ত?”

“দেওবরের জল ভাল, খুব হজম করায়, জল একটু বেশী ক’রে খেলেই আর কোনও আপদ থাকবে না।—”

বন্ধন-পাহাড়

“এ গুলি হজম করবার ভগ্ন আবার বেশী করে জল খেতে হবে,”—একটু এদিক্ ওদিক্ চাহিয়া দৃঢ়স্বরে কহিলাম “বৌদিঃ, আমি বলছি যে,”—

“হাঁ, কি তুমি বলছ ?”—

“তুমি যদি এখন মার্শ্যাল ল’ জারি করে বস, তা’ হলে”—

—“আর তোমার কিছুই বলবার থাকে না,—এইতো, কেমন ?”—

স্বর যথাসম্ভব মোটা করিয়া বলিলাম,—

“হাঁ !—”

“ঠিক তাই, ‘মার্শ্যাল ল’ জারি করলে খুব দ্রুত ফল দেখা যায় ;—চা’ জুড়িয়ে যাচ্ছে, খেয়ে নাও—”

“এই ত খাচ্ছি”—স্বরটা নিতান্ত মিহি রকমের বাহির হইয়া গেল,—নিজের নিতান্ত অনিচ্ছাসত্ত্বেও ! ওটা ‘মার্শ্যাল ল’র গুণ বোধ হয় !—

চা শেষ করিয়া খাবারগুলি উদরস্থ করিলাম !

বৌদিদি একটু মুহু হাসিয়া কহিলেন,—

“লক্ষী ছেলে,—এই তো চাই !”

—“ভারি লয়্যাল !— নয় ?”—

স্বরটা স্বাভাবিক হইয়া আসিয়াছিল । সেটা চা ও খাবারের স্তূপে, কি বৌদিদির প্রশংসা-বাণী শুনিয়া, ঠিক বুঝিতে পারিলাম না !

চারের পেরালা ও প্লেট সরাইয়া নিতে নিতে বৌদিদি

কহিলেন,—“আচ্ছা, এখন বেড়াতে যাও । বেশী রোদ্ উঠবার আগেই ফিরে এস কিন্তু !—

বৌদিদি চলিয়া গেলেন । সদর্পে মোটা বাঁশের লাঠিটা হাতে লইয়া ঘর হইতে বাহির হইলেন । লাঠি গাছটা দেওবয়েই সংগ্রহ করিয়াছিলাম । বারান্দার উপর আনিতেই পিছনে চাবির শব্দ পাইয়া কিরিয়া চাহিলাম । দেখিলাম, বৌদিদি ডাকিতেছেন । কিরিয়া আসিলাম । বৌদিদি তাঁহার নিজের ঘরটার মধ্যে চলিয়া গেলেন । দুয়ারের কাছে আসিয়া কহিলাম, “বৌদিদি, ডাকলে ?”—

ভিতরের দিকে চাহিয়া দেখিলাম, বৌদিদির ছোট টেবিলের কাছে সূত্রাতা মাথাগী অনন্তর রকম নীচু করিয়া দাঁড়াইয়া বহিয়াছে ।

চূর্ণ কুন্তল কপোলের পাশে পাশে উড়িতেছিল, খোলা জানালার ফাঁক দিয়া প্রভাতারুণের কোমল রশ্মি তাহার মুখের একটা পাশে পড়িয়াছে এবং সেই দিক্কার কর্ণভূষা মূহ অলোক সম্পাতে উজ্জ্বল হইয়া উঠিয়াছে ।

টেলির উপর একটা চায়ের পিয়ালো, সূত্রাতা তাহা স্পর্শ করে নাই, এবং অবস্থা দেখিয়া মনে হইল, চা'টা ঠাণ্ডা হইয়া গিয়াছে । বৌদিদির মুখের দিকে চাহিলাম, ঐ লালিতা বালিকার কাছে পরাজিত হইয়া তাঁহার মুখে একটু হুটু হাসি ফুটয়া উঠিয়াছিল । সে হাসির অর্থ অনেকখানি গভীর ! ঠিক বৌদিদির ঘরের দুয়ারের কাছে দাঁড়াইয়া তা ..

নন্দন-পাহাড়

আমার ছিল না। তবে বিজ্ঞোহ যে কোথায় সংক্রামক হইয়াছে, তাহা বুঝিতে আমার তিলমাত্রও বিলম্ব হইল না। এবং বৌদিদির কঠোর 'ম্যার্সাল ল' যে এখানে ফেল পড়িয়াছে, তাহা দেখিয়া ভারি খুসি হইয়া উঠিলাম।

ইতিমধ্যে আমার অন্তরের সেই গোপন তন্ত্রীটার সুরটা আর একটু উঁচু পর্দায় সাড়া দিয়া উঠিল, এবং সেই দারুণ শীতের মধ্যেও আমার কাণের কাছটা অসম্ভব রকম গরম হইয়া উঠিল; ঘোষ হয় লালও হইয়াছিল।

কোন সময়ে যে রাস্তায় আসিয়া পড়িয়াছিলাম, স্মরণ নাই। একটু গোলমালে চমক ভাঙ্গিল, চাহিয়া দেখিলাম, ঠিক ডাক ঘরের সম্মুখে আসিয়া পড়িয়াছি। চিঠি পত্রগুলি আনিবার জন্ত ডাক ঘরের বারান্দার দিকে অগ্রসর হইয়া গেলাম।

৫

পরদিন ভোর বেলাটায় পিসিমা আসিয়া ডাকিয়া তুলিলেন। কহিলেন, "আজ পূর্ণিমা, বাবার মন্দিরে নিয়ে যাবি নে?"

তাড়াতাড়ি উঠিয়া বসিয়া কহিলাম, "তা' তুমি যেতে চাও, চল, কিন্তু আজ এই পরবের দিনে ভারি ভিড় হবে যে। মন্দিরে চুকতে প্রাণান্ত হয়ে যাবে, সে দিন তো জানই, পরব ছিল না, শুধু কি কষ্টটাই পেলো"—

পিসিমা একটু মৃহ হাসিয়া কহিলেন, "আ আমার পোড়া কপাল! ঠাকুরের দেখা কি অম্নিই পাওয়া যায় রে? ওটুকু কষ্ট কি বষ্ট রে? সে কালে পারে হেঁটে ছ' পাঁচ শ' ক্রোশ পথ

চলে, তবে না লোকে তীর্থ ধর্ম কর্ত ! তা'দের কল ও হত ;—
আর এখন রেল ষ্টীয়ার হ'রে ঘরের দোরে সব তীর্থ এগিরে এসেছে,
তরুণ আমরা অভাগীরা তীর্থধর্ম করা ছেড়ে দিয়েছি ! ঠাকুর যদি
অদৃষ্টে না লেখেন, তবে তাঁর দেখা পাওয়া যায় কি ? মহাপাপী
আমরা জন্মে জন্মে কত পাপই করেছি, তাই—”

পিসিমাকে কথা শেষ করিতে না দিয়া বলিয়া উঠিলাম, “তা'
ঠিকই তো পিসিমা, একটু কষ্ট কর্তে হয় বই কি ? তা আমি
গাড়ী করে আনি' তুমি ঠিক হয়ে নাও ।”

“না, তোমার আর গাড়ী কর্তে হবে না, কতটা দূরই বা আর
হবে, আমি পায়ে হেঁটেই যাব,”—

“সে কি হয় পিসিমা, আজ ভারি ভিড় হবে যে ?”—

“হ'ক না ভিড় ; তুই-ই তো সে দিন বলছিলি যে কোথাকার
রাজা নাকি গঙ্গাজলের ঘড়া মাথায় করে' কত পথ হেঁটে বাবার
মন্দিরে এসে থাকেন,—আর এমনি পাপিষ্ঠি আমি, এখান থেকে
ওখানে গাড়ী করে যাব ? না, তা' হবে না,—তুই হাত মুখ
ধুয়ে কিছু খেয়ে নে, তার পর চল,”—

এমন সময় বৌদিদি ঘরের মধ্যে প্রবেশ করিতে করিতে
কহিলেন,—

“হ্যাঁ, খেয়ে দেয়ে বাবার মন্দিরে যাওয়া,—পিসিমার যে কথা !
—না, সে সব হবে না ; তুমি ফিরে এসেই থাকে, ঠাকুরপো !”

বিস্ময়ের ভাণ করিয়া কহিলাম, “সেকি, আমি অসুখের
মাছুষ, অতবেলা না খেয়ে থাকতে পারব কেন ?”

নন্দন-পাহাড়

“হ্যাঁ অসুখের মালুম! আচ্ছা, আচ্ছা, সে আমি বুঝে।—
বাবার মন্দিরে একটু সংযত হয়েই যেতে হয়, ওখানে আর তোমার
ইংরিজি মত চালিয়ে কাজ নেই, ভাই,”—শেষ কয়টা কথা
বৌদিদি ভারি গম্ভীরভাবে কহিলেন। তাঁহার চোখে মুখে শ্রদ্ধা
ও নিষ্ঠার কোমলশ্রী ফুটিয়া উঠিয়াছিল।

“তা’ অন্নদাত্রী যখন তুমিই বৌদি’, তখন ওর আর কোনও
তর্কই চলতে পারে না”।

“বেশ, তা’ হ’লে ঠিক হয়ে নেও, আমি সঙ্গে যাব;—আর
একটা প্রাণীও যাবে কিন্তু, বুঝলে?”

এই “আর একটা প্রাণী” যে কে, তাহা তাহার বক্তৃত্তে এক
মুহূর্ত্তও বিলম্ব হইল না। বৌদিদির মনে কি কল্পনা ছিল তাহা
তিনি কোনও দিনই ভাঙ্গাইয়া বলেন নাই। তবে ইদানিং
‘সুজাতার’ নাম আমার সম্মুখে বড় একটা উচ্চারণ করিতেন না।
কিন্তু এমনি স্নেহ প্রীতি-বিজড়িত ইঙ্গিতে আভাসে তাহার সম্বন্ধে
আলোচনা করিতেন, যাহাতে আমার বুকের ভিতরকার শোণি-
তোচ্ছুরসটা সময়ে সময়ে বড়ই দ্রুত তালে নাচিয়া উঠিত।

বৌদিদি চলিয়া গেলেন। একটু পরেই পিসিমা বাহিরে
আসিয়া রীতিমত ডাকাডাকি শুরু করিয়া বেলা যে খুব অতি-
রিক্ত পরিমাণে বাড়িয়া গিয়াছে সকলকেই তাহা জানাইয়া দিলেন।
বৌদিদি বাহির হইয়া আসিলেন; তাঁহার পশ্চাতে সুজাতা।
আমি ফটকের কাছে ঐ দুই সন্তঃস্নাতা কোমবাস-পরিহিতা নারীকে
দেখিলাম। বৌদিদির মুখে জগজ্ঞানীর মুখচ্ছবির ছায়া অত্যন্ত

স্বম্পর্কভাবেই ফুটিয়া উঠিয়াছে। আর তাঁহার পিছনের লক্ষ্মী-বিনয়মুখী কিশোরীটির মুখশ্রীর মধ্যে এমন একটা কিছু ছিল, বাহা বিশ্লেষণ করিতে আমি কোনও দিনই সাহস করিতাম না।

গেটের বাহিরে আসিতেই দেখিলাম, বিমলপ্রসন্নবাবু ধীরে ধীরে পারচারী করিতেছেন। প্রসন্নদৃষ্টি আমার মুখের উপর তুলিয়া ধরিয়া কহিলেন,—“কি বাবা, কোথায় বেরুবে?”

“মন্দিরে যাওয়ার জন্য পিসিমা ভারি ধরেছেন,—তাই বেরিয়েছি!”

“মা লক্ষ্মীও যাচ্ছেন বুঝি? ওকি সূজাতাও যাচ্ছিল? তা’বেশ্বেশ্বে।—ভারি ভিড় হবে আজ, তুমি একলাটী যাচ্ছ কিন্তু, আজতকে সঙ্গে নিয়ে যাও না কেন? সে চলতে ফিরতে ভারি শক্ত হয়ে উঠেছে; বিশেষ মা লক্ষ্মীর সঙ্গে এই কটা মাস দেওঘরে থেকে তার অনেক রকম শিক্ষাই হয়েছে। ও অজিত, অজিত!”

অজিত নন্দন-পাহাড়ের দিকে যাইতেছিল, পিতার আহ্বান শুনিয়া ফিরিয়া দাঁড়াইল।

“ও অজিত, তোর দাদাবাবুর সঙ্গে যা’নারে মন্দিরে।”

অজিত ভারি প্রকুল হইয়া উঠিল। ছুটিতে ছুটিতে আসিয়া হাজির হইয়াই দেখিল, রীতিমত একটা পল্টন মন্দিরোদ্দেশ্যে যাত্রা করিয়া বাহির হইয়াছে।

বোতাম খোলা জামাটার ভিতর দিয়া অজিতের পুষ্ট গৌর দেহটার ধানিকটা দেখা যাইতেছিল। সে দুই হাতে বোতাম টানিয়া দিতে দিতে পিতার মুখের দিকে চাহিল।

বন্দন-পাহাড়

—“মন্দিরে যেতে পার্বে তোর দাদাবাবুর সঙ্গে—”বিমল-প্রসন্ন বাবুর মুখের কথা শেষ হইবার পূর্বেই অজিত বলিয়া উঠিল, “খুব পার্বে, বাবা!”—এবং দ্বিতীয়বার বলিবার অপেক্ষা না করিয়া অজিত আমাদের এই ক্ষুদ্র পল্টনটীর সেনাপতিত্ব গ্রহণ করিয়া অগ্রসর হইল।

মন্দির-প্রাঙ্গণে যখন প্রবেশ করিলাম, তখন বেলা প্রায় সাড়ে নয়টা। বিস্তৃত মন্দির-প্রাঙ্গণ জনাকীর্ণ; কোনও মতে একপার্শ্বে একটু স্থান করিয়া লইলাম। খাতা বগলে পাণ্ডার দল আমা-দিগকে ঘিরিয়া নানা প্রশ্ন জিজ্ঞাসা করিতে লাগিল। আমরা যে ধরনীধর পাণ্ডা ঠাকুরের আশ্রিত জীব এই সংবাদটী প্রদান করিয়া সকলকেই পরম আপ্যায়িত করিয়া দিলাম। পাণ্ডাঠাকুরের দলও একে একে শিকারাস্তুর অন্ত্রেষণে সরিয়া পড়িল।

মন্দির-প্রাঙ্গণের বিপুল জনসংঘ সমুদ্রতরঙ্গবৎ সংক্ষুব্ধ হইতেছিল; মিশ্রিত জন-কোলাহল একটা বিরাট গর্জনের মতই শুনা যাইতেছিল! কোথায়ও এতটুকুও স্থান নাই। সকলেই কন্ম্ব-বাস্ত; আসিতেছে, যাইতেছে, ফি রতেছে, ঘুরিতেছে!

পুষ্পবিষদলের মিশ্রগন্ধে বায়ুপ্রবাহ নিবিড় হইয়া উঠিতেছে। ভিক্ষার্থীর যাজ্ঞাবাগীর সঙ্গে ঢোলমাদলের বাজনা ও সানাই বাণীর সুর মিশিয়া এক অপূর্ব কলতান সৃষ্টি করিয়া তুলিতেছে! বিশ্বয়স্বিগ্ধ বালক-বালিকার অক্ষুট কলরোলের সহিত লজ্জাকুণ্ঠিতা নারীর শঙ্কাচকিত দৃষ্টি মিশিয়াছে। পুরুষকণ্ঠের কোলাহলের মধ্যে বর্ষারসী রমণীর ভক্তিবিহ্বল কণ্ঠস্বর শুনা যাইতেছে!

কেহ বোড়শোপচারে সাজাইয়া অনাদিদেবের পূজোপকরণ বহন করিয়া লইয়া যাইতেছে ; কেহ উপহারসস্তার স্তূপীকৃত করিয়াছে ; কেহ মন্দির চত্বরে সাষ্টাঙ্গে প্রণিপাত করিতেছে, দেবাদিদেবের পাদমূলে নিবেদন করিয়া দিবার মত কত বেদনাই হয়তো সে বহন করিয়া আনিয়াছে ।

কেহ রঙ্গিন্ শালু, বা রেশমহুত্র টানাইয়া বাবার মন্দির চূড়ার সহিত মায়ের মন্দির চূড়া সংযুক্ত করিয়া দিতেছে । দেবতা তাহার কোন্ কামনা পূর্ণ করিয়াছেন, তাই সে তাহার ভক্তি-উপহার লইয়া আসিয়াছে !

আবার কেহ দেবতার পারে মাথা খুঁড়িতেছিল ; দেবতা তাহার কামনা পূর্ণ করেন নাই ;—তবু সে দেবাদিদেব শঙ্করের পাদমূলে আসিয়া আশ্রম লইয়াছে । দেবতা তাহার সর্বস্ব হরণ করিয়া লইয়াছেন ; স্বর্ণপ্রদীপ জলিয়া উঠিয়াছিল, নিশ্চয় ফুৎকারে নির্ঝাপিত করিয়া দিয়াছেন ; জীবনের আশা, আনন্দ, আলো নিঃশেষে মুছিয়া গিয়াছে, নিভিয়া গিয়াছে ! অঁধার ঘরের মাণিক, সাতরাজার ধন এক মাণিক কোথায় পড়িয়া গেল, কে হরণ করিয়া লইল ? কোথায় শান্তি ? কেমন করিয়া তীব্র চিন্তদহনের অবসান হয় ?—শান্তি হয় ?

ভাগ্যহীন আসিয়াছে তোমার দুয়ারে ;—হে শঙ্কর ! হে দেবাদিদেব ! শান্তি দাও—ঐ ভাগ্যহীনকে !

অল্পকালমধ্যেই আমাদের পাণ্ডাঠাকুর দেখা দিলেন । ধরণীধর ঠাকুরের ক্ষীণ দেহখানা যে অতটা ভরসা বহন করিয়া আনিতে

নন্দন-পাহাড়

পারিবে, তাহা পূর্বে মনে করি নাই। আকাশের চাঁদ হাতে পাইলেও বোধ হয় মানুষ অতটা খুসি হয় না, যতটা খুসি হইয়াছিলাম আমরা ঐ দীর্ঘদেহ সবল-প্রকৃতি ব্রাহ্মণটিকে পাইয়া।

মন্দিরে প্রবেশের সমস্ত আয়োজন পাণ্ডাঠাকুর অতিক্রমতার সহিত শেষ করিয়া ফেলিলেন।

পাষাণ প্রাচীরের গাত্রে ক্ষুদ্র প্রবেশদ্বার ; সেই দ্বার সম্মুখে শত শত বালক বালিকা, যুবক যুবতী, বর্ষীয়ান্ বর্ষীরসী, উন্মুগ্ন আগ্রহে মন্দির প্রবেশের জন্ত অপেক্ষা করিতেছে। ক্ষুদ্র দ্বার মূর্ত্তের জন্ত উন্মুক্ত হইতেই সকলেই প্রাণপণ আগ্রহে প্রবেশের জন্ত চেষ্টা করিতেছে। যে সবল, সে দুর্ব্বলকে ঠেলিয়া ফেলিয়া অগ্রসর হইতেছে ; যে অর্থশালী সে দ্বাররক্ষীকে অর্থপ্রদান করিয়া নিজের প্রবেশের সুবিধা করিয়া লইতেছে। সব দিকেই ভারি দিশী রকমের উলট পাল্ট, বিশৃঙ্খলা, সংঘর্ষ বাধিয়া উঠিতেছে। কাহারও কোনও দিকে লক্ষ্য নাই, ক্রক্ষেপ নাই! মাথার উপর প্রচণ্ড সূর্য্য জ্বলিতেছে, পারের নাচে পাষাণখণ্ড উত্তপ্ত হইয়া উঠিয়াছে। যাত্রীদলের অবস্থা এমনই হইয়া উঠিয়াছে, যে তাঁহা কল্পনা করাও দুর্কহ !

ধরণীধর ঠাকুর দ্বাররক্ষী পাণ্ডার সহিত কি বন্দোবস্ত করিয়া আসিলেন। সহজে প্রবেশ করিবার সুবিধা পাইব মনে করিয়া অতি কষ্টে ঘরের দিকে অগ্রসর হইতে লাগিলাম। প্রথমেই আমি কোনও মতে পথ তৈয়ারী করিয়া লইতেছিলাম ; আমার

পশ্চাতেই সুজাতা তারপর বৌদিদি ও পিসিমা, সর্বশেষে অজিত ।

দ্বারের কাছে আসিতেই দ্বার খুলিয়া গেল ; দুই পাশ দিয়া উন্মত্ত জনসংঘ ভাঙ্গিয়া পড়িল । বাহারা সম্মুখে ছিল তাহাদের পিষিয়া, দলিয়া, পশ্চাতের যাত্রীর দল অগ্রসর হইবার চেষ্টা করিতে লাগিল । পাশের একটা লোক পশ্চাৎ হইতে ধাক্কা পাইয়া একেবারে সুজাতার উপর আসিয়া পড়িল । বামহস্তে সুজাতাকে ধরিয়া ফেলিলাম । মুহূর্তের মধ্যে আমার প্রচণ্ড ঘৃষি লোকটার মাথার পাশে নামিয়া আসিল । তাহার আর্জুণীংকার যাত্রীদলের কোলাহলের মধ্যে ডুবিয়া গেল । আমার উপর চাপিয়া পড়িয়া কতকগুলি লোক মন্দিরের মধ্যে ঢুকিয়া গেল । মুখ ফিরাইয়া একবার বৌদিদি ও পিসিমার দিকে চাহিলাম । অজিত একপা পিছনে হটিয়া গেল । তিন চারিজন তাহার স্থান অধিকার করিবার চেষ্টা করিতেছিল । বৌদিদি ও পিসিমাকে রক্ষা করিবার জন্য সম্মুখের দিকে ফিরিতে গেলাম । সুজাতার মুখের উপর দৃষ্টি পড়িতেই দেখিলাম, তাহার মুখখানা একেবারেই বিবর্ণ হইয়া গিয়াছে । সে যে অত্যন্ত ভয় পাইয়াছে তাহা দেখিয়াই বুঝিলাম । মুহূর্তের মধ্যে আর একটা তরঙ্গ আসিয়া পৌঁছিল এবং মন্দিরের মধ্যে আমাকে ভাসাইয়া লইয়া গেল । সুজাতার বাহুল্য দৃঢ় হস্তে ধরিয়া রাখিয়াছিলাম । যখন ফিরিয়া চাহিলাম, তখন মনে হইল একটা অন্ধকার গহ্বরের মধ্যে নামিয়া আসিয়াছি ।

হাত বাড়াইয়া পাবান প্রাচীর পাইলাম, এবং সুজাতাকে

নন্দন-পাহাড়

টানিয়া প্রাচীরের দিকে সরিয়া গিয়া আশ্রয় লইলাম। মন্দিরের
দুয়ার রুদ্ধ হইয়া গিয়াছিল। সুজাতার অবসন্ন দেহ আমার
গায়ের উপর ঝুঁকিয়া পড়িল।

“এই প্রাচীরে পিট্ রেখে একবার ঠিক্ হয়ে দাঁড়াও তো
সুজাতা!—বৌদি, পিসিমা বাইরে পড়ে রইলেন যে!—আমি
দোরটা খুলে তাদের রক্ষা কর্তে পারি কিনা দেখি!”

কোনও উত্তর পাইলাম না। সুজাতার বাহুমূল ধরিয়া সবলে
নাড়া দিলাম। সুজাতা বিন্দুমাত্রও সাড়া দিল না।

এতক্ষণ আমার বাহুর উপর আশ্রয় পাইয়াছিল, এখন ঝুঁকিয়া
পড়িয়া যাইবার মত হইল। অবস্থা বুঝিয়া দুই হাতে তাহাকে
বেষ্টন করিয়া ধরিয়া কোলের কাছে টানিয়া আনিলাম। তাহার
মূর্ছাতুর দেহলতা আরও অবসন্ন হইয়া পড়িল।

“সুজাতা, ও সুজাতা, এ বিপদের সময় তুমি এমন হয়ে
পড়লে?”—আমি প্রায় উন্মাদের মতই চীৎকার করিয়া বলিয়া
উঠিলাম।

আমার তখনকার মানসিক উদ্বেগ বর্ণনাতীত। বাহিরে
বৌদিদের ও পিসিমার কতই লাঞ্ছনা হইতেছে, মনে করিয়া আমার
ইচ্ছা হইতেছিল পাষণ্ড প্রাচীরের উপরেই মাথা খুঁড়িয়া মরি।

মন্দিরের ভিতরকার সেই রুদ্ধ দরদালানের দারুণ অন্ধকারের
মধ্যে অসংখ্য ষাত্রীর দল যেন প্রেতের মতই বিচরণ করিতেছিল।

দলিত পুষ্পবিষদলের, দধি দুগ্ধ ঘূতের, নানা পূজোপকরণের
মিশ্রগন্ধে মন্দির বায়ু সত্যই গাঢ় হইয়া উঠিয়াছে। মন্দির স্তল

পিচ্ছল, বর্দনাক্ত ; অসংখ্য যাত্রী দেবতার দর্শন পাইবার জন্য মন্দির মধ্যে জীবনের মায়া ত্যাগ করিয়া প্রবেশ করিতেছে ; সেখানে ঘূতের প্রদীপটা জলিয়া জলিয়া অন্ধকার দূর করিবার জন্য বৃথা চেঁচা করিতেছে । ত্র্যস্ত মস্তোচ্চারণ, নিস্পিষ্ট যাত্রীর অক্ষুট আর্তধ্বনি,—পাগুাদগের কলরব,—সবটা মিলিয়া মিশিয়া একটা বীভৎস ব্যাপার গড়িয়া তুলিয়াছে ।

একবার মনে হইতেছিল এই বিপুল কোলাহল কলরবের মধ্যে, অর্ধগ্রহণের এই লুক্ক আরোজনের মধ্যে, পাষণ প্রাচীর বেষ্টিত অন্ধকারের মধ্যে কোথায় দেবতার স্থান ?

কিন্তু তখনই আবার দর্শনপ্রার্থী আবাল-বৃদ্ধ-বনিতার ভক্তি ও নিষ্ঠার, আগ্রহ ও ব্যাকুলতার ছবি চোখের কাছে ফুটিয়া উঠিল !

মনে হইল, এই পাষণ প্রাচীরের অন্ধকারের মধ্যে দেবতা তিষ্ঠিতে না পারিয়া বোধ হয় ঐ যাত্রীদের শ্রদ্ধাপূতহৃদয়ের মধ্যেই স্থান করিয়া লইয়াছেন !

অন্ধকারে চক্ষু অভ্যস্ত হইয়া আসিল, সূজাতার মুখের দিকে চাহিলাম ; চক্ষু দুইটা অর্ধ মুদ্রিত, বিশৃঙ্খল চুলের রাশি, চোখে মুখে আসিয়া প ড়িয়াছে !

আমার পাশেই কাহারো দণ্ডাধমান ছিল । যুহ অক্ষুটস্বরে কেহ কাহল, জিজ্ঞাসা কর না গুঁকে, মেয়েটার কি হয়েছে !”

চাহিয়া দেখলাম, একটি অর্ধাবগুষ্ঠিতা যুবতা তাঁহার পার্শ্ববর্তী যুবককে কথা কয়তী বলিলেন ! যুবক আনার দিকে ফিরিতেই

অন্দন-পাহাড়

বলিয়া উঠিলাম, “আনার সঙ্গে এই মেয়েটা অজ্ঞান হ’য়ে পড়েছে, আপনি দয়া করে একটু সাহায্য করবেন ?”—

—“দয়া’ এর মাঝে কিছু নেই, বলুন, কি সাহায্য আপনাকে করতে পারি”—

“একটু জল কি এখানে মিলবে ?”

—“জল ?—না, দোর না খোলা পর্যন্ত জল পাওয়া যাবে মনে হয় না ; আনার সঙ্গে একটা ভাঁড়ে কিছু চরণামৃত রয়েছে, তারি হ’ একটা ঝাপটা দিয়ে দেখতে পারেন ।”—

দুই তিনটা ঝাপটা দেওয়ার পর সূজাতা একবার চমকিয়া উঠিল, তারপর ধীরে ধীরে চক্ষু খুলিল। মুখের কাছে নীচু হইয়া ডাকিলাম,—“সূজাতা !”—

সূজাতা মাথা নাড়িল ; তার পর চারিদিকে চাহিয়া আবার চক্ষু মুদ্রিত করিল ।

যুবকটী কহিলেন, “ওঁর জ্ঞান ফিরেছে ; স্থির হতে কিছু সময় নেবেন । আপনি এক কাজ করুন, ওঁকে আমার স্ত্রীর কোলে শুইয়ে দিন ; তার পর আসুন, আমরা দোরটা খোলাবার চেষ্টা করি ।—এ ভাবে এর মধ্যে আর কিছুক্ষণ থাকলে মারা পড়বেন যে !”—

অন্ধাবগুণ্ঠিতা যুবকটী প্রাচীরে ঠেস দিয়া বসিয়া পড়িলেন । তাঁহার কোলের উপর সূজাতাকে শোয়াইয়া দিয়া মন্দিরের দুয়ারের কাছে সরিয়া আসিলাম । একটা পাণ্ডাঠাকুরকে কিছু দক্ষিণা কবুল করিয়া, যে দ্বার দিয়া প্রবেশ করিয়াছিলাম, তাহারই

বিপরীত দিক্কার একটা ঘর খোলাইয়া লইতে বড় বেশী সময়ের দরকার হইল না !

সুজাতাকে ধরিয়া লইয়া যখন কোনও মতে বাহিরের উজ্জল নির্মল আলোকের মধ্যে আসিয়া দাঁড়াইলাম, তখন মনে হইল, দীর্ঘ কারাগ্রবাসের পর মুক্ত-বায়ুতে ফিরিয়া আসিয়াছি ।

যে দিকে জনতা কম ছিল, সেই দিকে আমরা সরিয়া আসিলাম । যুবকটিকে কহিলাম, আপনি এঁদের নিয়ে এখানে একটু বিশ্রাম করুন, আমি একবার আমার পিসিমা ও বৌদিদি ঠাকরুনকে খুঁজে দেখি ।—এমন বিপদে আর পড়িনি কোনো দিন,—তবু আপনাকে পেয়ে বেঁচে গেছি !”

প্রায় একঘণ্টা পর্য্যন্ত তন্ন তন্ন করিয়া অনুসন্ধান করিলাম, কোথায়ও তাঁহাদিগকে পাইলাম না । উদ্বেগে, আশঙ্কায় আমি একেবারে উন্মাদের মত হইয়া উঠিলাম । যুবকটী কহিলেন, “আমার মনে হয় তাঁরা আপনাকে খুঁজে না পেয়ে বাসায় চলে গেছেন ;—সঙ্গে একটা ছেলে ছিল বল্ছিলেন না ?”

—“সে যে একেবারেই ছেলেমানুষ ; সে কি এই ভিড়ের মাঝ থেকে তাঁদের নিয়ে বেরুতে পেরেছে ?”

এমন সময়ে ধরণীধর পাণ্ডাঠাকুরকে দেখিলাম তিনি বাস্তবাবে আমার দিকেই আসিতেছিলেন । দূর হইতেই কহিলেন, “তাঁদের আমি বাসায় রেখে এই ফিরে এলাম ; প্রায় ঘণ্টাখানেক আপনাকে খুঁজে দেখলাম, মন্দিরের মধ্যে খুঁজলাম তারপর মনে করলাম আপনি তাঁদের না দেখে বাসায় চলে গেছেন—তাই গাড়ী

নন্দন-পাহাড়

করে ওঁদের একদম বাসায় নিয়ে গেলাম,—চলুন আপনাকে গাড়ী করে দিচ্ছি।”

আনণ্য সকলেই একত্রে বাহির হইয়া আসিলাম। যুবকটির গাড়ী ঠিক ছিল। আমি তাঁহার নাম ও বাসার ঠিকানা জানিয়া লইয়া কৃতজ্ঞতা জ্ঞাপন করিলাম। তিনি একটু হাসিয়া কহিলেন,—“বন্দুক! আপনি এত করে কল্‌ছেন কেন? আমি বিপদে পড়লে কি আপনি আমার জন্ত এটুকু কর্তেন না?”—

পাণ্ডাঠাকুর গাড়ী লইয়া আসিলেন। হুইখানা গাড়ীই খানিকটা পথ পাশাপাশি চলিল। তারপর মোড়ের মাথায় আমাদের গাড়ী ভিন্ন পথ ধরিল। জানেলা দিয়া মুখ বাহির করিয়া কহিলাম,—“নমস্কার—কাল দেখা হবে!”—“নমস্কার”—গাড়ী ছুটয়া চলিল।

সুভাতা একবার মুখ বাহির করিয়া অন্য গাড়ীর দিকে চাহিয়া একটু ম্লান হাসি হাসিল। সে দিকেও একখানি পরম সুন্দর মুখের উজ্জল হাসি দেখা যাইতেছিল।

গাড়ী দৃষ্টির বহির্ভূত হইলে সুভাতা গাড়ীর মধ্যে মুখ আনিল।

মুহুরে জিজ্ঞাসা করিলাম,—“এখন কেমন আছ, সু—?”

সুভাতা চকিতভাবে একবার চক্ষু তুলিয়া চাহিল, পরক্ষণেই নাখাসী কিছু করিয়া অক্ষুটম্বরে কহিল,—“ভাল অছি এখন!”—

—“ভয় আর কর্তেন না?” সুভাতার মুখের দিকে একবার চাহিয়া দেখিলাম।

সুজাতা কোনও উত্তর দিল না। শুধু একটি স্নান হাঙ্গির রেখা মুহূর্তের জন্য তাহার পাণ্ডুর মুখশ্রীকে উজ্জ্বল করিয়া তুলিল।

আম তবুও জিজ্ঞাসা করিলাম,—“ভয় কয়, সু—?—উত্তর চাই!”—

এই উত্তর দাবী করিবার মত জোর হঠাৎ যে আমি কেমন করিয়া পাইলাম, তাহা নিজেই ভাল করিয়া বুঝিতে পারিলাম না।

সুজাতা ধারে ধারে তাহার প্রশান্ত ছইগৈ চক্ষুর স্নান দৃষ্টি মুহূর্তের জন্য আমার মুখের উপর স্থাপন করিল; এর মুহূর্তই চক্ষু নত করিয়া লইয়া নিজের পায়ে নিকে চাহিল। কিন্তু কোনও উত্তর দিল না।

ইচ্ছা হইতেছিল, ঐ নারীকে পুনঃ পুনঃ প্রশ্ন দ্বারা পীড়ন করিয়া আমার আকাঙ্ক্ষিত উত্তরটী জানিয়া লই।

কিন্তু আশ্র যেন অনেকখানিই পাইয়াছি, সেই প্রাপ্তির আনন্দ আমাকে নিবিড়ভাবে বেষ্টন করিয়া রাখিয়াছিল।

ঠিক আমার সম্মুখের আসনে সুজাতা বসিয়া রহিয়াছে। তাহার সুগৌর মুখখানির উপর বিন্দু বিন্দু শ্বেদ সঞ্চিত হইয়াছে। হাওয়ার বেগে চূর্ণকুণ্ডল উড়িয়া উড়িয়া ললাটের উপর নুষ্ঠিত হইতেছে! তাহার কুণ্ডা, তাহার লজ্জা, তাহার শকা, তাহাকে একটি মৌনশ্রীর মধ্যে অধিষ্ঠিতা করিয়া দিয়াছে। যেন অন্য জন্মগুরের পারচয় কাহিনীটি তাহার সর্বস্বভাবে নিবিড় হইয়া রাখিয়াছে।

বন্দন-পাহাড়

ভাহার কালো চোখের দৃষ্টিটুকু বেন আমার চির পরিচিত ;—
মনে হ'ল, জন্ম জন্মান্তরের অন্ধ ববনিকা ভেদ করিয়া ঐ তারার
মতই ঐ দৃষ্টি আমাকে অনুসরণ করিতেছে। আমি স্তব্ধভাবে
গাড়ীর জানালার ফাঁক দিয়া সুনীল আকাশের দিকে চাহিয়া
রহিলাম। মনে হইল, ঐ সুনীল আকাশ ভেদ করিয়া সেই চির
পরিচিত দৃষ্টিটুকু আমার দিকেই নিবন্ধ রহিয়াছে, এবং কখন সেই
দৃষ্টিটুকু সরিয়া আসিয়া সূজাতার কালো চক্ষে আশ্রয় লইয়াছে।

সূজাতার দিকে ৭চক্ষু ফিরাইয়া আনিলাম ; দেখিলাম,
আকাশের গারের সেই দৃষ্টিটুকু সূজাতার শাস্তদৃষ্টির মধ্য দিয়া
আমার মুখের উপরেই মুহূর্তের জন্ত নিবন্ধ হইয়াছে।

সূজাতা চক্ষু নত করিল।

গাড়ী আসিয়া ফটকের কাছে দাঁড়াইল। বাসার সকলেই
সেখানে উদ্ভিন্নচিত্তে অপেক্ষা করিতেছিলেন।

৬

পরদিন ঘুম ভাঙিতেই সূজাতা বখন ক্ষুদ্র শব্দা খানির উপর
উঠিয়া বসিল, তখন তাহার মনে হইল, যেন একটা অকারণ আনন্দ,
একটা নূতন বিশ্বর, তাহার অন্তর মধ্যে নিবিড় হইয়া উঠিয়াছে।

বাহিরের কোমল, নিশ্চল অরুণালোক সন্তোজাত শিশুর
দৃষ্টিটুকুর মতই ফুটিয়া রহিয়াছে! আকাশে ছিন্ন, লঘু, মেঘ
ছিল; নিদ্রা ভঙ্গের পর স্বপ্নের স্মৃতিগুলি যেন বিচ্ছিন্ন ভাবে
মনের মধ্যে আনাগোনা করে, মেঘখণ্ডগুলিও নীলাকাশের গারে
সেমনি ভাসিয়া বেড়াইতেছিল।

সুজাতা তাহার ঘরের জানালা খুলিয়া ফেলিল ; ধানিকটা প্রভাতের কোমল আলোক মুক্ত জানালার ফাঁক দিয়া ঘরের মধ্যে ঠিকরাইয়া পড়িয়া হাসিয়া উঠিল ।

অন্তর যখন পরিপূর্ণ থাকে, তখন বাহিরের বিশ্বপ্রকৃতির আহ্বানটা বুকের কাছে আসিয়া একটু বেশী করিয়াই সাড়া দিয়া উঠে ! ভিতরে ভিতরে যে আনন্দ, পুলক, অশ্রুভূতি, সমস্ত তুচ্ছতার গণ্ডী ভেদ করিয়া জাগিয়া উঠে, সে তাহাকে দুই হাতে বরণ করিয়া লয়, কোনও নিষেধ মানে না, কোনও বাধা গণ্য করিতে চাহে না ।

বুকের মধ্যে এ যে কিসের আনন্দকে সুজাতা ধরিয়া বাঁধিয়া আয়ত্তাধীন করিয়া রাখিতে পারিতেছে না, তাহা সে ভাল বুঝিতে পারিল না । একটা পুলক, একটা আনন্দহিলোল তাহাকে ছাড়াইয়া, ছাপাইয়া ছুটিয়া বাহির হইতে চাহিতেছিল, এবং বাহিরের ঐ নীলাকাশের মধ্যে, নিম্নল আলোকহিলোলের মধ্যে আপনাকে নিঃশেষ করিয়া লুটাইয়া দিতে চাহিতেছিল ।

এমন সময়ে হাঁপাইতে হাঁপাইতে অজিত আসিয়া ডাকিল,—
“দিদি—ও দিদি,—”

সুজাতা একমুখ হাসি লইয়া ফিরিয়া দাঁড়াইল,—

অজিত কহিল, “আমার পড়বার ঘরে যাবি, দিদি ?—” এবং উত্তরের অপেক্ষা না রাখিয়া দিদিকে ধরিয়া টানিয়া লইয়া চলিল ।

“ছাড়, ছাড়, ওরে পাগল, আমি এমনিই যাচ্ছি ।—”

নন্দন-পাহাড়

কিন্তু অজিত কথা শুনি না ; সূজাতাকে টানিয়া লইয়া চলিল ।

পড়িবার ঘরে ছোট টেবিলটার কাছে টানিয়া আনিয়া অজিত দিক্‌দিকে চেয়ারের উপরেই বসাইয়া দিল ; এবং দিক্‌দিকে দেখাইবার জন্য দেয়ালের ভিতর হইতে যে মহাঘাট দ্রব্যটী টানিয়া বাহির করিল, সেটা একটা ছোট দূরবীন্ ।

“ওরে পাগল ! দূরবীন্ নিয়ে এসেছি, ভেঙ্গে ফেল্‌বি যে।”—

যুদ্ধজয়া বীরের মতই বুক টান করিয়া অজিত কহিল “তা ভাঙলেই বা কি ? ওটা যে আজ থেকে আমার !—আর সত্যি কি আমি ওটাকে ভেঙ্গে ফেল্‌ব ?—দিদির যেমন কথা !—কেমন করে ওটা ব্যবহার কর্তে হয়, কোথায় ওর কল কজা, আমি সবটাই যে শিখে নিয়েছি !”—

বিস্মিত দৃষ্টি তুলিয়া সূজাতা এতক্ষণ অজিতের গর্কোৎফুল্ল মুখের দিক চাহিয়া ছিল। সবটা শুনিয়া কহিল। “ওটা তোমার কিরে ?”—

“দাদাবাবু আমাকে দিলেন যে ? ভারি জানিস্ তো তুই !”—
—কোঁচার খুঁট দিয়া একবার পরম যত্নে মুছিয়া লইয়া দূরবীন্-টাকে অজিত চোখের কাছে তুলিয়া লইল !—জানালায় ফাঁক দিয়া নন্দন পাহাড় দেখা যাইতেছিল, সেই দিকে বাগাইয়া ধরিল ।

পুলকের আবেগে লাফাইয়া উঠিয়া কহিল, “এই দেখ্..

মন্দিরটার গায়ে যে ছোট টীকটীকটা রয়েছে, আমি তা'ও এখান থেকে স্পষ্ট দেখতে পাচ্ছি !”

তাই হাতে অজিতকে কোলের কাছে টানিয়া আনিয়া সুজাতা, কহিল, “তোকে দিলেন কিরে, অজু ?”

“হাঁ, আমাকেই তো দিলেন,”—একটু গলা খাটো করিয়া কহিল, “ওই একদিন চেয়েছিলুম কিনা, যাবার দিন দিয়ে যাবেন বলেছিলেন। কিন্তু আজ ভোরে উঠেই বললেন, ‘এই নাও তোমার দূরবীন্’। দেখ্ দিদি, আমি তো প্রথমটা বিশ্বাসই কর্তে পারিনি,—কিন্তু যখন কলকজা খুলে সব দেখিয়ে, বুঝিয়ে, দিলেন, তখন বুঝলাম, সত্যিই দিলেন।—কিন্তু দিদি, কেন দিলেন, তা’ জানিস্ ?”

সুজাতার বুকের মধ্যে রক্তের প্রবাহটা একটু দ্রুত চলিতেছিল। সে অজিতের সেই হাত চাপিয়া ধরিয়া তাহার মুখের দিকে চাহিল।

অজিত হাত ছাড়াইয়া লইতে লইতে কহিল—

“দেখ্ দিদি, আমি একটা মস্ত লোক হবই, তিনি বলেছেন !
—দেখিস্ তা’ আমি হবই !”—

“তা’ তো হবি,—কিন্তু দূরবীন্ দিলেন কেন, বল্লিনেত ?”—

অজিত তাহার ক্ষুদ্র রক্তাধর উল্টাইয়া কহিল, “ওঃ—সে
—কাল যে মন্দির থেকে বৌদিদিদের নিয়ে এসেছিলুম—
তাই।”—

ও কারণটা যে দূরবীণ্ পাওয়ার পক্ষে খুব একটা মস্ত কারণ,
তাহা ভেমন করিয়া অজিতের মনে হইল না। সে দূরবীন্

নন্দন-পাহাড়

তুলিয়া লইয়া জানেলার দিকে অগ্রসর হইয়া গেল এবং দুই একবার চোখে লাগাইয়াই দিদির দিকে ফিরিয়া কহিল—

“চল্ দিদি, ছাতে যাই, সেখান থেকে সব দেখ্‌ব।”

তখন দুইজনে ছাতে উঠিয়া আসিল।

ছাতে আসিয়া চঞ্চল অজিত দূরবীন্ ঘুরাইয়া নানা দ্রব্য দেখিতে লাগিল। সুজাতা একটা বেঞ্চের উপর শুদ্ধ হইয়া বসিয়া রহিল। দিদির উৎসাহহীন ভাবটা অজিতের এতকণ লক্ষাই ছিলনা। এখন হঠাৎ কি মনে করিয়া বলিয়া উঠিল, “দিদি তুই একবারটা দেখ্‌বিনি?” এখান থেকে ডিগরিয়া পাহাড়ের গাছগুলি সাদা চোখে কলাই শাকের ক্ষেতের মতই দেখা যাচ্ছে, দূরবীণের ভিতর দিয়ে চেয়ে দেখ্‌ ওগুলি কত বড় বড় গাছ!”

দূরবীন্টা হাতে লইয়া সুজাতা ডিগরিয়া পাহাড় দেখিল, তার পর দূরবীণ ঘুরাইয়া এদিক্ ওদিক্ দেখিতে লাগিল।

নন্দন পাহাড় হইতে কেহ নামিয়া আসিতেছিল; ছাতের উপর হইতে সাদা চোখে তাহাকে অনেকটা ছোট দেখা যাইতেছিল। সুজাতা দূরবীণ ফিরাইয়া নন্দনপাহাড়ের দিকে ধরিল। মন্দিরটা দেখিল, অঙ্কন গাছটা দেখিল, তার পর যে নামিয়া আসিতেছিল, তাহাকে দেখিল।

মুহূর্তমাত্র;—সুজাতার দুই কর্ণমূল রাগা হইয়া উঠিল। দূরবীণটা হাতে রাখাও কষ্ট হইয়া উঠিল; তবুও আর একবার সেইদিকে দৃষ্টি স্থির করিয়া দেখিয়া লইল। পরমুহূর্তে হাত বাড়াইয়া

দূরবীণটা অজিতকে দিতে বাইরা সূজাতা দেখিল, পিছনে, স্নিতমুখে কেহ নিঃশব্দে দণ্ডায়মান রহিয়াছে !

দূরবীণ অজিতের হাতে পৌছবার পূর্বেই নবাগতের হাতে আসিল। দূরবীণ ছাড়িয়া দিয়া সূজাতা ছুটিয়া পালাইতেছিল; যে আসিরাছিল সে বাঁ হাত বাড়াইয়া তাহার অঙ্গল টানিয়া ধরিল এবং ডানহাতে দূরবীণ ধরিয়া নন্দন পাহাড় হইতে কে নাঝিতেছে তাহাকে দেখিল। ততক্ষণ সূজাতা দাঁড়াইয়া দাঁড়াইয়া কাঁপিতেছিল।

অজিত আনন্দে লাকাইয়া উঠিয়া কহিল,—“বোদি!”—‘বোদিদি’ একটু হাসিয়া অজিতকে দূরবীণটা ফিরাইয়া দিয়া কহিলেন,—“চল সূজাতা, জলখাবারগুল ঠিক ক’রে সাজিয়ে দিবি!—ঠাকুরপো ঐ নন্দন পাহাড় থেকে হাওয়া খেয়ে ফিরে আসছে! খাবার না পেলে আমার কাঁচা মাথাটাই যদি দাবী ক’রে বসে!”

সূজাতা একেবারে এতটুকু হইয়া গেল। জেলের কয়েদীর মত কাষ্পতপদে তাহার দিগিকে অহুসরণ করিয়া নীচে নামিয়া আসিল।

৭

পরদিন বিকালের দিকে খানিকটা ঘুরিয়া বাসার ফিরিতেই পিসিয়া কহিলেন, “ওরে বিলু, বোমার যে ভারি অসুখ করেছে;—তুই একবার তাকে দেখে আয়তো।”

“কই, আমি বেরিয়ে যাবার আগে ত কিছুই ব’লেন না!”

নন্দন-পাহাড়

“ও তেমনি মেরে কিনা, একেবারে অচল না হলে কি আর
চলতে চায় ?”

আর কোনও কথা না বলিয়া বৌদিদির ঘরের কাছে গিয়া
ভাকিলাম, “বৌদিদি !”—

বৌদিদি হাসিতে হাসিতে উত্তর দিলেন, “এই যে আমি
এখানেই রয়েছি ; আমাকে নাকি শুয়ে না থাকলেই চলবে না”
এই কথা কয়টা বলিবার সময় অনুভব করিলাম, কথা বলিতে
ভীহার খুব বেশী কষ্ট হইতেছে ।

বাস্তবাবে কহিলাম, “তুমি হাস্ছ, বৌদি”, তোমার চোখ মুখ
যে একেবারে জ্বাফুলের মত লাল হয়ে উঠেছে ; খুব বেশী অসুখ
করেছে বুঝি ? এখন কেমন বোধ করচ ?”

আর একবার হাসিবার চেষ্টা করিয়া কহিলেন, “না, এমন
বেশী কিছু নয় ভাই, ও এখনি ঠিক হয়ে যাবে,—”

কিন্তু বৌদিদির উপেক্ষার হাসি দেখিয়া অসুখটা সারিয়া
দাঁড়াইবার কোনও লক্ষণই দেখাইল না । বরং দেওঘরের জল
হাওয়াতে রোগ সারে, তেমন কেহ রোগে পড়ে না বলিয়াই যেন,
যাহাকে পাওয়া গিয়াছে, তাহাকে একেবারে প্রাণপণ শক্তিতে
চাপিয়াই ধরিল । দুদিনের মধ্যেই বৌদিদির মুখের হাসিটুকু
একেবারেই নিভিয়া গেল, এবং সম্পূর্ণ অজ্ঞানাবস্থায় মধ্যে যে দুই
একটা ভুল কথা মুখ দিয়া বাহির হইতেছিল, তাহা কেবলি
গৃহস্থালীর কথার ও সূজাতাকে গড়িয়া তুলিবার পরামর্শে
পরিপূর্ণ !

ভারি ভয় পাইয়া গেলাম। পিসিমা আসিয়া কহিলেন,
“ওরে, বোমার তো অমন অসুখ কোনো দিনই দেখি নাই; তুই
অজরের কাছে তার করে দে,—কি জানি’ কি আছে কপালে!”

দাদার কাছে তার করিয়া দিয়া দেওঘরের যত কবিরাজ ডাক্তার
আনিয়া জড় করিলাম। ঔষধ আসিল; ডাক্তারদের সৃষ্টিছাড়া
আদেশ অক্ষরে অক্ষরে প্রতিপালন করিবার বন্দোবস্ত করিলাম।
ঔষধের চেয়ে শ্রদ্ধাচার উপরেই যে রোগিণীর জীবনমৃত্যু বেশী
নির্ভর করিতেছে তাহা বুঝাইয়া দিতে তাঁহারা ক্রটি করিলেন না।

সুজাতা সব কথা শুনি, এবং নিঃশব্দে শ্রদ্ধাচার ভার গ্রহণ
করিল। পিসিমা তাঁহার পূজার ঘরে মালা জপ করিতে বসিয়া
পেলেন এবং মধ্যে মধ্যে বৌদিদির ঘরের কাছে আসিয়া সহস্র
প্রশ্ন করিতে লাগিলেন। পিসিমার প্রশ্নগুলির উত্তর দেওয়া
আমার পক্ষে ক্রমেই কঠিন হইয়া উঠিতেছিল।

সেদিন রাত্রি প্রায় এক প্রহর কাটিয়া গিয়াছে। সুজাতা
বৌদিদির শিয়রে বসিয়া পাখা করিতেছিল। একটা ঈজি
চেয়ারের উপর পড়িয়া আকাশ পাতাল ভাবিতেছিলাম। ঔষধ
খাওয়ারইবার সময় হইল, উঠিয়া গেলাম। বৌদিদির পাণ্ডুর ঠোঁট
ভইখানা একটু নড়িল; সুজাতা একটু বেদনার রস মুখে ঢালিয়া
বিল, রসটা গড়াইয়া পড়িয়া গেল। সুজাতা তাহার চকিতদৃষ্টি
বুহুর্ভের অন্ত আমার মুখের উপর তুলিয়া ধরিয়া কহিল,—“কি
হবে?”—

কথাটা বলিতেই তাহার চক্ষুর পাতা ভিজিয়া উঠিল। প্রশ্নটা

অন্ন-পাখাড.

জিজ্ঞাসা করার চেয়ে, প্রশ্নের উত্তর দেওয়াটা যে কত কঠিন, তাহা সূজাতা এ কয়দিনে বেশ বুঝিয়াছিল। তাই সে উত্তরের অপেক্ষা না করিয়া পূর্বের মতই আবার পাখা করিতে লাগিল এবং মধ্যে একবার মুখ ফিরাইয়া চোখের জল মুছিয়া লইল।

ঐ একটা ক্ষুদ্র বালিকার কাছে এ কয়দিনে আমার কৃতজ্ঞতার ঋণটা ক্রমেই বাড়িয়া উঠিতেছিল। দুই হাত পাতিয়া তাহার নিকট হইতে ক্রমাগতই ঋণ গ্রহণ করিয়া করিয়া নিজকে একে-বারে ডুবাইয়া দিতেছিলাম; ঋণ গ্রহিতার যদি মনে মনে সঙ্কর থাকে যে, সে কোনও দিনই গৃহীত ঋণ পরিশোধ করিবে না, তাহা হইলে যেমন অদুষ্টিত চিত্তে ক্রমাগতই ঋণ গ্রহণ করিতে থাকে, আমিও ঠিক তেমনি সূজাতার কাছে এই কৃতজ্ঞতার ঋণ গ্রহণ করিতেছিলাম। কোনও দিন শোধ করিতে পারিব এমন আশাও ছিল না, শোধ করিবার তেমন মতলবও বুঝি ছিল না।

এ কয়দিন পর্য্যন্ত ঐ ক্ষুদ্র বালিকাকে বোদিদির শিরসে দেখিতেছি। কি ক্লাস্তিবিহীন, বিশ্রামহীন সেবা! আমি দেখিয়া বিস্মিত হইয়া যাইতাম যে, অতটুকু বালিকা কেমন করিয়া রাতদিন ঐ আনন্দহীন রোগশয্যার পাশে বসিয়া থাকিত এবং রোগীর ঠোঁটের প্রত্যেক কম্পনটি পর্য্যন্ত নির্নিমেঘনয়নে লক্ষ্য করিত। এত উদ্বিগ্ন বকের মধ্যে পোষণ করিয়া রাখিয়াও সে যে কেমন করিয়া অমন শৃঙ্খলার সহিত নিপুণ হস্তে প্রত্যেকটা কাজ করিয়া যাইত, তাহা আমি বুঝিতেই পারিতাম না।

ঔষধটা খাওয়াইয়া দিলাম, বোধ হয় বৃকে একটু বাধিল।

হঠাৎ কেমন অস্থিরতা চোখে মুখে কুটির উঠিল ; পরক্ষণেই মুখখানা একেবারে বিবর্ণ, রক্তহীন হইয়া গেল ।

সুজাতা অক্ষুট চীৎকার করিয়া বলিয়া উঠিল,—“দিদি যে একেবারে কেমন হয়ে পড়লেন, দেখুন ত !”

“অতটা অস্থির হলে ত চলবে না, আমি চোখে মুখে জলের ঝাপটা দিচ্ছি, তুমি বাবাকে ডেকে আনত সুজাতা ! যাও— যাও !”—

সুজাতা যাইবার কোনও লক্ষণই দেখাইল না ; শুধু একবার ঝাড় বাকাইয়া আমার মুখের দিকে চাহিয়া কহিল, “না, আমি এমন অবস্থায় দিদিকে ফেলে যেতে পারব না ।”—এই বলিয়া সে বেশ শক্ত হইয়া বসিয়া জলের ঝাপটা দিতে লাগিল ।

এত যে বিপদ, তবু আমার মনে হইতে লাগিল ঐ মেয়েটী যেন তাহার ঠিক ষায়গাখানিই দখল করিয়া বসিয়াছে, এবং সে যদি নিজে ইচ্ছা করিয়া উঠিয়া না যায়, তাহা হইলে তাহাকে উঠাইয়া দেওয়ার উপায় নাই ।

বোধ হয় আমি আমার নিজের অন্তর থেকেই তাহাকে ঐ আসনখানি ক্রমেই ছাড়িয়া দিতেছিলাম, এবং তাকে সেখানে অধিষ্ঠিতা দেখিবার আনন্দ, করুণাতেই খানিকটা অনুভব করিয়া রাখিয়াছিলাম । তাই, যখন অধিকার পাওয়ার পূর্বেই তাহাকে ঐ ষায়গাটীতে দেখিলাম, তখন ওটা যে তার প্রাপ্য নয়, অথবা সে যে ওহাটী দখল করিবার অধিকার এমনভাবে এখন পর্য্যন্ত পায় নাই, একথাটা একবারটাও আমার মনে হইল না ।

নন্দন পাখাড়

দুই তিনবার জলের ঝাপটা দিতেই অস্থিরতার ভাবটা কাটিয়া গেল। সূজাতা তখন পাখাটা আমার দিকে সরাইয়া দিয়া আস্তে আস্তে উঠিয়া গেল এবং মুহূর্ত পরেই বাবাকে সঙ্গে করিয়া লইয়া আসিল।

৮

বোধ হয় সূজাতার প্রাণপণ সেবাতে পরিতুষ্ট হইয়াই মরণের দেবতাটী বৌদিদিকে পায়ে ঠেলিয়া রাখিয়া গেলেন। কিন্তু তাঁহার পাদস্পর্শটাও তো তেমন কোমল নহে। তাই নিরামর হইবার অবস্থায় পৌছিয়াও কিছু দিন পর্যন্ত এমনি দুর্বল, কাতর রহিয়া গেলেন যে, পাশ ফিরিয়া শুইবার শক্তিও রহিল না।

ডাক্তার বলিয়া গেলেন, এ যাত্রায় যে টনি বাঁচিয়া গেলেন, সে কেবল এই অক্লান্ত পরিশ্রমী মেয়েটিরই শুক্রবার গুণে এবং এমন নিপুণ শুক্রবা তিনি তাঁহার দার্ষ ডাক্তারীর অভিজ্ঞতার মধ্যে আর কোনও দিনই দেখিয়াছেন কিনা সন্দেহ।

ডাক্তার চলিয়া গেল বৌদিদি আমার দিকে চাহিয়া আস্তে আস্তে কহিলেন, “আলাউদ্দিন রাজপুতদের আক্রমণ করেছিল বলেই না, প্রমাণ হয়ে গেল, যে, রাজপুতের মেয়েরা কেমন হাসুতে হাসুতে এবং কতটা নির্ভয়ে আগুনের ভিতর ঝাঁপিয়ে পড়ে পুড়ে মরতে পারে! আমার অসুখ হয়েছিল বলেই না প্রমাণ হয়ে গেল যে, এই দুখের মেয়েটাও কতখানি শক্তি রাখে, সেবা করবার ও শুক্রবা করবার!”—কথাটা বলবার সঙ্গে বৌদিদির মুখে একটা হৃদয়ের হাসি ফুটিয়া উঠিল। সে হাসিটুকু তাঁহার রোগশীর্ণ মুখের

উপর তৃতীয়ার কীর্ণ চক্রে পাণ্ডুর লেখার মতন প্রতীকমান হইতেছিল

“তা’ বাহাহুরীটা কার ?—আলাউদ্দীনের আক্রমণের ? না—
রাজপুত মেয়েদের পুড়ে মরার ?”—

“তুমি তো বলবে রাজপুত মেয়েদের পুড়ে মরার বাহাহুরীটাই
বেশী—কেমন নয় কি ?”—

“ঠিক বিচার করতে হলে তো তাই বলতে হয়, কেমন সু—?”
—সুজাতার নামটা হঠাৎ মুখ দিয়া বাহির হইয়া যাইতেছিল,
কথা ফিরাইয়া লইয়া কি যে বলিব স্থির করিবার পূর্বেই বৌদিদি
কহিলেন,—

“চোরের সাক্ষী গাঁটকাটা ;—ওগো কর্তা, আলাউদ্দীনের
আক্রমণ না হ’লে যে রাজপুত মেয়েদের ওসব পুড়ে মরাটা কিছুই
হত না, ইতিহাসেরও এ বাহাহুরীটা পেতে হ’ত না”—

যখন তর্কের আসরে নামিয়া সুজাতার পক্ষই গ্রহণ করিয়া
ফেলিয়াছি, তখন লজ্জায় পড়িয়া হঠাৎ ফিরিবার ইচ্ছা হইল না।

কহিলাম, রাজপুত মেয়েদের ভিতর পুড়ে মরার শক্তি ছিল
বলেই না তারা পুড়ে মর্তে পেরেছিল, নইলে কত যারগার তাঁ
দেখা গেছে,—”

বাধা দিয়া বৌদিদি কহিলেন, “ওগো উকিল মণাই, থাক
আর বেহায়াপনা করতে হবে না, বিত্তে বোঝা গেছে ; সুজাতারই
জয় জয়কার হোক ;—কি বলিস্নরে, সুজাতা !”

• তর্কের মাঝখান থেকে বৌদিদি তো পৃষ্ঠভঙ্গ দিলেনই ; কিন্তু

বন্দন-পাহাড়

পরাজয়ের সমস্ত লজ্জাই যে আমার উপরেই চাপাইয়া দিয়া হাসিতে
মাগিলেন, তাহাতে আমার গা জলিয়া গেল !

সুজাতার দিকে চাহিলাম, তাহার চোখমুখ অসম্ভব রকম লাল
হইয়া উঠিয়াছে । দুই হাতে আঁচলের একটা খুঁট তুলিয়া লইয়া
সে ক্রমাগতই আঙ্গুলে জড়াইতে লাগিল !

কিন্তু বৌদিদির নির্ভুরতার সীমা ছিলনা । হাসিতে হাসিতে
কহিলেন, “সে কথা যাক্, সুজাতা যে বায়না ধরেছে তার একটা
ব্যবস্থা ত আমাকে কর্তে হয় !”

মুখশ্রী যথাসম্ভব গম্ভীর করিয়া কথাগুলি বলিয়া গেলেন ;
আমার নিজের অবস্থাটা কিন্তু নিতান্তই শোচনীয় হইয়া উঠিল ।
বুকটা একটু কাঁপিতেছিল, একটু গলাটা ঝাড়িয়া সাহস সঞ্চয়
করিয়া কহিলাম,—

“কি রকম ?”—

“এ করদিন তো তুমি ঠাকুরের রান্না খেয়েছ, ও আর সেটা
মোটাই পছন্দ করছে না । বুঝলে, গোসাই ?”

“গোসাই কি করবে তার ?—তুমি উঠে পাক করবে নাকি ?”
—কথাটা ঠিক মানাইল না বুঝিলাম । একটু জোর করিয়া
হাসিবার চেষ্টা করিলাম ।

“তা’ নয় কর্তা, ঐ প্যান্‌পেনে মেরেটা মাথা খাচ্ছে আমার,
ও তোমার জন্তে পাক করবে ;—তোমার খাওয়া ভাল হয় না,
এজন্য যে গুর দরদের অস্ত নেই !”—

সুজাতা পাখা ফেলিয়া উঠিয়া চলিয়া বাইতেছিল, বৌদিদি

কহিলেন, “ওরে কলিতে তো কার ভাল করতে নেই,—তোরা আরজি পেশ্ করতে আমার মাথা কেটে যাচ্ছে আর তুই কিনা একটু হাওয়া দিচ্ছিলি, পাখাটা ফেলে চলে যাচ্ছিস্!”

সুজাতা রাগিয়া গিয়াছিল; বক্রদৃষ্টিতে একবার বৌদিদির মুখের দিকে চাহিয়া পাখা ফেলিয়া দিয়া চলিয়াই গেল।

বৌদিদি হানিতে লাগিলেন। এমন সময়ে দুর্বীন্ হাতে অভিত আসিয়া হাজির হইয়া কহিল, “দাদাবাবু, আজ রাত্তার ভারি একটা মজা হয়ে গেছে;—ম্যাজিষ্ট্রেটের কুঠির কাছ দিগে যাচ্ছিলাম, সাহেব কোথা থেকে সাইকেল ছুটিয়ে আসছিল, পথের ওপর একটা বাঁড় ছিল, বেলু দিতেই সেটা হটাৎ কেপে উঠল, সাহেব সামলাতে না পেরে সাইকেল থেকে পড়ে গেল। রাত্তার অনেক লোক ছিল, কেউ বা হেসে উঠল, কেউ বা দাঁড়িয়ে দেখতে লাগল; আমি ছুটে গিয়ে সাহেবকে ধরতেই, সাহেব হাসতে হাসতে উঠে দাঁড়াল। লেগেছে কিনা জিজ্ঞেস করতেই সাহেব আমাকে পরিষ্কার বাঙ্গলায় তাঁর যে লাগেনি তা’ বললেন! সাহেবরা এমন বাঙ্গালা কি বলতে পারে দাদাবাবু? আমি শুনে ভারি আশ্চর্য হয়ে গেলাম।”

“বটে তুই যে সাহেবকে ধরতে গেলি, তোরা ভয় করল না?”—

“ভয় করবে কেন দাদাবাবু? ওতো মাটিতে পড়ে গড়াছিল; হেঁটে চলে যাচ্ছে,—সে সাহেবকেও আমি ভয় করিনে।”—

অভিত একটু বুক ফুলাইয়া সোজা হইয়া দাঁড়াইল! কথা

নন্দন-পাহাড়

তুনিয়া বৌদিদি হাসিয়া উঠিলেন। সম্মুখে জিজ্ঞাসা করিলেন,
“সাহেব তোকে আর কি বর্ণেরে ?”—

“সাহেব আমাকে তার কুঠিতে ধরে নিয়ে গিয়ে তার মেমের
সঙ্গে পরিচয় করিয়ে দিল ;—ঠিক আমার সমান বয়সী একটা
ছেলে আছে, সে মেমসাহেবের ছোট ভাই। কিন্তু সে বোধ হয়
আমার সঙ্গে জোরে পারে না ; তার হাতের কাজ আমি টিপে
দেখেছি ; খুবশক্ত—কিন্তু তা হলেও গাঙ্গা কষে, আর দেওয়ালের
গায়ে ঘুসি ঠুকে আমি বা’ হাত শক্ত করে তুলেছি ; আমার সঙ্গে
আর পারতে হয় না !”—

“অবাক করলি যে অজিত, তুই এত কাণ্ড করে এলি সাহেবের
কুঠিতে যেয়ে !—”

“মেম আমাকে রোজই যেতে বলেছে। মেমের একটা মেয়ে
আছে ; বৌদিদি, তোমার গায়ের রং সোণার মত, কিন্তু তার
গায়ের রং ঠিক ছুধের মত সাদা। চুলগুলি সোণালি রং এর,
তোমার চুলের মতন এমন কালো,—এমন সুন্দর নয় !”—

“তুই তাকে বিয়ে করবি, অজিত ?”

“হুঃ—বৌদির যে কথা ! দেখুন তো দাদাবাব, ছরবীণটার
এই জুটা আমি কিছুতেই খুলতে পারলুম না !—দিদি সেদিন
ছাতের উপর বসে এমনি জোরে জোরে মোড় দিচ্ছিল, যে এখন
আর খোলাই যাচ্ছে না।”

“ছাতের উপর তোর দিদি ছরবীন্ দিয়ে কি করছিলরে ?”
হঠাৎ বৌদিদি জিজ্ঞাসা করিলেন।

“তাই বলি আর কি ?”—অজিতের মুখে একটু ছটু হাসি
কুটির উঠিল।

“বল না লক্ষী ভাইটা।”

“কি দেবে আমাকে ?”—

আচ্ছা, তোকে এই—আমার সেই ঠাইলো পেন্টা দেব।”

“কই দাও,”—এই ঠাইলো পেন্টার দিকে অনেক দিন হইতে
অজিতের যে একটা লুক দৃষ্টি ছিল, তাহা বৌদিদি আনিতেন।

“না দিলে তুই বলবিনে ?—যা, তবে তোকে আর দিলাম
না।”—বৌদিদি অল্প কথা তুলিবার চেষ্টা করিতেই লুক অজিত
বলিয়া উঠিল, “দিদিকে বলোনা কিন্তু দিদিমণি; দাদাবাবু নন্দন
পাহাড় থেকে নেমে আসছিলেন, দিদি তাই দেখেছিল ওই ছুরবীন্টা
দিয়ে।”—

“আরে পণ্ডিত, তুমি দিদির নামে বানিয়ে বলচ,—আমুক
সুজাতা, আমি তাকে বলে দিচ্ছি।”

অজিত একটু অপ্রতিভ হইয়া আমার মুখের দিকে চাহিল;
তারপর যখন দেখিল, ঠাইলো পেন্টা হাত ছাড়া হয় এবং সঙ্গে
সঙ্গে দিদির গালি খাবার পথও তৈয়ারী হইয়া যাইতেছে, তখন
সে কথিয়া উঠিয়া নিতান্ত নিরুপায়ের মতই বলিয়া ফেলিল;—

“চাইনে তোমার ঠাইলো পেন;—ভারিত জিনিষ; ওর
একটা আমি বড় হ’লে কিনে নেব।”

বড় হইলে কিনিয়া লইবে য়নকে এ প্রবোধটা দিয়াও কিন্তু
তাহার চোখের কোণে জল আসিতেছিল। কারণ যে জিনিষটা

নন্দন-পাহাড়

সতাই পাওয়া বাইতেছিল, তাহা অনির্দিষ্ট কালের সতাই পিছাইয়া
গেল !

পর মুহূর্তেই যখন বৌদিদি তাঁহার বাগিশের নিয় হইতে সেই
অপূর্ব দ্রব্যটি বাহির করিয়া অভিজের সম্মুখে ধরিলেন তখন
লুক্ক অজিত এত বড় অপমানটাকেও মুহূর্তের মধ্যে তুলিয়া গেল
এবং একেবারে ছোঁ মারিয়া তাঁহার হাত হইতে কলমটা লইয়া
বাহির হইয়া গেল !

বৌদিদি হাসিতে হাসিতে কহিলেন, “পাগল ছেলের কাণ্ড
দেখ !”

কিছুক্ষণ পর্যন্ত টেবিলের উপরকার এটা ওটা নাড়িতে
লাগিলাম। বৌদিদিকে কিছু বলা দরকার হইয়া পড়িয়াছিল।
কিন্তু কি ভাবে কথাটা আরম্ভ করিলে সব দিক্ রক্ষা হইবে তাহা
ঠিক বুঝিতে পারিতেছিলাম না। একবার বৌদিদির মুখের দিকে
চাহিলাম। শীর্ণ, পাণ্ডুর ললাটের উপর স্বেদবিন্দু ফুটিয়া রহিয়াছে।
একটু হাসিয়া একটু কথা বলিয়াই যেন বড় পরিশ্রান্ত হইয়া
পড়িয়াছেন মনে হইল। পাখাখানা তুলিয়া লইয়া একটু হাওয়া
দিতেই বৌদিদি কহিলেন, “ওমা, ওকি ! ছিঃ, হাওয়া দেওয়ার
দরকার নেই তো !”

তাঁহাকে শব্দব্যস্ত দেখিয়া একটু হাসিয়া কহিলাম, “কই, এত-
দিন বলনি ত, বৌদি ?”

মুখে একটু তৃপ্তির হাসি ফুটিয়া উঠিল, কহিলেন বলবার শক্তি
থাকলে বলতাম বই কি ! কিন্তু তবু মনে হয় ভগবান্ যে এতখানি

অল্প দিচ্ছেন, কষ্ট দিচ্ছেন, এরও যথেষ্ট আবশ্যক ছিল। যেখানে পাওয়ার দাবী আছে, সেখান থেকে যথেষ্ট পেন্সেও সেটা প্রাপ্য সীমানার মধ্যেই থেকে যায়,—ছাড়িয়ে যায় না; কিন্তু যেখানে কিছুই পাওয়ার দাবী ছিল না, সেখান থেকে এতটাই পেয়েছি যে, সেই পাওয়াটা আমার একটা খুব বড় সমস্যার সীমাংসা করে দিচ্ছে।”

বৌদিদির কথাগুলি যে আমার কাছে নিতান্ত হেরালীর মত বোধ হইল, এমনটা বলিতে, পারি না, যেহেতু আমার মনের মধ্যে ঠিক পূর্ব মুহূর্তেই এমন কতকগুলি কথা বৌদিদিকে বলিবার জন্য আগিয়া উঠিয়াছিল, যাহা এই কথাগুলির সঙ্গেই অত্যন্ত ঘনিষ্ঠ সম্পর্কযুক্ত।

বৌদির মুখের দিকে চাহিয়া কহিলাম, “বেশ তারপর ?”—

তিনি কহিলেন, “আগে পাখাটা রাখ, পরে বল্‌চি।”

“আচ্ছা হাওয়াটা না হয় আমি নিজেই খেলাম।”—

বৌদিদি মৃদু হাসিয়া কহিলেন, “সোণা খাঁটি কিনা জান্‌বার জন্য মানুষকে সত্যিই অনেকখানি বেগ পেতে হয়। শুধু বাহিরটা দেখে যদি মানুষ সোণা চিন্তে পারত কোনও কথাই ছিল না; কিন্তু তা’তো হয় না ঠাকুরপো; হুঃখের কষ্টপাথরের উপর তাকে কত করেই যে কবে দেখতে হয়। নইলে প্রায়ই সোণা বলে মানুষ আদর ক’রে পেতল ঘরে নিয়ে যায়—”

“তারপর সিন্দুক উঠিয়ে রাখে, এই ত ?”

“না, গলার পরতে চায়; কিন্তু দু’দিন না যেতেই সবাই ধরে

মঙ্গল-পাহাড়

কেলে, বা' এত করে নিরে আসা হয়েছে তা' সোণা তো নয়ই ;
পেতল বা গিন্টি !"

হাওয়া যে কোন্দিকে বহিতেছে, তাহা বুঝিতে বাকী ছিল
না, কিন্তু তবুও হঠাৎ মুখের মতই বলিয়া ফেলিলাম, "খাঁটি
সোণা তুমি কিছু পেয়েছ নাকি ?"

বৌদিদি হাসিয়া বলিলেন, "তোমার বুঝি আর তর সহছে
না, কেমন ? হাঁ, খাঁটি সোণা আমি কিছু পেয়েছি, এবং এই
অস্থলের মধ্যেই সোণা খাঁটি কিনা তা' আমি পরখ করে বাচাই
করে নিয়েছি।"

"তবে আর কি, এখন নেক্লেস্ তৈরী করে ফেল ;—আর
বাগু, এত বাজে বক্তেও পার তুমি !"

"তা আমার পাওয়া সোণা দিয়ে- বা'ই আমি তৈরী' করি
না কেন, এটা ঠিক বলে রাখলাম, যে, যার গলার আমার তৈরী
জিনিষ আমি ঝুলিয়ে দেব তা তাকে মাথা পেতে নিতেই হবে,"—

তর্ক করিতে করিতে দুই পক্ষই সময়ে সময়ে এমন একটা
বারগার আসিয়া পৌছে, যেখানে উত্তর পক্ষই হঠাৎ খামিয়া যায়,
এবং তর্ক বন্ধ করিয়া দেয়। আমাদের কথাগুলি এতদূর অগ্রসর
হইলে বৌদিদি হঠাৎ খামিয়া গেলেন, আমিও অনেকক্ষণ পর্যন্ত
কোনও কথা বলিতে পারিলাম না।

তারপর হঠাৎ কখন যে এক সময়ে ঘর হইতে বাহির
হইয়া চলিয়া আসিলাম, তাহা নিজেরও ঠিক বুঝিতে পারিলাম
না।

আমার এমন কতকগুলি কাজ ছিল যাহা বৌদিদি মিছে দেখিয়া শুছাইয়া করিয়া না রাখিলে আমার কিছুতেই মন উঠিত না ! বৌদিদি ছাড়া আর কেহ যে সে কাজগুলি তেমন করিয়া করিতে পারে এ বিশ্বাস আমার ছিল না। মা-মরা ছেলেগুলি যেমন সময়ে সময়ে আত্মীয় বিশেষের কাছে অতিরিক্ত আদর পাইয়া একেবারেই অকর্ষণ্য হইয়া যায়, আমার অবস্থাটাও তেমনি হইয়াছিল। ছেলেবেলার মা স্বর্গগত হইলেন, তারপর হইতেই বৌদিদির কাছে অতিরিক্ত আদর পাইয়া পাইয়া নিজের ছোটখাট কাজগুলিও আর করিয়া লইতে পারিতাম না।

সুতরাং বৌদিদি ব্যারামে পড়া অবধি আমার থাকিবার ঘরটার চেহারা এমনই বিলম্বী হইয়া উঠিয়াছিল, যে, তাহা আমার নিজের কাছেই অত্যন্ত বিরক্তিকর হইয়াছিল। কিন্তু শুছাইতে বাইরা জিনিষপত্রগুলিকে আরও বিশুদ্ধ করিয়া তুলিতাম। ক্রমে বই খাতাপত্রগুলি বিছানার উপরেই শুষ্ক হইয়া উঠিল; শুইবার দরকার হইলে সেগুলি একপাশে সরাইয়া কোনও মতে একটু ঝাড়া করিয়া লইতাম। টেবিলের উপর রাজ্যের জিনিষ জড় হইতেছিল; বিশুদ্ধ খাতাপত্রগুলির মধ্যে কর তারিখের আধখোলা খবরের কাগজ; কতকগুলি ঔষধের শিশির পাশে কালীশূক্ৰ দোয়াত হুইটী; কলমদানীর উপর মণিব্যাগটা; একপাশে ছাতিটা ও বেড়াইবার লাঠিগাছটা; ছাতিলাঠির উপরেই খাবারের রেকাবীখানা; পাশেই একটা কোট্ ও একটা গেঞ্জি; যে কোনও একটা জিনিষ ধরিয়া টান দিলেই আর পাচটা পড়িয়া

নন্দনপাহাড়

যায়। আলনার কাপড়গুলি চেয়ারের উপর স্তূপীকৃত; ছুতাগুলি ইতস্ততঃ বিক্ষিপ্ত; মনে হয় ঠিক যেন জার্মান আক্রমণের পরের অবস্থা।

বহুদিন পরে সেদিন একটু নন্দনপাহাড়ের দিকে বেড়াইতে গিয়াছিলাম। ফিরিয়া আসিয়া দেখিলাম, আমার ঘরটা কে সাজাইয়া, শুচাইয়া ঠিক করিয়া রাখিয়াছে। বিছানার কালীমাথা চাদরের স্থানে খোলাই চাদর আঁসুত রাখিয়াছে। বইগুলি সেক্‌ফের উপর উঠিয়াছে। খাতাগুলি টেবিলের উপরে, চিঠিপত্রগুলি লেটার কেসের মধ্যে স্থান পাইয়াছে। কাপড়জামাগুলি আলনার শোভা পাইতেছে। চেয়ারটা টেবিলের কাছে রাখিয়াছে, অন্য ঘর হইতে একটা ছোট চেয়ার আনিয়া জানালার কাছে রাখিত হইয়াছে; টেবিল ল্যাম্পের কালীটা কে সব্বদে মুছিয়া ঠিক করিয়াছে। এবং শয্যার কাছেই টীপয়টা রাখিয়া, তাহার উপর জলের গেলাস, পানের ডিবাটা শুছাইয়া রাখিয়াছে। আর একখানা ছোট টীপয়ের উপর বিকালের জলখাবারটা ভোক্তার জন্য সাগ্রহে অপেক্ষা করিতেছে।

কোথায়ও এতটুকু ক্রটি নাই;—বৌদিদির মিপুণ হস্তের পরিচয়টা যেন আমি প্রত্যেক কার্যের মধ্যেই দেখিতে পাইতেছিলাম। কিন্তু তবু এটাতো নিশ্চিত, যে বৌদিদি তাঁহার শয্যা-জ্যাগ করিয়া উঠিয়া কিছু আর এতগুলি কাজ করিতে পারেন নাই।

সুতরাং এ যে সুজাতারই কর্মকুশলতার পরিচয়টা; প্রত্যেক

কাথোর মধ্যে ফুটিয়া রহিয়াছে, সে বিষয়ে সন্দেহ করিবার কিছুই ছিল না।

এই সাজান গুহান প্রত্যেকটি কাথাই যেন আমাকে অজান্তে ভাষায় জানাইতেছিল,—“সে কত নিপুণ, কত সুন্দর যে এমনি করিয়া বৃকের দরদ দিয়া কাজ করিতে পারে।”

রূপ কথার রাজকন্তা যেমন কোন্ এক অজান্তে মুহূর্তে তাহার গোপন স্থান হইতে অলক্ষ্যে বাহির হইয়া আসিয়া, তাহার কোমল, নিপুণ পদ্যহস্তের স্পর্শ দিয়া প্রত্যেক জিনিষের উপরেই লক্ষ্মীর আলিপনা শ্রী ফুটাইয়া দিয়া আবার তাহার নীরব গোপনতার মধ্যে ফিরিয়া যায় ;—এও তেমনি আজ আমার এই মলিন বিশৃঙ্খল কক্ষটার সমস্ত কুশ্রীতাকে দূর করিয়া দিয়া কোথায় আপনাকে গোপন করিয়া রাখিয়াছে।

কিন্তু তখন, এত যে করিয়াছে, সে ঐ পাশের ঘরটার মধ্যেই আছে, এবং আমি ইচ্ছা করিলেই এই মুহূর্তেই বাইরা তাহাকে দেখিয়া আসিতে পারি, এই অতি সত্য কথাটা বার বার মনে পড়িয়া, আমার সর্ব্বাঙ্গে একটা নিবিড় পুলকস্পন্দন সৃষ্টি করিয়া তুলিতেছিল।

রূপকথার রাজকন্তা কোন এক সার্থক, শুভ মুহূর্তে আপনার সমস্ত গোপনতার খোলস দূর করিয়া ফেলিয়া দিয়া মুক্ত হইয়া ধরা দিয়াছিল ; এমনটা কি হইতেই পারে না, যে, ঐ নারী, যে রাজকন্তাও নহে, রাজবধুও নহে, শুধু সাধারণ গৃহস্থ ঘরেরই কন্তা, সেও একদিন তেমনি করিয়া ধরা দিবে ?

নন্দন-পাহাড়

সমস্ত ঘরটা একবার ঘুরিরা ঘুরিরা দেখিলাম। ছোট খাট সমস্ত জ্বাগুলির সঙ্গেই যেন একটা নিবিড় পরিচয় স্থাপন করিরা লইতেছিলাম !

তাহারা যে, ছুইখানি কৰ্মনিপুণ পরমশুভ্র, কোমল হস্তের সযত্ন স্পর্শ লাভ করিরা কৃতার্থ হইরাছে !

বৌদিদির ঘরে আসিয়া জিজ্ঞাসা করিলাম, “বৌদিদি তুমি কি ইন্দ্রজাল জান ?”

“কেন, কি হয়েছে ঠাকুরপো ?”

“বিছানার উপর উঠে বসবে, সে শক্তিও তো তোমার নেই দেখছি ; কিন্তু আমার ঘরের চেহারা অমন বদলে গেল কি করে ?”

কি আশ্চর্য্য ছুটি চক্ষু ! চোখের দৃষ্টির ভিতর দিয়া যে অমন করিরা স্নেহ রক্ষিত হইতে পারে তাহা আমি আর দেখি নাই ! বৌদিদির চোখ দু’টি হাসিতেছিল, কিন্তু চোখের পাতা যে জলভার হইয়া উঠিয়াছে, তাহা তিনি কোনও মতেই গোপন করিতে পারিলেন না ।

মনে হইল বর্ষার জলসিক্ত তরুণ পল্লব-শীর্ষে প্রভাতসূর্যের কোমল, নির্মল আলোকরেখা পড়িরা হাসিতেছে । “তা, হবে, বোধ হয় বাছ কিছু জানি ; কিন্তু এমনি অদৃষ্ট যে উঠে গিয়ে একটু দেখবো সে শক্তিও ভগবান্ রাখেন নি ।”

একটু চুপ করিরা থাকিরা কহিলেন, “তোমার খাবার খেয়ে এসেছ ?—ও ঘরেই তো রাখতে বলেছিলাম । আজ্ঞা এখানে

আমার কাছে ধসেই থাকবে ;—হাত মুখ ধুয়ে এস ! —সুজাতা,—
ও সুজাতা !—

আমি যে ঘরে আছি, সুজাতা তাহা জানিতে পারে নাই ।
পাক ঘরের দিক হইতে উত্তর দিল, “দিদি. ডাকছ কি ?”—

তার পরই পারের শব্দ পাইলাম । ঘর হইতে বাহির হইয়া
বাইব মনে করিলাম কিন্তু এর মধ্যেই সুজাতা আসিয়া পড়িল ।

—“আলুগুলি কুটে ঠিক করছিলাম দিদি ;—তোমার কিছু
চাই ?” হঠাৎ পাশের দিকে চাহিয়া দেখিল, ঘরের মধ্যে আরও এক
জন রহিয়াছে, যাহার আগমন সে ঘূণাকরেও জানিতে পারে নাই ।

অত্যন্ত চমকিয়া উঠিয়া, গায়ের কাপড়টা বদ্বিও সুসংবৃত ছিল
তবুও আর একটু টানিয়া ঠিক করিয়া দিল ; এবং বৌদিদির
বিছানার দিকে একটু অগ্রসর হইয়া গিয়া নীরবে আদেশ অপেক্ষা
করিতে লাগিল !

ঠিক একখানি আনন্দ প্রতিমা ! অন্তঃপুরের স্বচ্ছন্দতার মধ্যে
তাহাকে এমন করিয়া আর কোনও দিনই দেখি নাই । অল্প-
বিস্তৃত কালো চুলের রাশি চেউ খেলিয়া, পিঠ্ ছাড়াইয়া
নামিয়াছে ; কন্ঠের ব্যস্ততার মধ্যে সে যে নীল সাড়ীখানি আঁটিয়া,
জড়াইয়া পড়িয়াছে, তাহাতে তাহার নিটোল সৌন্দর্য্য সবখানি
কুটাইয়া তুলিয়াছে ! সুগোর ললাটের উপর স্নেহবিন্দু দেখা
যাইতেছে এবং লজ্জারক্তিম কপোলের পাশে কর্ণভূষা ছলিয়া ছলিয়া
তাহাকে এমন একটা অপূর্ব শ্রী দান করিয়াছে, বাহা বুঝাইয়া
দেওয়াটাই সব চেয়ে বড় মুষ্টিলা !

নন্দন পাহাড়

—“ও কিরে, কুঁকু দেখলি নাকি ? ঠাকুরপোর খাবার বুঝি ওঘরে রেখেছিস ? এ ঘরে নিরে আস তো !”

সুজাতা ঘর হইতে নিঃশব্দে বাহির হইয়া গেল ।

“বৌদি, এ বেচারাকে তুমি ওমন করে খাটাচ্ছ যে ? পরের মেয়ে—নিজের ঘরে ওর কিছুটি করবার নেই, কিন্তু এখানে তো তুমি ওকে একদণ্ডও বিশ্রাম দাও না !—”

বৌদিদি হাসিয়া কহিলেন, “আমি কি ওকে খাটতে বলি ? ও কিছুতেই ছাড়বে না ; ঠাকুরের রাগা তুমি পছন্দ কর না বলে ও যে নিজেই পাক করতে শুরু করেছে ! এ যে কি আশ্চর্য্য মেয়ে, মুখে বেশী কথা বলে না, কিন্তু এমনি করেই দুদিনের মধ্যে পরকে আপন করে নিতে পারে, যে আমি ভেবে অবাক হরে যাই ! কাজ কর্ম শেখবার জন্য ওর যে কি আগ্রহ, এবং কত দ্রুত যে ও সব আয়ত্ত করে নিতে পারে ! আমি তো ঐটুকু মেয়ের কাছে হার মেনে গেছি । বাপের বাড়ী যা কিছু শিখেছিলাম, ও তা সবই তো খলে ঝেড়ে নিরেচে, এখন কি শিখিয়ে যে ওর আগ্রহ মেটাব তা আমি বুঝতে পারিনে ।—”

চঠাৎ বাধা দিয়া বলিয়া ফেলিলাম,—“তোমার কথাগুলি কেমন শোনাচ্ছে জান ?—”

বৌদিদি আমার মুখের দিকে চাহিয়া কহিলেন, “কি !—”

“ঠিক যেন বোনের ঘটকালি কর্চ, এমনিতর শোনাচ্ছে”—
কথাটা বলিয়া ফেলিয়াই লজ্জা করিতে লাগিল ।

—“তা যদি শোনার তা'তেই বা কতি কি ? অমন লজ্জীয়

মত বোনের ঘটকালি করতে লজ্জা হবার কোনও কারণই নেই তো ! আর সত্যি কথা বলতে কি, আমি ওর বিয়ের ঘটকালিটা করব এ ইচ্ছাটা অনেকদিন থেকেই আমার মনে মনে রয়েছে ! —তোমার কাছে আর বলতে বাধা কি ?—তা তুমিও একটু চেষ্টা করে দেখ না কেন ?”

শেষ কথা করটা বোদিদি ধীরে ধীরে হাসিয়া হাসিয়া বলিয়া গেলেন ।

“নাঃ—তা’তে আর কাজ নেই, ঘটকালির বিদায় নিয়ে মহা গোল বেধে যাবে !” ঠিক এখনি বুকে ভঙ্গ দিয়া সরিয়া পড়িলে হরতো পরাজয়ের কলঙ্কটা গায়ে মাখিতে হইবে না মনে করিয়া, দুয়ারের দিকে ছুই পা অগ্রসর হইয়া গেলাম । কিন্তু ঠিক তখনি সুজাতা খাবারের রেকাবী ও জলের গেলাসটা হাতে করিয়া দুয়ারের কাছে দেখা দিল !

কিন্তু বোদিদি তাহাকে দেখিতে না পাইয়া কহিলেন,—“আচ্ছা, সুজাতার বিয়ের ঘটকালিটার বিদায় আমি একাই নেব, কিন্তু মনে রেখ, ইন্দ্রিয়া বাম্বনীর হুকুম এখন পর্য্যন্ত কেউ ওলটাতে সাহস করেনি ।”

“ওধু দাদা ছাড়া,—নর !”—বোদিদি এমন একটা তীক্ষ্ণ বাণের আশা করেন নাই ; কিন্তু সাহসী সৈনিকের মতই ছুই হাতে তাহা ঠেকাইয়া দিয়া কহিলেন,

—“না তিনিও না ।”—বলিয়াই হাসিয়া ফেলিলেন ।

—“বটে, প্রমাণ আছে কিছ ?”—

কমল-পাহাড়

“প্রমাণ চাই !—আছে বই কি ?”—বলিয়া বালিশের নীচে হইতে একখানি খাম বাহির করিয়া, হাত বাড়াইয়া আমার সম্মুখে ধরিলেন ।

খামের উপরে দাঁটার হস্তাকর—বৌদিদির নাম লেখা ।

“এ ইন্দ্রিা দেবীর চিঠি,—আমি এ নিয়ে কি করব ?”

বৌদিদি একটু হাসিয়া কহিলেন, “পড় ।” স্নানাতা খাবারের রেকাবী টেবিলের উপর রাখিয়া মাথা নীচু করিয়া ঘর হইতে বাহির হইয়া গেল । তাহার দিকে একবার চাহিয়া চিঠি পড়িলাম ।

চিঠিতে অস্তান্ত কথার মধ্যে লেখা ছিল :—“স্নানাতাকে তুমি যদি চাওই, আমার তাতে আর আপত্তি করবার কি থাকতে পারে ? তুমি যাকে পছন্দ করেচ, সে যে তোমার সংসারকে আনন্দ-নীড়ে পরিণত করতে পারবে, এ বিশ্বাস আমার খুবই আছে । বিহু নিশ্চয়ই ওকে পছন্দ করবে । তুমি যাকে দেবে, তাকে যে সে মাথার করে নেবে তা’ আমি জানি ! তবু তাকে একটীবার জিজ্ঞেস করবে কি ? তোমার চিঠি পেলেই আমি স্নানাতার বাবাকে লিখব !”—

সমস্ত শরীরের মধ্য দিয়া একটা বিদ্যুতের প্রবাহ যেন প্রবল-বেগে বহিয়া গেল । চিঠিটা বৌদিদিকে ফিরাইয়া দিবার সময় হাতটা অনিচ্ছা সত্ত্বেও কাঁপিতেছিল । বৌদিদি সেটুকু লক্ষ্য করিয়া মৃদু হাসিয়া কহিলেন,—“কেন প্রমাণ পেলে ত ?—এখন বল ত মাথার ক’রে নেবে কি না ?”—

একটু সামলাইয়া লইয়া কহিলাম,—“দাদা বুঝি তোমার মাথার করে নিয়েছেন, বৌদি ?”—

“হুঃ ভাইটি, দিদিকে কি এমন কথা বলতে আছে ?”—

পালি খাইয়া হাসিলাম, এবং একটু অগ্রসর হইয়া দুই হাতে বৌদিদির পায়ের ধুলা লইলাম ।

স্নেহ তরলকণ্ঠে তিনি আশীর্বাদ করিলেন,—অত্যন্ত মৃদুস্বরে,
—“সুজাতাকে পাওয়ার সৌভাগ্য হোক !”—

আমি দুই কাণ ভরিয়া বৌদিদির আশীর্বাণী অন্তরে অন্তরে গ্রহণ করিলাম ।—

১০

সুজাতাকে পাওয়া যে সত্যই একটা সৌভাগ্য, তাহা আমি জানিতাম । কিন্তু আমি বুঝিতেই পারিতাম না যে, এত দর্শন বিজ্ঞান যে ঘাটিয়াছে, সেকপীরর কালিদাস কর্তৃক করিয়াছে, তাহার কাছেও ঐ অতটুকু একটি অর্দ্ধশিক্ষিতা বালিকাকে জীবনসঙ্গিনী-রূপে পাওয়া সৌভাগ্য বলিয়া মনে হইবে কেন ?

উহার নীলমাড়ীর বেটনীর মধ্যে, উহার দোহুল্যমান কর্ণভূষার অন্তরালে, উহার লজ্জারক্তিম স্নগোর কপোলের কাছে কাছে, উহার নিবিড় সংসর্পিত কালো চুলের রাশির মধ্যে, উহার কালো চোখের গভীর দৃষ্টির মধ্যে, উহার হাস্তোজ্জ্বল অধরপুটের পাশে পাশে, এমন কি আকর্ষণ থাকিতে পারে, মোহিনী শক্তি থাকিতে পারে, যাহাতে হেগেল কোমৎ ভুলার, সেকপীরর কালিদাস ডুবায়, আর্ধ্যভট্ট মোক্ষমূলর কাঁদিয়া ফিরিয়া যায় ?

নন্দন-পাহাড়

কিন্তু এটা কোনও মতেই অস্বীকার করিতে পারিতাম না, যে ক্ষুদ্র একটা কপোলতিলকের মধ্যে সাদি হাফিজের সমস্ত মদিরা উজাড় করিয়া ঢালা থাকে একেবারেই অসম্ভব নহে ; এবং কালো-চোখের নিবিড় দৃষ্টিটুকুর ভিতরে সেকপীয়র কালিদাসও হারাইয়া বাইতে পারে !

জীবনের এতগুলি বৎসর শুধু কাবালন্দীর উপাসনা করিয়াই কাটাইয়াছি, এবং কাবালন্দী যে স্পর্শ দিয়া বারবার তাঁহার পদমুখে লগাটে তিলক অঙ্কিত করিয়া দিয়াছেন, আজ মনে হইতেছিল, সে সবই যেন একটা দীর্ঘ নীরস তপস্যার পর অদৃশ্য দেবতার কাছে শুধু পার্থিব বর লাভ !

কিন্তু চরম আনন্দ ও মুক্তি যে শুধু দেবতার দর্শন লাভের মধ্যেই লুক্কায়িত, তাহা একবারও মনে হয় নাই !

আজ সমস্ত কাব্যের ও কবিতার আনন্দ ও রস মূর্তি ধারণ করিয়া যখন স্নানাতার মধ্য দিয়া কুটির উঠিল, তখন মনে হইল, এতকাল যে কাবালন্দীর অর্চনা করিয়াছি, সাধনা করিয়াছি, তাহার চরম সার্থকতার মুহূর্ত আসিয়াছে, এবং কাবালন্দী বুঝি তাঁহার হৃদয় অমৃত ভাণ্ড হস্তে লইয়া ঐ স্নানাতার মূর্তিতেই ধরা দিতে আসিয়াছেন !

আজ সবই যেন নবীন সবুজে নন্দিত হঠরা উঠিয়াছে ! অদূরের ঐ নন্দন পাহাড়, দূরের ঐ ধূসর ডিগরিয়া ত্রিকুট মাথা তুলিয়া আকাশের নির্মল আলোক লেখাকে সর্ব্বদে মাথিয়া হাসিতেছে !

নীল আকাশে খণ্ড রঞ্জিন্ মেঘের এমন খেলা, এমন লাশুলীলা, বৃষ্টি, সৃষ্টির শুভ প্রভাতের পর, এইট সর্ব প্রথম আরম্ভ হইয়াছে ! হরিৎক্ষেত্রের মাঝে মাঝে আঁকাবাঁকা পশুগুলি, কোন্ দুঃ পল্লীর দিকে চলিয়া গিয়াছে ! সে পথে বাহা বা আসে, বাহারা যায়, তাহাদের বৃকের ভিতরে যে আশা, বিশ্বাস, পুলক, আনন্দ, স্মৃতি হইতে থাকে, তাহা যেন আজ আর আমার কাছে অজ্ঞানিত ইতিহাস নহে ! তাহারা যেন আমারই পুলক, আনন্দ, বিশ্বাসের এক কণা কুড়াইয়া পাইয়াছে !

দূরে কে যেন সঁানাই বাঁনীটি বাজাইয়া বাজাইয়া আকাশ, বাতাস সঙ্গীতে সঙ্গীতে ভরিয়া দিতেছিল ; কোথা হইতে মাদলের বাতালধ্বনি ভাসিয়া আসিয়া বৃকের ভিতরটা নৃত্যমুখর করিয়া ফুলিতেছিল ! পশ্চিমের পাগল হাওয়া খোলা জানেলার পথে পুষ্পগন্ধ বহন করিয়া আনিতেছিল !

দূরে দূর স্বপ্নপুরীর মতই, লাল, নীল, সাদা বাড়ীগুলি দেখা যাইতেছে ; কে যেন নিপুণ হস্তে অঙ্কিত একখানি চিত্রপট মেলিয়া ধরিয়াছে । ঐ পুষ্পবিতানে ঘেরা বাড়ীগুলি আর যেন আমার কাছে শুধু-ইট চূণ কাঠের সমষ্টিই নহে ; উহাদেরও প্রাণ আছে, হৃদয় আছে ! উহারাও যেন মানুষের মতই সুখ, দুঃখ, আনন্দ অনুভব করিতে পারে ! প্রভাতাক্রণের নির্মল আলোকে উহারাও যেন পুলকিত হইয়া জাগিয়া উঠে ; কোমল, শুভ্র, শশাক লেখার ঘুমা-ইয়া পড়িয়া স্বপ্ন দেখে ; -আবার মেঘমেহুর আনন্দবিহীন সন্ধ্যার কাহার বিরহে স্নান হইয়া উঠে !

নন্দন-পাহাড়

কিন্তু ইহারা স্বপ্নরাজ্যের সমস্তখানি বিশ্বয় ও পুলক নিঃশেষ করিয়া সর্বান্তে মাথিয়া কাহার জন্য অপেক্ষা করিতেছে? ইহারা কাহাকে চাহে,—কি চাহে? আমার কাছেই বা কি প্রয়োজন ইহাদের?

আজকার প্রভাতের আকাশ, বাতাস, চরাচর, এমন করিয়া রঙ্গিন নেশার মাতাল হইয়া উঠিয়াছে কেন?—

ক্ষুদ্র কক্ষের মধ্যে নিজেকে ধরিয়া রাখা একেবারেই অসম্ভব হইয়া উঠিতেছিল। বাহির হইয়া আসিলাম। অজিত বারান্দার উপরেই দাঁড়াইয়াছিল। দুই হাত ধরিয়া তাহাকে একবার কোলের কাছে টানিয়া আনিলাম। সে তাহার বিম্বিত দৃষ্টি তুলিয়া আমার মুখের দিকে চাহিল!

“বেড়া’তে যাচ্ছেন্ বুঝি দাদাবাবু?—আপনি রোজই বলেন, আমাকে সঙ্গে নিয়ে যাবেন; কিন্তু রোজই ক’কি দেন; আজ্ আর ছাড়্ চিনে; দিদি আমাকে আজ সকাল সকাল তুলে দিবেচে, এবং এই বারান্দার উপর দাঁড়িয়ে থাকতে বলেচে!—আজ্ আর আপনি আমার না নিয়ে যেতে পার্চেন্ না!”—বলিয়াই অজিত হাসিয়া উঠিল।

সম্মুখে তাহার মাথার হাত বুলাইয়া দিতে দিতে কহিলাম, “তোমাকে ক’কি দেবার মতলব তো আমার একটুও নেই অজিত! বেলা আটটার আগে তুমি বিছানা ছাড়্বেনা, তা’ কেমন করে আমার সঙ্গে যাবে?”

“সে বুঝি আমার দোষ?—দিদি যদি আমাকে এমনি রোজ

সকালে তুলে দেয়, আমি নিশ্চয়ই আপনার সঙ্গে যেতে পারি। তা' সে তুলে দেয় না যে!"—অজিত তাহার ক্ষুদ্র অধর একটু খসারিত করিয়া, ঘাড় ফিরাইয়া একবার ঘরের দিকে চাহিল। খুব ঘোর নিয়া বলিলেও কথাগুলি বাহাতে তাহার দিদির কাণে না যায়, সে চেষ্টা অজিতের যথেষ্ট ছিল।

"বত দোষ হ'ল বুঝি তোমার দিদির?—তুমি যে ঘুমিয়ে থাক, ওঠ না, সেটা কিছু নয়,—কেমন?"—

"বারে, দাদাবাবুর যে কথা! আমি তো ঘুমিয়েই থাকি, উঠ'ব কেমন করে? ঘুমিয়ে থাকি বলেই তো উঠিনে! বেগে থেকেও উঠিনে, এমনটা হলে, না হয় আমার দোষ দিতে পারতেন! দিদি তো খুব গোরেই ওঠে;—সে যদি আমাকে না জাগিয়ে দেয়, তবে দোষটা কার?—তার না আমার? তা' দিদি জাগাবে কি, তার তো কাজের অন্ত নেই; তোরে সবার আগে উঠেই সে ফুল তুলবে, ঘর সাজাবে, বাবার আফ্রিকের যাত্রা করবে—" হঠাৎ ফিরিয়া বাড়ীর দিকে চাহিয়া অজিত চীৎকার করিয়া উঠিয়া কহিল "দিদি ভাল হচ্ছে না কিন্তু, তুমি রোগই যে আমার দুরবীণ চুরি করে এনে ছাতে উঠে মজা করে সব দেখবে, তা' হচ্ছে না কিন্তু!—" অজিত বাড়ীর দিকে ছুটিয়া যাইতেছিল, হাত ধরিয়া তাহাকে টানিয়া রাখিয়া ছাতের দিকে চাহিলাম; ছাতের উপর সূজাতা ছিল; অজিত যে তাহাকে হঠাৎ দেখিয়া ফেলিয়া এমন বিশ্বাসঘাতকতাটা করিবে সে তাহা মনে করেনাই। এখন অজিতের অতর্কিত

নন্দন-পাহাড়

চীৎকার শুনিয়া অত্যন্ত চমকিয়া উঠিয়া সে দ্রুতপদে নীচে নামিয়া গেল !

অত্যন্ত হাততালি দিয়া হাসিয়া উঠিল, “কেমন জন্ম ! সে দিনও ঠিক এমনি জন্ম হয়েছিল বৌদির কাছে । আপনাকে বলিনি সব, দাদাবাবু ! ঐ মন্দির থেকে আসবার পরদিন । নন্দনপাহাড় থেকে আপনি নেমে আসছিলেন, দিদি দূরবীণ হাতে সব দেখেছিল,—আর ঠিক তেমনি সময়ে বৌদি’ এসে পড়লেন । ও তো দূরবীণ ফেলে দিবে ঠিক এমনি করে ছুটে পালান,—সে এমনি ছুটে, একেবারে পড়ে কি মরে !—কি জন্ম !”—অজিত আবার হাসিয়া উঠিল !

অজিত আনাকে সেদিনকার প্রত্যেকটি কথাই বলিয়াছিল বটে, এবং এমন অনেক খবরই আমি অজিতের নিকট হইতে সংগ্রহ করিতাম, যাহা সমগ্র বিশ্বব্রহ্মাণ্ডের কাছে অত্যন্ত অপ্রয়োজনীয় ও তুচ্ছ হইলেও আমার কাছে বহু অর্থপূর্ণ ও মূল্যবান ।

“কিন্তু দিদি তার অভ্যাস ত কিছুতেই ছাড়বে না ; সকাল বেলা দূরবীণ নিয়ে যে ছাতে উঠবে তা’ উঠবেই ।”

অজিতের প্রত্যেকটি কথা যেন আমার বুকের মধ্যে এক একটা কুলের মতই ফুটিয়া ফুটিয়া পুঞ্জীভূত হইয়া উঠিতে ছিল ; নিজের কল্পনার অনুরূপ কত অর্থই মনে আসিতেছিল !

স্বভাবতঃ কবে কি করিয়াছিল, কবে কি বলিয়াছিল, অজিত অনর্গল তাহাই বকিতে বকিতে পথ চলিতেছিল । অজিত কিন্তু

বিন্দুবিসর্গও জানিত না, যে, তাহার মত বালকের প্রত্যেকটি কথাও একটা বিচিত্র স্বপ্নলোক গঠন করিয়া তুলিতে পারে!—

১১

বাপার কিবিয়া আসিতে বেলা প্রায় এগারটা বাজিয়া গেল।

বৌদিদি কহিলেন, “বাপরে, এমন সৃষ্টি ছাড়া বেড়ানও আমি দেখিনি’; এত রোদ লাগিয়ে অসুখ করবে না?”—

বৌদিদি অনেকটা সুস্থ হইয়া উঠিয়াছিলেন, এবং হাঁটিয়া বারান্দা পর্য্যন্ত আসিতে পারিতেন।

“ওরে সুজাতা, অজিতকে আর ঠাকুরপোকে কি তৈরী করে-চিস্, এনে দে ত! আহা, ছেলেটার মুখ চোখ রান্না হয়ে গেছে। ছেলেমানুষ, ওকি পারে এই খোট্টাই রোদ্ লাগাতে!—” অজিতকে সম্মেহে কাছে টানিয়া নিয়া বৌদিদি বাতাস দিতে লাগিলেন।

“আমার কিছু কষ্ট হয় নি তো বৌদি;—আজ চোখ পাহাড়ে গিয়েছিলাম,—সে কি পাহাড়,—আমি ভেবে ছিলাম, যেন কতই উচু হবে;—তা’ বৌদি, সে কি পাহাড়, তুমি যে গোবর্দ্ধন পাহাড়ের কথা বলে থাক, তেমনি হবে। একটু বেগী গায়ে জোর থাকলে বোধ হয় তুল হাতের উপর রাখা যায়।—অমন পাহাড় জানলে আমি কখনই দেখতে যেতাম না! তা’ ওর চেয়ে আমাদের নন্দন পাহাড়ই ভাল; দাদাবাবু তো ছাড়বে না”— অজিত আমার মুখের দিকে চাহিয়া হাসিয়া উঠিল।

“ওরে পাগল, বাঙ্গলার মাতীতে একটা টিবিও দেখিস্নি,—সবু ও ওটা তোমার গায়ে লাগল না; আচ্ছা; তোকে একদিন

নন্দন-পাহাড়

ত্রিকুট পাহাড়ে নিরে যাব ; গাড়ী করে যাওয়া যাবে ;—বৌদি,
তুমি একটু শক্ত হয়ে উঠলেই যাব,—

“সুজাতাকে বৃষ্টি নিরে যাবে না, ঠাকুরপো ?”—বৌদিদির
একটু হাসি পালকের অন্ত উঠিয়া মিলাইয়া গেল ।

অজিত বলিয়া উঠিল, “না, দিদিকে আর নিরে কাজ নেই ;
ও মন্দিরে ঢুকতেই মুছাঁ যার, ত্রিকুট পাহাড়ের নীচে হয়তো ওকে
আর খুজেই পাওয়া যাবে না ।”—

সুজাতা খাবার নিয়া আসিতেছিল, অজিতের কথাগুলি শুনিয়া
তাহার কৰ্ণমূল পর্যন্ত আরক্ত হইয়া উঠিল । তারপর একবার ভ্র
কুঞ্চিত করিয়া সে অজিতের মুখের দিকে চাহিল ।

“ও সব আমি ভয় করিনে,—তুমি বাপু যে মেরে, তার পরিচয়
দেদিনই পাওয়া গেছে ! ভালকথা, বৌদি, চোল পাহাড় থেকে
একটা নতুন জিনিষ এনেছি,—কথা শেষ না করিয়াই অজিত
ছুটিয়া বাহিরের বারান্দায় গেল ; এবং প্রকাণ্ড একটা পুঁটুলি দুই
হাতে টানিয়া আনিয়া বৌদিদির পায়ে কাছে ধুপ্ করিয়া
ফেলিয়া দিল !

—“কিরে, ও ?”—

“এগুলি দিয়ে মোরঝা তৈরী করে দেবে কিন্তু, বৌদি,”
পুঁটুলি খুলিয়া অজিত তাহার উড়ানীখানা টানিয়া লইল ; একরাশি-
বেল সমস্ত ঘরে গড়াইতে লাগিল ।

“ওরে পাগল, তুই গোবর্দ্ধন ধারণ না করতে পারলেও গন্ধমাদন
বে ভেবে আনতে পারিস, তা’তে আর কোনও সন্দেহই নেই !”—

বৌদিদির কথাটার অর্থ গ্রহণ করিবার কোনও লক্ষণ না দেখাইয়া অজিত কহিল, “সে এত বেল গাছ পাহাড়ের উপর হরে রয়েছে, বৌদি, তোমাকে আর কি বলব! কিন্তু বেলগুলি সবই ভারি ছোট ছোট; গাছগুলি খুব নীচু, হাত বাড়িয়ে বেল পাওয়া যায়!”—

চাকরটাকে ডাকিয়া বৌদিদি কহিলেন, “ওরে বেলগুলি কুড়িয়ে ঐ চুব্ড়িটাতে রাখতো!—সুজাতা খাবার রেখে পালিয়েচে! তোমরা খেয়ে নাও, এর পর আর কত বেলার ভাত খাবে?”—

খাবার খাইতে খাইতে অজিত কহিল,—“বৌদি, আজ আনরা আরও একটা নতুন য়াগার গিয়েছিলাম”—

—“কোথায় রে?”

“ওই বম্পাস্ টাউনে, সেই ভদ্রলোকদের বাসায়; যিনি মন্দিরে সেদিন দাদাবাবুকে কত সাহায্য করে ছিলেন”—

—“সত্যি নাকি?”—

“হু,—তঁারা আজ বিকেলে এখানে আসবেন বে!”

—“তঁারা!—কে কে আসবেন রে?”

আমি হাসিয়া কহিলাম,—“সে বাসার সবাই-ই আমাদের সঙ্গে দেখা করতে আসবেন;—মেয়েরাও নাকি আসবেন, অতুলবাবু বললেন,”—

“ওমা, তাই নাকি? তবে তো কিছু খাবার তৈরী করিয়ে রাখতে হয়;—ও সুজাতা, সুজাতা!”—

বন্দন-পাহাড়

মুখের ভিতরে খানিকটা খাবার খুঁজিয়া দিতে দিতে অস্পষ্টভাবে পেটুক অজ্ঞত কহিল, “কি কি তৈরী করবে বৌদি’ ? তোমার সেই রসপুলিটা কিন্তু ভুলোনা !”—

“ওরে পেটুক ছেলে, তুমি কতটা রসপুলি খেতে পার, তা’ আমি একদিন দেখব !”—

অজ্ঞিতের মুখের খাবার ফুগাইয়াছিল, সে উৎসাহপূর্ণ মিনতির কণ্ঠে বলিল উঠিল, “একদিন আর কেন ? আজই দেখ না, বৌদি’ ! আজকার দিনটাও খুব ভাল দিন।—আমি পাঞ্জি:ত দেখেছি “অলাবু ভক্ষণ” নিষেধ, কিন্তু রসপুলি ভক্ষণ নিষেধ লেখেনি তো !—আচ্ছা, দাদাখাবু, “অলাবু’টা কি ?”—

অজ্ঞিত তাহার এম্, এ, পাশ দিগম্বজ দাদাখাবুকে যে কথাটির অর্থ জিজ্ঞাসা করিয়া বলিল, তাহার অর্থ বিশ্ববিদ্যালয়ের নির্দিষ্ট কোনও ফেতারের মধ্যে পাওয়া যায় কিনা, একবার মনে মনে আলোচনা করিয়া দেখিলাম; কিন্তু বিস্তর লাটীন্, জার্মান শব্দের অর্থ খুঁজিয়া পাইলেও, “অলাবু”র অর্থ তো কোথাও পাইলাম না।

বৌদিনি কিন্তু ততক্ষা অন্যর হৃদয় দেখিয়া মুখ টিপিয়া টিপিয়া হাসিতেছিলেন। সেভাগ্য বশতঃ সুরাতা দেখানে ছিল না।

কাহারও পরিবর্তে একদিনের জন্ত কোনও স্থান নূতন শিকফতা করিতে গেলে প্রথমদিন ছুটু ছেলের হাতে পড়িয়া যেমন শিকফ বেচারীকে একবারে নাকাল হইয়া উঠিতে হয়, আবারও অহাটা কতকটা তেমনি হইয়া উঠিল।

বৌদিদির নিষ্ঠুরতার সীমা ছিল না; একটু মুহূর্ত হাসিয়া কহিলেন, “ওরে অজিত, ওসব এম্, এ, পাশের বিস্তার কুলোবে না। তুই তোর দিদির কাছে জিজ্ঞাসা করিস্, সে বলবে।”—

আমার দুর্দশা দেখিয়া বোধহয় অজিতের দধা হইল, সে চট্ করিয়া বলিয়া উঠিল, “যে কথার অর্থ এম্, এ, পাশের বিস্তার কুলোবে না, তা আ ম জান্তে যাব বুঝি দিদির কাছে? তুমি তো খুব বললে. বৌদিদি!”—অজিত হাসিতে লাগিল।

রেকাবীতে একটা ক্ষীরের সন্দেশ ছিল, ভারি খুসি হইয়া তাহা অজিতের রেকাবীতে তুলিয়া দিয়া কহিলাম, “ঠিক কথা অজিত। তোর এম্, এ, পাশ করতে কোনোদিনই ‘অলাবু’র অর্থ দরকার হবে না, এবং তুই স্বচ্ছন্দে পাশ করে যেতে পার্বে। —এই আর্ম তোকে বর দিলুম।”—

সন্দেশটা মুখের মধ্যে গুঁজিয়া দিয়া কহিল, “আচ্ছা, বৌদি’ তোমার ‘অলাবুর’ চরে, এই ক্ষীরের সন্দেশ রসপুনি অনেক ভাল নয় কি?”—

“অলাবু জিনিষটা কি তাই জানলিনে, তার ভাল কি মন্দ কেমন করে বুঝি?”—

“আরে ‘ভক্ষণ নিষেধ’ লিখেচে, তবু পাজির পাণ্ডা কেউ পিঁড়ে ফেগেনি, তা’তেই বুঝি, ওর চেয়ে এগুলি ভাল। আর দেখেচ তুমি, হাথ দিয়ে তৈরী কোনও খাবার, পাজিতে ‘ভক্ষণ নিষেধ’ লিখেচে! আরে পাজি যে তৈরী করে তারও তো কোন খাবারটা ভাল, কোনটা মন্দ তা’ জান আছে! মনে কর, কেউ

নন্দন-পাহাড়

যদি “ক্ষীরের সন্দেশ ডক্ষণ নিবেধের” দিনে একতাল ক্ষীরের সন্দেশ হাতে দিয়ে বসে তা’ হ’লে সে বেচারা কি করবে বল বেধি ?”—

কথা বলিতে বলিতে অজিত তাহার খাবারের শূণ্য রেকাবীর উপর আর একবার হাত বুলাইয়া লইল, কিছু হাতে ঠেকে কি না !

বৌদিদি হাসিয়া কহিলেন, “সবাইতো আর তোর মত পেটুক নয়রে, অজিত ! তা’ তোকে আর দুটো মিষ্টি দেব ?”—

লুক্ক অজিত কহিল, “ভোজনের আর ওজন কি বৌদি’ ?— দিবে যদি তুমি খুসি হও, আমি কেন আপত্তি করে তোমার মনে কষ্ট দেব, তাই বল ।”—

অজিতের কথা শুনিয়া সকলেই হাসিয়া উঠিল ।

এই লোভী ছেলের অন্নদিনের মধ্যেই বৌদিদির প্রচুর স্নেহ আকর্ষণ করিয়া লইয়াছিল । চিরদিনই বৌদিদির কাছে পেটুকের আদর যথেষ্ট ! অজিত সময়ে অসময়ে নানা আব্দার করিয়া বৌদিদির সমস্ত স্নেহটুকু, আদরটুকু অধিকার করিয়া লইতেছিল ।

এই সন্তানহীনা নারীর ক্ষুধিত অন্তর একটা ছোট ছেলেকে কুকের কাছে রাখিয়া লালন করিবার জন্যই যে একান্ত উন্মুখ হইয়া রহিয়াছে, তাহা আমি বেশ বুঝিতে পারিতাম ।

বিকালের দিকে অতুলবাবুদের গাড়ী কটকের কাছে আসিয়া খামিতেই অজিত ছুটিয়া বাইরা পেট্ খুলিয়া দিল । অজিতের

সঙ্গে অতুলের স্ত্রী ও সূজাতার সমবয়স্কা একটা কিশোরী ভিতরে আসিলেন। এতক্ষণ প্রাক্কনের এক পাশে দাঁড়াইয়া ছিলাম; এখন অগ্রসর হইয়া অতুল বাবুদের কাছে গেলাম। অতুলবাবুর সঙ্গে আর একটা যুবক ছিলেন।

নমস্কার প্রত্যর্পণ করিয়া হাসিমুখে অতুলবাবু কহিলেন, “এটা আমার ছোট ভাই অনিল; আসুচ্ছেবার এম্, এ, দেবে”—

আমি অনিলকে নমস্কার করিয়া কহিলাম, “উনি বে আপনার ছোট ভাই, তা’ বন্বার আগেই বুঝতে পেরেছিলাম; আপনাদের চেহারার মধ্যে সাদৃশ্য এত বেশী রয়েছে যে,—”

কথা বলিতে বলিতে বারান্দার সিঁড়ির উপরে উঠিতেছিলাম; হঠাৎ চাহিয়া দেখিলাম, ছুরারের গোড়ায় দাঁড়াইয়া বৌদিদি মুহূঃ মুহূঃ হাসিতেছেন। ভিতরেও মেরেদের চাপা হাসির শব্দ শুনা যাইতেছিল!

বিস্মিত দৃষ্টিতে বৌদিদির মুখের দিকে চাহিতেই তিনি বলিয়া উঠিলেন, “আ আমার কপাল, এই তোমার অতুলবাবু!—আমার তখনি মনে মনে সন্দেহ হয়েছিল; তা’ কেমন করে বুঝবে ওরা এখানে এসেচে!”—

অতুল ও অনিল বৌদিদির কথা শুনিয়া তাঁহার মুখের দিকে চাহিল, এবং দুই লাফে সিঁড়ি পার হইয়া বারান্দার উপর উঠিল! বিস্মিতকণ্ঠে অতুল কহিল, “সে কি, ইন্দিরা দিদি, তুমি এখানে?”—

অতুল ও অনিল উত্তরেই বৌদিদিকে প্রশ্ন করিল। তিনিঃ

অস্মান-পাহাড়

অনিলের মাথায় হাত বুসাইয়া দিয়া হাসিতে হাসিতে কহিলেন,
“ও কি অতুল, তুই যে আমাকে প্রণাম করুনি? ছেলেবেলার
সময় যখন মামাবাড়ী যেতাম, তখন বিজয়ার দিনও তো
তোর কাছ থেকে একটা প্রণাম আদায় কর্তে পারি নি! বরসে
সাত দিনের বড় বলে আমি তোর কাছ থেকে গুরুজনের সম্মান
যতই আদায় করে নিতে চাইতাম, তুই ততই বেকে বসুতি—মনে
আছে সে কথা? দিদি বলেও তো কোন দিন ডাকতে
চাইতি না।”—

—“ছেলে বেলায় কি গোয়ার ছিলাম, তা’ বুঝি তুমি ভুলে
যাওনি ইন্দিরা দি’?”—

বৌদিদি হাসিয়া কহিলেন, “ঈশ, আমার এই ছেলের মত
দেবরের সামনে আমার নামটা আর নিসনে। তুই তো এখন
বড় সড় হয়েছিস, আমিই না হয় সাতদিনের দাবী ছেড়ে দিয়ে
তোকেই অতুলনা’ বলে ডাকব।”—

তারপর তেমনি হাসিমুখে আমার দিকে কিরিয়া কহিলেন,
“তুমি তো অথাক হয়ে গেছ, ঠাকুর পো। এরা যে আমার
মামাত ভাইরা!—ওমা, ওরা এতদিন এখানে রয়েছে, তা’
ঘুগাফরেও জানিনি।—কিন্তু তোমাদের ইংরিজি আদব কায়দা
এমন করে হাত পা বেঁধে দেয়, যে, একটু ভাল করে পরিচয়টা
নেবে তারও ক্ষমতা থাকে না। ছাই ও নিয়মে না চলে,
আমাদের দেশী নিয়ম মেনে চললেই হয়;—পরিচয়ের সঙ্গে সঙ্গে
সাত পুরুষের খবর টের পাওয়া যায়।”—

“তা’ বলতে পার বৌদি’, ও কেমনই আমাদের অভ্যাস হয়ে গেছে, বেশী পরিচয় নেওয়াটা আর ঘটেই ওঠে না।”

অনিল ধীরে ধীরে কহিল, “অনেক দিনের একটা কথা মনে হচ্ছে, ইন্দিরা দিদি!—কলেজে আমাদের সঙ্গে হীরালাল বলে একটা ছেলে পড়ত; ক্লাসে রাজেন্ বলে আর একটা ছেলের সঙ্গে তার খুব খাতির হয়। প্রায় ছ’মাস পরে একদিন মেসের ঘরে হীরালাল মুখ ভার করে বসে রয়েছে দেখলাম। বোধ হয় কাঁদছিল;—অনেক জিজ্ঞাসাবাদ করে জানলাম, ঐ রাজেন্ হীরালালের বৈমাত্রেয় ছোট ভাই, এবং এতদিন পরে বাড়ীঘরের খোঁজ নিতে-ষেয়ে সব বেরিয়ে পড়েছে;—তাই হীরালাল কাঁদছিল!”—

“কুশীন বামুনের ছেলে বুঝি?”—

“হাঁ, তাই-ই—গোড়াতেই যদি বাপের নাম জিজ্ঞাসা করত তা’ হলে এমনটা হতে পারত না,”—

সকলেই খুব খানিকটা হাসিয়া লইল।

“আমি ত আগে কিছু বুঝিনি;—বৌ ঘরে এল, তাকে দেখেই আমার মনে হ’ল এর মুখ আমার জানা; কিন্তু সেই তোর বিয়ের পর তিন চার দিন ছাড়া তো ওকে আর দেখিনি, চার পাঁচ বছরে চেহারাও অনেকটা বদলে যায়,—বিশেষ মেয়েদের চেহারা;—কিন্তু ওর ডা’ন্ গালের ছোট তিলটা দেখে, আমার যেটুকু সন্দেহ ছিল, তা’ও দূর হ’ল। তখন আরও নিঃসন্দেহ হব বলে দোরের পাশে এসে দাঁড়ালাম।—ওমা দেখি, আমারি শ্রীমান্ ভাইরা।”—

অজিত একটু এদিক ওদিক চাহিল, তারপর বৌদিদ্বির

নন্দন-পাহাড়

একেবারে কোলের কাছে সরিয়া গিয়া কহিল, “তোমার যে শ্রীমান্
ভাইদের বাজার বসে গেল, বৌদি!”—

—“এবং তাদের মধ্যে সব চেয়ে বেশী শ্রীমান্, আমার এই
ছোট্ট অজিত ভাইটি!”—অজিতকে কোলের কাছে টানিয়া লইয়া
বৌদিদি তাহার মাথার হাত বুলাইয়া দিলেন।

কিন্তু অজিত একটু ক্র-কুঞ্চিত করিয়া প্রবল আপত্তি জানাইয়া
কহিল, “বারে, আমি বুঝি হ’লাম ছোট্ট অজিত!—সেদিন সায়েরেবের
বাসায় গেছ্লাম, সায়েরেব আনার হাত ধরে খুব নেড়ে দিবে বললে,
‘বাঃ, অজিত, তুমি এ দু’মাসে খুব বড় হয়ে উঠেছ যে!’—সত্যি
বৌদি, যখন প্রথম দেওবরে আসি, তার চেয়ে আমি ডবল বড়
তবে উঠেছি কি না, আচ্ছা বলনা কেন?”—অজিত তাহার
পাঞ্জাবীর আন্তিন্ টানিয়া সুপুষ্ট হাতটা বৌদিদির দিকে প্রসারিত
করিয়া ধরিয়া মৃদু মৃদু হাসিতে লাগিল।

বৌদিদি আর একবার অজিতের মাথার হাত বুলাইয়া দিয়া
কহিলেন, “ঘাট্ আমার বাছা, শরীর ভাল হয়েছে কইরে তোমার
অজিত? ক’দিন অসুখ হয়নি, এই যা!”—

—“পারলেনা বুঝি প্রাণ ধরিয়ে বলতে? সেদিন মেমসায়েরেবের
ছোট্ট মেয়েটাকে টেনে কোলে নিতে গেছ্লাম, মেমসায়েরেব হেসে
বললে, ওকে তুমি কোলে তুলতে পারবে না, অজিত, ও বড়
ভারি আছে!”—

অজিতকে ধামাইয়া দিবার অন্ত বৌদিদি কহিলেন, “তোমার
মেমসায়েরেবের সঙ্গে আমার আলাপ করিয়ে দিতে পারিস্, অজিত?”

নন্দন-পাহাড়

তা'হলে তার বড় মেয়ের সঙ্গে তোর বিয়ের সখকটা হির করে ফেলতাম ।"—

সেখানে বে আরও কয়েকজন নবাগত উদ্ভলোক উপস্থিত
আছেন. সে কথাটা মনে করাইয়া দিবার জন্য অজিত একবার
বৌদিদির মুখের দিকে চাহিয়া ক্রত ইঙ্গিত করিল ; তারপর
ব্যস্তকণ্ঠে কহিল,—“নেমদায়েব তো তোমার কথা খুব জিজ্ঞেস
করেন, বৌদি' !—হয়তো এখানে একদিন এসে তোমাদের দেখেও
যেতে পারেন ;—বলছিলেনও একদিন তাই !”

—“না বলে করে বুঝি হঠাৎ তাঁদের নিরে আসিসুরে
অজিত !”—

“তুমিও যেমন বৌদিদি, মেম এল আর কি তোমার বাগান,—”

“সত্যি দাদাবাবু. হয়তো মেম্ একদিন আসবেন, নন্দন-পাহাড়
দেখতে তো একদিন আসবেনই ; সেদিন যদি আমরা অকুরোধ
করি অবিশ্রি এখানে একবারটা আসবেন ।”

অনিল কহিল, “তা' অসম্ভব কিছু নয় ; এ'রা আইরিসম্যান্ ;
নূতন এখানে এসেছেন, বাগানীদের সঙ্গে একটু মেলামেশার
ইচ্ছাও আছে । বেশ ভাল লোক, সবাই তো বলে । তা'
অজিতের সঙ্গে এত খাতির হ'ল কি ক'রে ?”

তখন বৌদিদি অজিতের সঙ্গে সাহেবের কেমন করিয়া পরিচয়
হইল, সবটা খুলিয়া বলিলেন ।

“সাহেবের বাড়ীতে ও রোজই একবার বে যাবে তার বাখা
নাই । মেম সাহেবের একটি ভাই আছে, ও'রি এক বরগী ; তার

বন্দন-পাহাড়

সঙ্গে পঞ্জাবী, ঘুমাঘুমা করা, গুর নিত্যকার কাজ ; তারি সুন্দর
ছেচোটা কতদিন এ বাশার এসেছে ; খাবার কিছু দিলে খেতেও
আগন্তু করে না ।”

“বৌদিদি এলুনাট কাল আমার কাছে কি বলেছে জান ?”

“কি রে, অজি ?” — বৌদিদি স্নেহপূর্ণ কণ্ঠে জিজ্ঞাসা করিলেন ।

“সে যে নিষেধ করে দিয়েছে, বৌদি’ ! একদিন সে নিজেই
বলবে বলেছে ।” —

“তবুও তোর কাছে গুনিই না, কি এমন কথাটা !”

অজিত তখন বৌদিদির কাণের কাছে মুগ্ধ নিয়া গোপনে যে
কথাটি বলিল, তাহা আমরা প্রত্যেকেই গুনিতে পাইলাম ।

“এই রে, গেল বৌদিদির আর একটা ভাই বেড়ে ! এতগুলি
ভাইয়ের অবদার অত্যাচার একা সহ করে উঠতে পারলে হয় !”

চাহিয়া দেখিলাম, বৌদিদির চোখের পাতা অশ্রুসিক্ত হইয়া
উঠিয়াছে ; কিন্তু একটা প্রসন্ন তৃপ্তি সমস্ত মুখখানিকে উজ্জল
করিয়া তুলিয়াছে !

একটু চুপ করিয়া থাকিয়া ধীরে ধীরে কহিলেন, “যিনি দেও-
য়ার মালিক, তিনি দুই হাতেই ঢেলে দেন,—এতটুকুও কৃপণতা
করেন না ত ! কিন্তু বুদ্ধির দোষে আমরাই সব ঠেঁকে ফেলি-
য়ে ! ভাই পাওয়ার চেয়ে বড় পাওয়া আর কি হতে পারে,
ঠাকুরপো ? যে বোনের এতগুলি ভাই পাওয়ার সোভাগ্য হয়,
সে ত সীতাদেবীর মতই ভাগ্যবতী, তবু তিনি তো—ওধু এক
স্বপ্নকেই পেয়েছিলেন ।”

আমরা কেহই যে লক্ষণ ঠাকুরের পারের খুলার উপযুক্তও
নই, সে কথাটা বৌদিদিকে বলিতে বাইয়া তাহার মুখের দিকে
দৃষ্টি পড়িল।

হুই একজন বাছুরের মুখের চেহারার ভিতরে মাঝে মাঝে,
এমন একটা কিছু ফুটিয়া উঠে, যাহাতে, তর্ক প্রতিবাদ বাহারা
করিতে চাহে, তাহাদের একেবারে নির্বাক করিয়া দেয়।

আমিও বৌদিদির মুখের দিকে চাহিয়া কোনও কথা বলিতে
পারিলাম না।

মনে হইল, এই অত্যন্ত স্নেহশালিনী নারীর ভাণ্ডার উজাড়
করিয়া শুধু স্নেহের দাবী করাই চলে; কোনও তর্ক প্রতিবাদ
করা যেন একেবারেই চলে না।

একটু চুপ করিয়া থাকিয়া বৌদিদি কহিলেন, “ভাল কথা
অতুল, বিছাতের বিয়ের কি কর্চিস্‌রে? ও তো বেশ বড় হয়ে
উঠেছে যে।”

“কই, কিছু তো করে উঠতে পারি নি; আজ কালকার দিনে
ঘরের বিয়ে দেওয়া কি ব্যাপার, তা’ত জান ইন্দ্রি দি’!”—

“সত্যি অতুল, আমি অনেক সময়েই ভাবি যে পোড়া দেশে
এ কি প্রথাই চুকেছে। এমন সব ঘরে, যাদের বিয়ের জন্তে
সেকালে কর্তাদের এতটুকুও ভাবতে হত না, আজ নাকি দেশটা
শিকা পেয়ে অনেকটা এগিয়ে গিয়েছে, তবুও এই সব লক্ষীর মত
ঘরের ঘর জোটানো কত বড়ই দার হয়ে উঠেছে। শুধু টাকার
ছোঁয়ে কত বেশি চলে বাচ্ছে। কিন্তু খাঁটি সোণা বাচাই করে

নন্দন-পাহাড়

ক'জন নিতে চায়?"—এই পর্য্যন্ত বলিয়াই বৌদিদি অনিলও আমার মুখের দিকে চাহিলেন, তার পর ধীরে ধীরে কহিলেন, "এই ইংরিজি শেখার সব চেয়ে বড় দোষই হয়েছে, এই, যে, প্রত্যেক মানুষ নিজেকেই বড় করে দেখতে চায়, কিন্তু নিজেকে বড় করে দেখতে গেলেই যে সব চেয়ে আগে নিজের স্বার্থটাই বড় হ'য়ে ওঠে, সেটা হিসাব করে দেখতে কেউ চায় না!

"ঠিক কথা বৌদিদি—কৌলীন্ডের জন্ত কিছু মর্যাদা কর্তারা সকালে নিতেন বটে; কিন্তু সে দাবীটা একটা নির্দিষ্ট পণ্ডীর মধ্যেই থেকে যেত; কার কাছে কি প্রাপ্য হবে, সেটা ঠিক হিসাব করে ধরে দেওয়া ছিল; কেউ তা ছাড়িয়ে যেতেও চাইত না,— চাইলেও 'সমাজ তা' সহ্য করত না। এখন তো আর তা' কিছু নেই, এখন শুধু স্বার্থের দিক দিয়েই হিসাবটা তৈরী হয়ে উঠছে, কাজেই এ সব স্বার্থের দাবী বেড়েই চলবে!"—

অনিল কহিল, "হাঁ, বাড়বেই বটে, কিন্তু তারও একটা সীমা আছে। নুন জলের ভিতর ফেললে গলেই থাকে; কিন্তু এমন একটা সময় আছে, যখন ক্রমাগতই ফেলতে ফেলতে নুনও আর গলে না! সমাজের যখন সেই অবস্থা দাঁড়াবে তখন এ সব বন্ধ হয়ে আসবে।

অতুল কহিল, "সে অবস্থা আসবার এখনও অনেক বিলম্ব আছে বলে মনে হয়;"—

বৌদিদি একটু হাসিয়া কহিলেন, "খুব বেশী বিলম্ব আছে বলে মনে হয় না। আট বছরে গৌরীদান এখন আর হয় না।

এখন এই সব গোরীদের ষোল সতের বছরের আগে আর দান করা ঘটে উঠছে কই ?”

অনিল কহিল, “এর পর মেয়েরা যখন এই অপমানটাকে বেশ অনুভব কর্তে শিখবে, তখন তা’রা যা’তে অপমান থেকে নিজেদের রক্ষা করতে পারে তা’রি উপায় খুঁজবে !”—

—“এই তোমার স্নেহলতার মত ?”—অতুলের কথা শুনিয়া অনিল একটু সোজা হইয়া বসিল । তারপর বৌদিদির মুখের দিকে একবার চাহিয়া ধীরে ধীরে কহিল, “না, স্নেহলতার ব্যাপারটা আমি কোনদিনই ভাল বলে মনে করি না,—তবে কোন্ উপায়ে মেয়েরা নিজেদের সম্মান বজায় রাখবে, তা’ তারা নিজেরাই ঠিক করে নিতে পারবে ।”—

এতক্ষণ বৌদিদি শূন্যদৃষ্টিতে নন্দনপাহাড়ের দিকে চাহিয়া ছিলেন । এখন অজিতের মাথাটা কোলের কাছে টানিয়া লইয়া হাত বুলাইতে বুলাইতে কহিলেন, “ঠাকুরমাদের কাছ থেকে বাঙ্গলার মেয়েরা উত্তরাধিকার-স্বত্রে পুড়ে মরবার শক্তি বোধ হয় কিছু কিছু পেয়েছিল, কিন্তু তাঁর অপব্যবহার ঐ স্নেহলতা যেমন করেছে, এমন আর একালে কেউ করেছে বলে শুনি নি !—ওতো মরেছেই, সঙ্গে সঙ্গে বাঙ্গলার মেয়েগুলিকে ‘অমন কলঙ্কর মরবার পথটা দেখিয়ে দিয়ে সভ্য-জগতের কাছে অত্যন্ত ছোট করে দিয়ে গেছে । ‘ওটা যে মোটেই ভাল হয়নি, তা’ প্রমাণ হয়ে গেছে—’ বাঙ্গালার ঘরের হতভাগীদের মরবার এই অঙ্গার নেশা দেখে ।”—

অতুল কহিল, “আমার মনে হয়, এ ব্যাপারটা বে, এতটা

নন্দন-পাহাড়

ছড়িয়ে পড়েছে, তার জন্ত অনেক পরিমাণে দায়ী ঐ সংস্কারক-ভারী ; হিন্দু-সমাজকে একটা মানি দেবার জন্তেই এটাকে তাঁরা সে সময়ে ভারি উঁচু করে ধরেছিলেন। মরবার পরও অতটা বাহবা পাওয়ার মধ্যে একটা মন্ত প্রলোভন লুকিয়ে আছে। আমি জানি একটা উদ্ভবের বধু মেহলতার ব্যাপারের পর কেবোসিনে গুড়ে মরেছিল ; কিন্তু সে যে চিঠিখানা রেখে গিয়েছিল, তার মধ্যে পুনশ্চ দিয়ে অনুরোধ করা ছিল যে, ঐ চিঠিখানাকে যেন খবরের কাগছে ছেপে দেওয়া হয় ! তার ছঃখ-কষ্টের বথেষ্ট কারণ ছিল, জান্তাম, সে জন্ত তার গুড়ে মরার খবর পেয়ে, সমস্ত অন্তরটা তার' জন্ত ব্যথায়, সহানুভূতিতে পরিপূর্ণও হয়ে উঠেছিল ; কিন্তু ঐ চিঠিটা পড়েই আমার হরিভক্তি চটে গেল।—খোঁজ করে দেখ, এরা যে মরে, তার পোণে যোল আনাই একটা কমিত ছঃখ গড়ে নিরে পোষণ কর্তে থাকে বলে, তারপর একদিন নভে-লীমানার চূড়ান্ত করে দেয় !”—

“দাদার সমালোচনার মধ্যে দায়ী একটুও নেই ;—সবাই কি নভেলীমানা করে ? মরবার বথেষ্ট কারণও থাকতে পারে উ—”

অনিলের কথা শুনিয়া অতুল কহিল, “আত্মহত্যা করবার আবার কারণ ?—তুই যে অবাক করলি, অনিল ! ও যারা করে, কাপুরুষ বলেই করে।—” “পৃথিবীতে অনেক বড় লোক আত্ম-হত্যা করেছে দেখা যায়,—”

“তাদের আমি বড়লোক বলিনে ; তারা ইহকাল সর্ব্ব,

নন্দন-পাঠাড

পরকাল মানে না, ভগবান্কে উড়িয়ে দেয়, তারাই ও করতে পারে !

“নেপোলিয়ন! পৃথিবীর খুব একটা বড়লোক ছিলেন, মানুষে ত ?—আত্মহত্যা করার তাঁর যেমন যথেষ্ট কারণ হয়েছিল, এমন কটা লোকের হয় ? তবু তিনি আত্মহত্যা করেননি ! ন্যারেক্সো, অষ্টার্লিঞ্জে তাঁর যে বীরত্ব ফুটে না উঠেছিল, তা’ কুটে-ছিল তাঁর ঐ আত্মহত্যা না করার ; তিনি যদি আত্মহত্যা কর্তেন তা’ হলে তাঁর জীবনব্যাপী সমস্ত বীরত্বের উপরেই কলঙ্ক কালিমা লেপন করে দিয়ে যেতেন ।

বৌদিদি একটু হাসিয়া বাধা দিয়া—কহিলেন, “ওরে তোরা দু’ভাই এখনো তেমনি তর্কিক আছিস্ যে ! তর্ক করতে আরম্ভ করলে ত জ্ঞান থাকত না ; সেই কত বছর আগেও ঠিক এমনিটা ছিলি !”

পিসিমা এতক্ষণ ভিতরে মেয়েদের সঙ্গে কথা বলিতেছিলেন, এখন বাহির হইয়া আসিয়া কহিলেন, “ও বৌমা, তোমাদের কথা যে আর কুরায়ই না । ওদের কিছু খেতে দেবে না ?”

বৌদিদি তাড়াতাড়ি উঠিয়া দাঁড়াইয়া হাসিতে হাসিতে কহিলেন, “কতদিন পরে ভাইদের পেয়েছি পিসিমা, তাই আর সব ভুলে গেছি ।”—

অতুল ও অনিল পিসিমাকে প্রণাম করিল । পিসিমা তাহাদের মাথায় হাত বুলাইয়া দিয়া কহিলেন, “চিরঞ্জীবী হও,—সুখী হও ।”

বৌদিদি কহিলেন, “এর নাম অতুল, ও আমার সাত দিনের

নন্দন-বাহাদুর

ছোট,—ও হাইকোর্টে ওকালতী করে; আর এটা ছোট অনিল,
এম্, এ, দেবে!”

“আহা, বাপ্ নেই, কেইবা বাছাদের মুখ দেখে, ভাল হয়েছে
তুনে আহ্লাদ করে! তা’ আশীর্বাদ করি মার কোল জুড়িয়ে
থাক, কোনো দিন দুঃখ কষ্ট পেও না,—

অতুল ও অনিল পিসিমাকে আর একবার প্রণাম করিয়া
পায়ের ধূলা লইল।

আরও ঘণ্টাখানেক পরে অতুলরা চলিয়া গেল। চলন্ত গাড়ী
হইতেও মুখ বাহির করিয়া অতুল ও অনিল তাহাদের বাসায় কবে
যাইব সে তারিখটা বার বার মনে করাইয়া দিতে লাগিল।

গাড়ীতে উঠিবার সময়ে এবং গাড়ীর কাছে দাঁড়াইয়া যখন
কথা বলিতেছিলাম তখন বিদ্যুৎকে দেখিলাম।

এই বিদ্যুৎ!—হাঁ, সুন্দরী বটে! এমন সুন্দরী যে কোনও
স্ত্রীলোক হইতে পারে তাহা আমার ধারণা ছিল না। এমন তীব্র
সৌন্দর্য আমি আর দেখি নাই।

তীক্ষ্ণধার তরবারির মতই শাণিত এই উজ্জ্বল রূপের উপর
চক্ষু পড়িলেই দৃষ্টি বলসিয়া ফিরিয়া আইসে!

গাড়ী চলিয়া যাইতেই বাসার দিকে ফিরিয়া দেখিলাম, সিঁড়ির
উপর সুজাতা দাঁড়াইয়া রহিয়াছে। প্রাচীরের পাশ দিয়া ঘুরিয়া
গাড়ী চলিয়া যাইতেছিল। গাড়ীর জানেলা দিয়া একখানি
অর্ধাবগুষ্ঠিত হাতোজ্জ্বল মুখের পাশে আর একখানি অপূর্ব সুন্দর
মুখ দেখা যাইতেছিল।

নন্দন-পাহাড়

সে মুখ বিছ্যাতের; দীপ্ত শিখার মতই উজ্জল!—ফিরিয়া
সুজাতার দিকে চাহিলাম।

মনে হইল, শরতের নিৰ্মল, কোমল জ্যোৎস্না মূর্তি হইয়া সিঁড়ির
উপর নাশিয়া আসিয়াছে! দেখিলে চক্ষু তৃপ্ত হয়; বলসিয়া যায়
না!

আমার দিকে দৃষ্টি পড়িতেই সুজাতা তাহার নিবিড় মেঘতুল্য
চুলের রাশি ছুলাইয়া মৃদু হাস্তোজ্জল মুখে দ্রুতপদে ঘরের মধ্যে
চলিয়া গেল!—

১২

সেদিন দুপুরের কিছু পরেই বেশ এক পশলা বৃষ্টি হইয়া গেল!

আরব্যোপশ্যাসের বিখ্যাত কলসীটার ঢাকনি খোলা পাইয়া
আবহু দৈত্যরাজ যেমন প্রথমেই কুণ্ডলীকৃত ধুমরাশির মূর্তিতে
বাহির হইয়া আসিয়াছিল, ডিগ্‌রিয়া, নন্দন-পাহাড়ের উপরেও,
বৃষ্টির পূর্বে ও পরে নিবিড় মেঘরাশি তেমনি কুণ্ডলী পাকাইয়া
উঠিতেছিল। আরব্যোপশ্যাসের দৈত্যটা ডিগ্‌রিয়া, নন্দনের উপর
ঠিক মূর্তি হইয়া না দেখা দিলেও, মনে হইতেছিল, কিছু বেশীক্ষণ
সেই দিকে তাকাইয়া থাকিলেই, বিপুলকায় দৈত্যটা পৃথীভূত
মেঘের মধ্য হইতে বাহির হইয়া আসিবে!

বর্ষণকান্ত মেঘের আড়াল দিয়া খানিকটা সূর্যালোক বাহির
হইয়া আসিয়া, নিৰ্মল, সুধোত বৃক্ষগুলির শীর্ষে শীর্ষে পড়িয়া আসিয়া
উঠিল! দূরের রঞ্জিত বাড়ীগুলি সূর্যালোকে দীপ্ত হইয়া উঠিয়া

নন্দন-পাহাড়

একখানি প্রকাণ্ড সবুজ মধ্যলের উপর সাজান নানারঙ্গের চুনী পায়ার মতই সুন্দর, উজ্জল দেখাইতেছিল !

এ দৃশ্য এতই সুন্দর, যে বৌদিদিকে ডাকিয়া দেখাইবার অল্প ব্যস্ত হইয়া উঠিলাম। তাঁহার ঘরের কাছে আসিয়া ডাকিলাম, “বৌদি”,—

জানেলার দিক্ হইতে মুখ ফিরাইয়া বৌদিদি—একটু হাসিয়া কহিলেন, “এই যে, আমি এখানে রয়েছি ;—দেখেছ, ঠাকুর পো, বাইরে ‘একশ মানিক’ জ্বল’ উঠেচে ? সুজাতা তো আমাকে সেলাইটা সারতেই—দিল না ; এ উঠে দেখতেই হবে !”—

সুজাতা একটু সরিয়া জানেলার কবাটের আড়ালে দাঁড়াইল। তাহার লজ্জারক্ত মুখের উপর একবার চকিত দৃষ্টি বুলাইয়া লইয়া, বৌদিদির দিকে চাহিয়া একটু হাসিলাম।

“ওকি হাসলে যে ?”—

—“একজন বিখ্যাত কবি বলেছিলেন, ‘মানুষের অন্তরে ঠিক একই সুর সাজে’ !”—

—“অর্থাৎ ?”—

“আমিও তোমাকে ঠিক বাইরের ঐ সৌন্দর্যটা দেখবার অল্পই ডাক্তে এসেছিলাম।”—কথাটা বলিয়া ফেলিয়াই বুঝিলাম বৌদিদির হাতে আর পরিত্রাণ নাই ;—এবং এখনই যে আমার উপর একটা তাক্ক বাণ সুভদ্রার মতই অব্যর্থ লক্ষ্যে বৌদিদি নিক্ষেপ করিবেন, তাহা প্রতিরোধ করিবার উপযুক্ত কোনও অস্ত্র হাতের কাছে পাই কিনা, ব্যস্ত হইয়া খুঁজিতে লাগিলাম।

প্রয়োগ করিবার পূর্বে অস্ত্রের অত্যন্ত নিষ্ঠুর জ্যোতিঃ যেমন একবার মুহূর্তের জন্য ঝলসিয়া উঠে—তেমনি বৌদিদির সমস্ত মুখখানি একবার হাশ্মোচ্ছল হইয়া উঠিল, তার পরই সূজাতার দিকে ফিরিয়া ধীরে ধীরে কহিলেন,—“শুনিলিরে সূজাতা, মানুষের অন্তর ঠিক একই সুরে বাজে!—হাজার মাইল দূরের তারহীন খবরের বন্ধগুলি যদি একই সুরে বাজতে পারে, তা’হলে দেওয়ালের এ পাশ ও পাশের দুটো মানুষের অন্তর একসুরে বাজবে, সে আর বেশী কথা কি? কবি কিছু বেশী বলেননি তো, ঠাকুর পো! এ আমি যে মোটেই কবি নই, আমিও বলতে পারতাম!—কি বলিসুরে সূজাতা?”—

আর সূজাতা! সূজাতা অত্যন্ত সুইয়া পড়িয়া, শাড়ীর প্রান্ত ভাগের সূতা টানিয়া টানিয়া বাহির করিয়া আঙ্গুলে জড়াইতেছিল!

“বাঃ! আমি বুঝি তাই বললুম! আমি সাধারণ ভাবে সকল মানুষের কথাই বলেছি!”—

“সকল মানুষের ভিতর থেকে দুটো মানুষ তো বাহু যায় না! — যায় কি?—আচ্ছা কি বলিসু তুই সূজাতা?”

“ফাঁক পেলে মেয়েমানুষ নিজের পেটের মেয়েকেও ঠাট্টা কর্তে ছাড়ে না, একথাটা এতদিন তেমন বিশ্বাস করি নি।—ওটা তা’হলে ঠিক দেখ্‌চি, বৌদি’!”—

কিন্তু বৌদিদি যে মোটেই হটিবার পাত্রী নহেন, তাহা আর কেহ না জানিলেও, আমি বেশ জানিতাম। তাই যথাসম্ভব গম্ভীর মুখে বৌদিদি যখন কহিলেন, “ছিঃ ভাই, ও সব শাস্ত্রের

। মঙ্গল-পাহাড়

কথা । ওসব অবিশ্বাসও কর্তে নেই, ও নিয়ে বেণী আলোচনাও কর্তে নেই ! তা' তোমরা তো ইংরাজি পড়ে কিছুই মান্তে চাও না ;—সেই যে মহাদোষ !” তখন আমি একেবারেই বিস্মিত হইলাম না ।

কিন্তু বিপক্ষকে নিজের পরিত্যক্ত অস্ত্র লুফিয়া লইয়া ফিরাইয়া প্রয়োগ করিতে দেখিলে আক্রমণকারী সৈনিক যেমন নিষ্ফল আক্রোশে অস্থির হইয়া উঠে, আমার অবস্থাটাও কতকটা তেমনি হইয়া উঠিল !

ঘরের মধ্যে প্রবেশ করিয়া ছোট টেবিলটার কাছে গেলাম ; ডিবায় পান ছিল, দুটা মুখে তুলিয়া দিয়া কহিলাম, “বৌদি তোমার কাছে নিরিবিলা একটা কথা বল্ব,”—

তুই চক্ষুতে কৃত্রিম বিশ্বয় আনিয়া চাপাস্বরে বৌদিদি কহিলেন, —“খুব মস্ত কাজের কথা বুঝি ? সুজাতা. থাকলে বলা বাবে না ?—আচ্ছা যা'ত সুজাতা, ঠাকুর পোর ঘরে, পানের ডিবেটা নিয়ে আয়তো ! আজ তো আর ও ঘরে পান রাখিসনি ; আ আমার কপাল, তুই এমনি করেই নাকি,”—

কথা শেষ হইবার পূর্বেই সুজাতা লজ্জাবনত মুখে ঘর হইতে বাহির হইয়া গেল ।

“আঃ, তুমি যে কি বল, বৌদি, তোমার ঠিক থাকে না !”—

তুই চক্ষু বিস্ফারিত করিয়া একটু হাসিয়া বৌদিদি আমার মুখের দিকে চাহিলেন, “ও, এই কথা—আমি না জানি কিছু মূখ্যবো কি একটা মস্ত কথাই বলবেন !”—

“তা’ বৌদি, ওর মনে অমন করে একটা ধারণা ঢুকিয়ে দেওয়া কি ভাল হচ্ছে ?”—খুব জোর করিয়া কথা কয়টা বলিয়া ফেলিয়াই লজ্জা করিতে লাগিল ।

একটা পরম নিশ্চিততার নিখাস ফেলিয়া একটু হাসিতে হাসিতে বৌদিদি কহিলেন, “বাক্, তা’ হলে বল বৌদিদির বুদ্ধির উপর যে আস্থা ছিল, তা’ কমে যাচ্ছে ! আমিও তা’হলে রক্ষা পাই ! কেউ যদি কারু বুদ্ধির উপর অটল আস্থা নিয়ে বসে থাকে, তা’হলে তাকে ভারি হিসেব করে, সাবধান হয়ে চলতে হয় । ও অবস্থাটা একটা বোঝার মতই ঘাড়ের উপর চেপে বসে থাকে, একটুও সোয়াস্তি দেয় না !—বাঁচা গেল, এখন বুদ্ধির কোনও ক্রটি হলেও নিজেকে সেটা মোটেই বিধবেনা,—কারণ কেউ তো আর অটল আস্থা নিয়ে বসে নেই,—”

এতবড় একটা লম্বা বক্তৃতার জন্ত মোটেই প্রস্তুত ছিলাম না, বিশেষ বৌদিদির মুখের চাপা হাসি দেখিয়া একেবারেই জলিয়া গেলাম ।

“বারে, আমি বুঝি তাই বলব !”—

“আচ্ছা, কি বললে তুমি ?”—

“আমি বল্চি যে !”—

“হাঁ, বেশ বল,—”

দূর ছাই ! এমন করিলে কি কথা চলে ! একটু চুপ করিয়া থাকিয়া বৌদিদির মুখের দিকে চাহিলাম, তখনও তিনি মূহ্ মূহ্ হাসিতেছিলেন ।

নন্দন-পাহাড়

“তুমি সব কথাই তো হেসে উড়িয়ে দাও ।”—

‘আচ্ছা, আর আমি হাসব না’—বলিরাই আরও হাসিতে লাগিলেন এবং হঠাৎ কথার গতি উল্টাইয়া—দিয়া কহিলেন, “তা’হলে কাল আমাদের নিয়ে যাচ্ছ ? আমি তো অজিতকে পাঠিয়ে দিয়েছি অতুলদের বাসায় একটা খবর দেবার জন্য ! এক-বার মনে করেছিলাম সংবাদ না দিয়েই যাব, কিন্তু তা’হলে তো ওরা প্রস্তুত থাকবে না, হয়তো বেরিয়ে যেতেও পারে ।”—

পূর্বের কথাটা যে ইচ্ছা করিয়াই বৌদিদি চাপা দিলেন, তাই বুঝিয়া মনে মনে একটু প্রসন্ন হইয়া উঠিলাম । এবং তখনই কি ভাবে কাল্কার অভিযানটা শেষ করিতে হইবে, তাহারই আলোচনা করিতে বসিয়া গেলাম ; এবং আমাদের বাসা হইতে বাস্পস্টাউনে যাওয়ার রাস্তাটারও একটা বর্ণনা দিয়া ফেলিলাম । এমন সময়ে অজিত আসিয়া হাজির হইল ।

অজিত কহিল, “বৌদি, কে এসেছে জান ?” অজিতের মুখের উজ্জল উৎসাহপূর্ণ ভাবটা লক্ষ্য করিয়া বৌদিদি নিঃসন্দেহে বুঝিতে পারিলেন, কে আসিয়াছে ।

তবু একটু মূহ হাসিয়া কহিলেন, “তা’ আমি কেমন করে জানব অজি,—কে এসেছে ?” বামচক্রর কোনটা ঈষৎ সঙ্কুচিত করিয়া অজিত কহিল, “হঁ, তুমি বুঝি বোঝনি ?—নিশ্চয়ই বুঝে, কে এসেছে !”

বৌদিদি ঘরের বাহিরে বাইতে বাইতে কহিলেন, “আচ্ছা, দেখু চি আমি,—কে ।—বারান্দার উপর আলুবাট ঠাড়াইয়া ছিগু

বৌদিদিকে দেখিয়া সে ছই হাত মুক্ত করিয়া কপালে ছোয়াইল, তার পরই মুহু হাসিয়া কহিল, 'হাঁ, আমি এসেছি. অমিত আমাকে নিয়ে আসল !'—

“অমিত তোমাকে নিয়ে না আসলে বুঝি আসতে নেই ?”—
বলিয়া আলবার্টের পিঠে ও মাথার সম্মুখে হাত বুলাইয়া দিলেন ।

আলবার্ট তারি খুসি হইয়া কহিল, “সে আমি আসতে পারি, কিন্তু হরতো! আপনাদের আরামকে নষ্ট করতে পারি বলে আসিনে !”—

এই সরল বিদেশী বালকটির অসামান্য ভদ্রতাজ্ঞান ও শিষ্টাচার দেখিয়া বৌদিদি অত্যন্ত বিস্মিত হইয়া উঠিলেন ।

“ওমা, এতটুকু ছেলে, তার কত হিসাব দেখ ! তা তুমি যখন ইচ্ছে তখনি এস, আলবার্ট ! আমাদের বাঙ্গালীর বাড়ীতে আসতে ভিজ্জাসা করবার দরকার নাই তো,—বুঝলে ?”—

আলবার্ট ঘাড় নাড়িয়া সম্মতি জানাইল । এ বাড়ীতে কিছুদিন আসিয়া যাইয়া সে নিঃসংশয়ে বুঝিয়াছিল, যে বৌদিদির কথাগুলি কত সত্য ! এখানে মেহের দাবী যে অতি অল্প দিনের মধ্যেই কতখানি গভীর হইয়া উঠে, তাহা সে এই কয়দিনের মধ্যেই বেশ বুঝিতে পারিয়াছিল ।

বৌদিদি কহিলেন, “আলবার্ট তুমি চা খাবে ?” আলবার্ট মুহু হাসিয়া কহিল, “আপনি যদি সুখী হন খাইতে পারি ।”

—“শোন একবার ছেলের কথা, আমি সুখী হলে খাবে,

নন্দন-পাহাড়

নইলে নয়!—হাঁ, আমি খুব খুসী হব, আরও খুসী হব যদি রোজ একবার এসে এখান থেকে চা খেয়ে যাও!”—

আলবার্ট তাহার বিস্মিত দৃষ্টি তুলিয়া অজিতের মুখের দিকে চাহিল। ‘সুখী’ কথাটা বুঝিলেও আলবার্ট ‘খুসী’ কথাটা ঠিক ধরিতে পারিতেছিল না। অজিত ইংরাজিতে বুঝাইয়া দিলে, আলবার্ট হাসিতে লাগিল।

“অজিত আমাকে বাঙ্গলা শিখাইতেছে;—ও বলে আমি খুব দ্রুত শিখিতে পারিব, কিন্তু আমি যে কোনও কাজের না আছি, অজিত তা’ স্বীকার করবে না!”

আলবার্টের মুখে বিদেশী ভঙ্গিতে উচ্চারিত ভাঙ্গা ভাঙ্গা বাঙ্গলা ভারি মিষ্ট শুনাইতেছিল। “কেন এখনি তো তুমি বেশ ভাল বাঙ্গলা বলতে পার!—আরও ভাল পারবে নিশ্চয়ই!”—

আপনার কথা শুনিয়া আমি খুব ‘খুসী’ হইলাম!”

আলবার্টের মুখে এখনই ‘খুসী’ কথাটার প্রয়োগ শুনিয়া সকলেই হাসিয়া উঠিল।

সুজাতা এতক্ষণ ছারার কাছে দাঁড়াইয়া কথা শুনিতেছিল। এখন ঠোভে চারের জল গরম করিবার জন্ত চলিয়া গেল!

বেলা পড়িয়া আসিয়াছে। অন্তর্গামী সূর্যের রঙ্গিন্ লেখা মেঘের শীর্ষে শীর্ষে তখনও জ্বলিতেছিল। বিরল বিস্তৃত বৃক্ষগুলির তরুণ পল্লবের উপর দিয়া শেষবার ব্লাইয়া লইতে লইতে, সন্ধ্যার সূর্য্য, পৃথিবীর বৃকের উপর হইতে রশ্মিহীন গুটাইয়া লইলেন। কিন্তু তখনও একটা কোমল গোলাপী আভা পশ্চিমাকাশটাকে

রঞ্জিত করিয়া রাখিয়াছিল। এবং সারা আকাশ বাতাসও বেন
সেই মিঠা রঙ্গে ভরিয়া গিয়াছিল।

সুন্দর তাহার মোহিনী মূর্তিতে বাহির হইয়া আসিয়া এখন
বিশ্বকে অমৃত পরিবেশন করিতে থাকে, তখন তাহার সৌন্দর্যের
নেশার চরাচর বাতাল হইয়া উঠে এবং তাহাকেই নন্দিত করিয়া
অন্তরে অন্তরে বরণ করিয়া লয়।

যখন বুকের মধ্যে একটা স্পন্দন চলিতে থাকে; সে গুরু-
স্পন্দনের প্রত্যেক কম্পনটী মুখর হইয়া উঠিয়া জানাইয়া দেয়—

“ওরে, এ সুন্দরের খেলা তাহারি কাছে ধর করিয়া পাওয়া
যে তোর বুকের কাছে কখন নীরবে আসিয়া বাসা বাধিয়াছে;
এবং তোরই মুখের দিকে নিমেষশূন্য নয়নে জন্মজন্মান্তর চাহিয়া
রহিয়াছে!”

কিন্তু সেই অমৃত পরিবেশনের অন্তরালেই যে দেবাসুরের
সংঘাত লুকাইয়া রহিয়াছে, তাহাত প্রথমটা চোখে পড়ে না।
হঠাৎ পিসিমার বাস্ততাপূর্ণ কণ্ঠস্বর শুনা গেল,—“ও বৌ, ওরে
বিদু, শীগগির আর, সজাতার কাপড়ে ঠোঙের আঙণ ধরে গেছে
যে! ওরে সর্বনাশ,—কি হলরে!”—কথা শেষ হইবার পূর্বেই
পাকঘরের দিকে ছুটিয়া গেলাম। সজাতা ভিতরের কারান্দার
উপর আসিয়া দাঁড়াইয়াছে। এবং সাজীর আঙণটা নিতাইবার
জন্তু দুই হাতে চেপ্টা করিতেছে।

কেমন করিয়া আঙণ নিতানো যার, বাড়ীওহ সকলেই
একেবারে দিশাহারা হইয়া তাহারই চেপ্টা করিতে লাগিল।

নন্দন-পাহাড়

অল্প ঘণ্টাবাটা টানার ধুম পড়িয়া গেল। এবং চারিদিকে এমন একটা বিশ্রী গোল সকলেই সৃষ্টি করিয়া তুলিল, বাহাতে বুদ্ধি হ্রির কাহারই থাকিল না, শুধু একটা হটাছটাই লাগিয়া গেল। কিন্তু সেই দারুণ মুহূর্তে হাতের কাছে এমন কোনও বিনিষই ছুটিল না বাহাধারা ঐ সর্বনাশকর আগুণটাকে নিভানো যাইতে পারে।

মুহূর্ত মাত্র, তারপরই, রাশ্‌হেঁড়া উন্নত ঘোড়ার পায়ের শব্দের মতই একজোড়া বুটের খটাখট শব্দ সমস্ত গোল নিমেষ-মধ্যে ডুবাইয়া দিল, এবং একটা গোরদেহ বিপুল বলশালী-বালক ঘরের মধ্যে চুকিয়া গানের 'ওরাটার প্রকৃতা'দিয়া সূজাতাকে গড়াইয়া ধরিল। সাড়ীর প্রান্তে প্রান্তে যে আগুণ ছিল, তাহা তাহার বাঘের খাবার মতই একাণ্ড ছুইটা খাবা' দিয়া মুহূর্ত-মধ্যে নির্ঝাপিত করিয়া দিল।

প্রায় পাঁচমিনিট পর্যন্ত সকলেই সংজাহীনের মত দাঁড়াইয়া রহিল। প্রথমেই বৌদিদি অগ্রসর হইয়া গিয়া আল্‌বার্টকে একেবারে কোলের মধ্যে টানিয়া লইলেন। তাহার ছুই চোখের জল গড়াইয়া গড়াইয়া আল্‌বার্টের সোণালী চুলগুলির মধ্যে আশ্রয় লইতেছিল।—

"ওরে আমার মানিক ভাই, কোন্ দেবতার পূজার আশীর্বাদী তুল তুই, আজ এখানে এসে এমনি করে প্রাণ দিলে গেলি!"—

পিসিমা,—বিনি আল্‌বার্ট বারান্দার না উঠিতেই ঘরের মধ্যে আশ্রয় লইতেন, সেই পিসিমাও সকল ভেদ ও শুচিতা তুলিয়া,

এবং সেই সন্ধ্যাবেলায় যে পুনরায় স্নান করিতে হইবে সেটাও একেবারেই উপেক্ষা করিয়া, আলবার্টের মাথার হাত বুলাইয়া দিতে দিতে কহিলেন, “ওরে, এরা দেখতেও ঠাকুর দেবতার মত, এদের শক্তি সাধিও যে সত্যিকার ঠাকুর দেবতার মতই রে! এ না এলে, আমার বাছা যে হট্টগোলের মধ্যে পুড়েই যারা যেত।”

বাড়ীশুদ্ধ লোকগুলির বাহা শক্তিসাধ্য তাহার যথেষ্ট পরিচয় আমরা প্রদান করিয়াছিলাম। স্মরণ্য সকলেই একটু বিশেষ করিয়া লক্ষ্য অনুভব করিতে লাগিলাম।

আলবার্ট একটু মূহ হাসিয়া স্মরণ্যতার দিকে চাহিয়া কহিল, “দেখি, কোথায় পুড়েছে।”—

স্মরণ্যতার দুই হাতে কতকগুলি ফোস্কা পড়িয়াছিল এবং লাড়ীর প্রান্তের আশুণেও পায়ে স্থানে স্থানে একটু আঁচ লাগিয়াছিল। আলবার্টের হাত ছুঁথানা টানিয়া লইয়া বৌদিদি দেখিলেন, খাবা দুইটা খুব লাল হইয়া উঠিয়াছে।

আলবার্টের হাতে ও স্মরণ্যতার পোড়া যন্ত্রণাগুলিতে বৌদিদি যখন ঔষধ দিলেন, তখন সন্ধ্যা উত্তীর্ণ হইয়া গিয়াছে, এবং নন্দন পাহাড়ের উপর হইতে বাতাস ঝড়ের বেগে আসিয়া দরজা জানেলার উপর মাথা খুঁড়িতেছিল।

১৩

জীবনে ছোটবড় অনেক ঘটনা ঘটিয়া থাকে, বাহা চিন্তের উপর এমন কতকগুলি গভীর রেখা পাত করিয়া যায়, যে

১৭

নন্দন-পাহাড়

রৈখাগুলিকে সারাশীবন ভরিয়া চেষ্টা করিয়াও বেশ নিশ্চিন্ত
করিয়া মুছিয়া ফেলা যায় না।

সুজাতার সাড়ীতে এই আঙুলগা ব্যাপারটাও আমার
কাছে ঠিক তেমনি একটা ঘটনা হইয়া উঠিয়াছিল। আমি
তাহার কাছে যাইতেই তাহার মুখের সেই নিতান্ত অসহায় ভাবটা
যে কেমন আশ্চর্যরূপে পরিবর্তিত হইয়া গেল, এবং সে যে
কতখানি বল পাইয়াছে, তাহা আমার মুখের দিকে একবার মাত্র
তাহার চকিত দৃষ্টি তুলিয়া ধরিয়াই আমাকে বুঝাইয়া দিতে
চাহিয়াছিল, শুধু এই কথা কয়টিই কাল সন্ধ্যা হইতে আজকার
ছপুর পর্যন্ত বারবারই মনে পড়িতে লাগিল।

গভীর রাত্ৰিতে বিশ্ব যখন সুশুপ্ত, এবং একটা বিপুলকার
নিদ্রিত জন্তুর গভীর নিশ্বাসের মতই, নন্দন পাহাড়ের দিক হইতে
বায়ুপ্রবাহের শব্দটা আমার মৃত্ত জ্ঞানের ফাঁক দিয়া ভাঙ্গিয়া
আসিতেছিল, তখন আমি নিচানায় পড়িয়া পড়িয়া শুধু এই
পরমবিস্ময়কর কথাটাই বারবার মনে মনে আলোচনা করিতে-
ছিলাম, যে, এমনটা ভিতরে ভিতরে ঠিক কখন ঘটয়া গেল,—
কখন এবং কেমন করিয়া আমার অন্তরটা ভিতরে ভিতরে
সুজাতার দিকে এতটা অগ্রসর হইয়া গেল? এবং এই অগ্রসর
হওয়ার পরিচয়টা এতদিন আমার কাছে তেমন করিয়া ধরা পড়ে
নাই কেন, যেমন ধরা আজই পড়িয়াছে? ঠিক তেমনি এই
কথা মনে করিয়া বারবার শিহরিয়া উঠিতেছিলাম, যে আশিতো
তাহার জন্ত কিছুই করিয়া উঠিতে পারি নাই।—ঐ নিম্নে

আলবার্ট, যে আমাদের কেহই নহে, সে উপস্থিত না থাকিলে কি বিশ্রী ব্যাপারই ঘটয়া যাইত !

ঐ গাড়ীর আগুনের দীপ্তালোকে যখন আমার এত দিনকার গোপন খবরটা দেখিয়া লইয়া শিহরিয়া উঠিলাম, ঠিক তখনিকে যেন হাত পা বাঁধিয়া, আঁটিয়া আড়ষ্ট করিয়া দিল এবং সহস্র চেষ্টা সত্ত্বেও কেমন করিয়া যে ঐ পরম সর্বনাশকর আগুণটাকে নিভাইয়া ফেলিব, তাহা স্থির করিতে পারিলাম না — শুধু নিষ্ফল চেষ্টা ও ছরত উদ্বেগ লইয়া সারা ঘরে ছুটিয়া বেড়াইলাম । দুইহাতে মাধিয়া যে ঐ আগুনের খানিকটা উত্তাপ গ্রহণ করিব, সেটুকুও পারিলাম না !

ক্ষুদ্র বালক আলবার্ট যখন আগুণ নিভাইয়া দিয়া হাসিতে লাগিল, এবং নিজের আগুনে বলসানো পরমসুন্দর রাজা হাতি ছইখানিকে বৌদিদির দিকে অগ্রসর করিয়া দিল, তখন আমি একটা প্রকাণ্ড অক্ষত দেহ লইয়া দণ্ডায়মান রহিলেও, ঠিক অনুভব করিতেছিলাম, আমার বুকের ভিতরটা কতবিকৃত ও রক্তাক্ত হইয়া গিয়াছে ।

দুই চক্ষু লজ্জা ও বেদনার কুণ্ডা লইয়া সূজাতার দিকে চাহিয়া দেখিলাম, তাহার শ্রান্ত-দৃষ্টি কখন আমার মুখের উপর নামিয়া আসিয়াছে এবং তাহা এক অনব্যক্ত প্রীতির উচ্চাসে উচ্ছ্বসিত হইয়া উঠিয়া কি আমাকেই নন্দিত করিতেছিল ?

বাহিরের বাতাস নিদ্রাভঙ্গের পর ঘরের জানেলার কাছে আসিয়া জুড় অস্তর মতই ঝাঙ্গিতেছিল !

অন্দন-পাহাড়

বহুদূরে মেঘশূন্য আকাশের গায়ে একটা নক্ষত্র জলিতেছিল ;
তাঁহার কিরণরেখা জানালার পথ দিয়া আমার শিররের কাছে
আসিয়া নামিয়াছে এবং মুখের দিকে কাহার ক্রব দৃষ্টির মতই
অনিমিত্ত হইয়া রহিয়াছে । সেই নিঃসঙ্গ নক্ষত্রের স্নিগ্ধ জ্যোতির
ভিতর দিয়া যেন, নিবিড় প্রীতি করিত হইতেছিল ; সে যেন
কাহার মুগ্ধ আঁধির তারকা—প্রিয়ের অবেষণে ফিরিতেছে !

কিন্তু ও ক্রব দৃষ্টি যে আমার চির পরিচিত ।—

কোথার গেল আকাশের সেই স্নিগ্ধ তারকা ।—ও যে আমার
কক্ষের মধ্যে, আমারই শিররের কাছে নামিয়া আসিয়াছে, এবং
কাহার মুগ্ধদৃষ্টির মধ্যেই আশ্রয় পাইয়া মিশাইয়া গিয়াছে !

পরমসুন্দর একখানি মুখ ; কুঞ্চিত বেশ—বাঁপিয়া নামিয়াছে ;
সুহাসনে পুষ্পপুটকুল্য অধর রঞ্জিত হইয়া উঠিয়াছে ।—

বুদ্ধিতে উজ্জল ; প্রীতিতে কমণীয় ; ভক্তিয়ার রমণীয় ; এ
কাহার মুখ ! কাহার মুখ !

চক্ষু খুলিয়া দেখিলাম, ভোরের নির্মল আকাশ সুনীল ও স্নিগ্ধ
হইয়া রহিয়াছে ।

মৃদু বায়ুপ্রবাহ কক্ষের মধ্যে পুষ্পগন্ধ বহন করিয়া আনিতেছিল,
এবং প্রিয়জনের স্নিগ্ধ নিশ্বাসের মতই আমার উদ্ভূত ললাটের
উপর আসিয়া লাগিতেছিল !

শস্যার উপর উঠিয়া বসিয়া সর্বপ্রথমই মনে পড়িল
সুজাতাকে !

সুজাতা ঐ অন্ধুরের কক্ষের মধ্যেই রহিয়াছে, এবং ঠিক এই

যুদ্ধেই হয়তো এই পুষ্পগন্ধবাহী বায়ুপ্রবাহ তাহার ললাট স্পর্শ করিয়া চূর্ণকুম্ভল উড়াইয়া, তাহার সৃষ্টিস্থ শ্রান্ত হই চোখের উপরে স্নিগ্ধ নিশ্বাস ফেলিয়া বহিয়া যাইতেছে !

একটা বিপুল পুনক ও আনন্দ বৃকের মধ্যে উচ্ছৃঙ্খিত হইয়া উঠিতেছিল ! দুয়ার খুলিতেই দেখিলাম বারান্দার সিড়ির উপর পা ঝুলাইয়া দিয়া সূজাতা বসিয়া রহিয়াছে ! ভোরের বায়ু তাহার চূর্ণকুম্ভল উড়াইতেছিল ; সূর্যোদয়ের প্রথম আভাসে পূর্বাকাশ ঈষৎ রঞ্জিত হইয়া উঠিতেছিল, সূর্যের কপোলের উপর তাহারই স্নিগ্ধ আভা আসিয়া লাগিয়াছে !

চকিত স্নান দৃষ্টি তুলিয়া সূজাতা একবার আমার মুখের দিকে চাহিল ; তারপর ধীরে ধীরে তাহার ঘরের মধ্যে চলিয়া গেল !

মনে হইল ; তাহার সেই চকিত স্নান দৃষ্টিটুকুর মধ্যেই যেন আমার নূতন বিশ্বের চিরন্তন ইতিহাসটা লুকানো রহিয়াছে !

এমন সময়ে অজিত আসিয়া পিছন হইতে ডাকিল,

“দাদাবাবু”—

“কিরে অজিত, তুই এত ভোরেই উঠে এলি !”—

“দিদি উঠিয়ে দিল যে ! আমি কি আর নিজে ইচ্ছে করে কখনো উঠি, দাদাবাবু !”—

কোনও কথা না বলিয়া অজিতকে দুইহাতে টানিয়া কোলের মধ্যে আনিলাম ।

ইচ্ছা হইতেছিল, সূজাতারই অনুরূপ শ্রীসম্পন্ন ঐ প্রিয়দর্শন শালককে ঘণ্টার পর ঘণ্টা বৃকের মধ্যে আঁকড়িয়া রাখি !—

সেদিন অতুলদের দম্পান্ টাউনের বাসায় যাওয়ার কথা ছিল, সূজাতা ঠিক সূস্থ হইয়া উঠে নাই বলিয়া তাহা বন্ধ করিয়া দিতে হইল।

রমাশ্রমর বাবু কলিকাতা গিয়াছিলেন ; কয়েকদিন তাঁহার সংবাদ না পাইয়া সূজাতা উদ্বিগ্ন ছিল। সেদিন বারটার পর ডাক আসিল।

অজিতকে ডাকিয়া বলিলাম, “অজিত, তোমার বাবার চিঠি আছে”—

অজিত ঘরে ছিল না, বোধ হয় আলবার্টের কাছে গিয়াছিল। সূজাতা ছয়ারের কাছে একটু আড়ালে আসিয়া দাঁড়াইল। একবার ভাবিলাম চিঠিটা হাতে হাতে দিয়া আসি। কিন্তু অকারণেই বুকের ভিতর একটা রক্তঝলক উচ্ছৃসিত হইয়া উঠিল ; একটু গলাটা বাড়িয়া লইয়া ডাকিলাম, “বোদি,—

পাক ঘরের দিক্ হইতে উত্তর আসিল, “এই যাচ্ছি”—

সূজাতা ইতিমধ্যেই পাক ঘরের সম্মুখের বারান্দার কাছাকাছি দাঁড়াইয়া পড়িয়াছে।—

—“বাবার চিঠি এয়েছে বোধ হয়, এনে দাও না দিদি !”—

“কেনরে, তুই আনতে পারলিনি ?—ঠাকুরপো তাই ডাকচে বুঝি ?—বা’, তুই নিয়ে আর, আম তরকারীটা নামিয়ে যাচ্ছ, তাই বলিস্ !”—

—“ও দিদি তোমার পানে পড়ি, তোমার তরকারী আমি—

সামিরে দেব'ধনু।—তুমি চিঠিটা এনে দাও, কদিন বাবার চিঠি পাইনি।”—

বৌদিদি একটু হাসিয়া কহিলেন, “না, পার্বনা আমি, কি হয় পড়েচে আমার।”

বৌদিদি ফিরিয়া পাকঘরের দিকে যাইতেছিলেন। তাঁহার চোখের প্রান্ত ঝোঁক-হাস্তরঞ্জিত হইয়া নাচিতেছিল। সূজাতা রাগিয়া কহিল, “না পারলে, পাক ঘরেও তোমাকে ঢুকতে দিচ্চিনে, দেখাচ্চি তোমার মজাটা।”—

সূজাতা বৌদিদিকে অতিক্রম করিয়া পাকঘরের দিকে চলিয়া যাইতেছিল; আমি ভিতরের হলুটা পার হইয়া আসিমা ছয়ারের কাছে দাঁড়াইয়া—

“না কার বেতে হবে না, এই যে চিঠি।”—বলিয়াই বিপুল লাহসে নির্ভর করিয়া একগোছা চিঠিই সূজাতার দিকে ফেলিয়া দিলাম। সূজাতা কিপ্রহস্তে চিঠিগুলি কুড়াইয়া লইতেছিল; একখানা চিঠি একটু দূরে পড়িয়াছিল,—সেখানা বৌদিদির।

চিঠির উপরের দাদার হাতের মুক্তার মত অক্ষরে “শ্রীমতী ইন্দিরা দেবী” লেখাটা যেন বৌদিদির মুখের দিকে চাহিয়া হাসিয়া উঠিল।

বৌদিদির মুখের উপর দিয়া একটা দ্রুত শোনিতোচ্ছাস অপিকের জন্ত খেলিয়া গেল। তবু জোর করিয়া মুখে হাসি ফুটাইয়া কহিলেন,

“ও ইন্দিরা দেবীর চিঠি, তুই নিস্ কেন?”

নন্দন-পাহাড়

“নিচ্ছি আমার খুঁসি। ঠি: আমি চোখ, রাজানির স্তর রাধিনে,”—বলিয়াই চিঠি কুড়াইয়া লইয়া সুজাতা মৃদুভীর মধ্যে পাক ঘরে প্রবেশ করিয়া খিল আঁটয়া দিল।

মনে মনে এবটু হাসিয়া লইয়া পরম নিশ্চিতভাবে কহিলাম,
“পাক হয়েছে, বৌদি? ভারি খিদে পেয়েছে যে!”

হাঁ, পাক হয়েছে বই কি? ও সুজাতা, দোর খুলে দে, তরকারীটা ধবে যাবে যে!

“সে আমি দেখব—তুমি ঐ দোর গোড়ায় ধ্যান ধরে বসে থাক!”

বৌদিদি সপ্রতিভ কণ্ঠে কহিলেন, “আচ্ছা আমি ঠাই পড়ি করে নিচ্ছি, তুই তরকারীটা নামিয়ে রাখ, ভাতাগুলি আমি এসে ঠৈরী করে নেব; খুব সাবধান কিন্তু, আবার কাপড়ে আঙুল ধরিয়ে দিসনে!”

—“বারে, আমার অসুখ যে! আমি তোমার তরকারী নামাতে পারবনা, শেষটা পুড়ে মরি আর কি?”—একটা মৃদু চাপা হাসির সঙ্গে মাথামাথি হইয়া পাকঘরের ভিতর হইতে কথা-গুলি আসিতেছিল।

“তোকে তো পারতে আমি বলিনে রান্নাসী! তুই দোর খুলে দে, আমি সব ঠিক করে নিচ্ছি!”

মৃদুকণ্ঠের উত্তর শুনা গেল, “তোমার বুঝি আর তর সইচে না, না?”

“এখনি তোরা এমন মুখ কুটেচে! সর্কনাসী, আচ্ছা থাক তুই, তোকে আমি দেখাচ্ছি!”—

পাক ঘরের দিক হইতে কোনও উত্তর আসিল না, শুধু উদ্ভৃষ্ট গৈলের উপর ভাজা ছাড়িয়া দেওয়ার তীব্র শব্দের দ্বারা সূজাতা জানাইয়া দিল, যে সে বৌদিদির ও সব কথা মোটেই গ্রাহ্য করিতেছে না।

হলের মধ্যে দাঁড়াইয়া আমি সদই শুনিতেছিলাম। বৌদিদি মনে করিয়াছিলেন, আমি চলিয়া গিয়াছি। সূজাতার কাছে পৃষ্টভঙ্গ দিয়া হলের কাছে আসিয়াই দেখিলেন, যে, তাঁহার পরাজয় কলঙ্কের সাক্ষীস্বরূপ বিনয় মুখ্যে সেখানে দাঁড়াইয়া বৃহৎ বৃহৎ হাসিতেছেন।

তখন সবটা ঝাল আমার উপরেই ঝাড়িবার জন্ত, বৌদিদি কহিলেন, “ও, এ তাহ’লে তোমারি কার্নাজি!”

বিস্মিত দৃষ্টিতে বৌদিদির মুখের দিকে চাহিয়া গস্তীর মুখে কহিলাম, “ওদিকে বুঝি কিছু সুবিধে করে উঠতে পারলেনা, তাই আমার সঙ্গে লাগতে এলে,—নয়?”—

কথা ফিরাইয়া লইয়া বৌদিদি কহিলেন, “আচ্ছা, দেখত ওর কাণ্ডটা, কাল অমন মরতে মরতে বেঁচে গেছে, আর আজই আবার পাক ঘরে খিল এঁটে বসল।—এ পাগলি বললেও শুনবে না; কি বিপদেই আমি পড়েছি যে একে নিয়ে!”—

বৌদিদির কোমল প্রাণটা যে কোথায় পড়িয়া আছে, তাহা গোড়া হইতেই ঠিক জানিতাম। সূজাতা যে এত বিলম্বী কাণ্ডের পরও আজই আবার আঙণের কাছে গিয়াছে, সেইজন্য তিনি সত্যই অত্যন্ত অস্থির হইয়া উঠিয়াছেন!—

নন্দন-পাহাড়

“ঠাকুর পো, সত্যি তুমি একটু দলে দিয়ে যাওনা, ও দোরটো খুলে দিক্। ওষে খিল আটা ঘরে আগুনের কাছে রয়েছে, তা’ মনে মনে সত্যি একটুও স্বস্তি পাচ্ছিনে!”—

—“খুন দলে কিস্ত! আর আমার ওটা যে একেবারেই আসেনা, তা’ তো তুমি জানই, বৌদি’!—”

কিস্ত বাহার কথা সূজাতা শুনিবে, সেই দুর্দান্ত সিপাহী ঠিক সেই মুহূর্তে আসিয়া উপস্থিত হইল। এবং সমস্ত শুনিয়া কাহিল, “ও আমি ঠিক করে দিচ্ছি বৌদি” দুই লাফে পাক ঘরের কাছে বাইরা ছুয়ারে সবলে ধাক্কা দিয়া অজিত কাহিল “তোমার আর-উস্তাদি করতে হবেনা, দিদি; কাল তোমার বিয়ে খুব বোঝা গেছে, —দোর খুলে দে’!”

সূজাতা হাসিতে হাসিতে ছুয়ার খুলিয়া দিয়া কাহিল, “দিদি, বাবা তোমার কাছেই চিঠি লিখেছেন, আমার কাছে ত নয়।”

বৌদিদি ক্রভঙ্গি করিয়া কাহিলেন, “তা’ তুই আমার চিঠি খুলি কেন লা? তোমার ভারি সাহস বেড়েচে দেখ্‌চি, পরের চিঠি খুলিস্!”

সত্যিই সূজাতার সাহস বাড়িয়াছিল এবং আজ যে বৌদিদির হারিবার পালা, তাহাও সে বেশ বুঝিয়া লইয়াছিল।

বৌদিদি হাত বাড়াইয়া দিয়া কাহিলেন, “দে, আমার চিঠি”—

সূজাতা অত্যন্ত বিশ্বরের ভাণ করিয়া কাহিল, “ওমা, আমি তোমার চিঠি খুব কেন, দিদি? সবই তোমার কাছে শিখ্‌চি, ও বিয়েতো, কই, এক দিনও শেখাওনি! এই নাও তোমার চিঠি!”

—বৌদিদির প্রসারিত হস্তের উপর সূজাতা অত্যন্ত গম্ভীর মুখে দাদার চিঠিখানা দিয়া দিল ।

মুখ দেখিয়া বেশ বুঝিলাম, বৌদিদি তাঁহার জীবনে এমন অপ্রতিভ আর কোনও দিনই হন নাই । হলের মধ্যে দণ্ডায়মান নীরব সাক্ষীটা তাঁহাকে আরও সন্ত্রস্ত করিয়া তুলিতেছিল ।

দাঁতে ঠোঁট চাপিয়া বৌদিদি কহিলেন, “তুই থাক্ রাক্ষসী, একমাষে কিছু আর শীত যাচ্ছেনা !”

কিন্তু বাহার উদ্দেশ্যে এই বাক্যবাণ প্রয়োগ করা হইতেছিল, সে তখন আঁচলে মুখ ঢাকিয়া ক্রমাগতই হাসিতেছিল ।

সূজাতাকে জব্দ করিবার জন্য আমার দিকে কিরিয়া বৌদিদি কহিলেন, “দেখ্, চ. ঠাকুরপো ! আমার চিঠিখানা তো দেবেই না, আরও ও হেসেই গড়াচ্ছে !”

আমি হলের ভিতরেই রহিয়াছি জানিয়া দুহস্তের মধ্যে সূজাতার হাসি নিভিয়া গেল ; এবং রমাপ্রসন্ন বাবুর চিঠিখানা বৌদিদির সম্মুখে ফেলিয়া দিয়া সূজাতা দ্রুতপদে পাকঘরের মধ্যে চলিয়া গেল ।

চিঠিখানার উপরে সূজাতার নাম লিখিত ছিল ; ভিতরের চিঠিটা রমাপ্রসন্নবাবু, তাঁহার মালস্বী, বৌদিদির কাছেই লিখিয়া-ছিলেন ।

সূজাতাকে তাহার কোতুকলীলাময়ী মূর্তিতে দেখিবার এই-ই সর্ব প্রথম অবসর পাইয়া বুকের মধ্যে একটা নূতন গীতির নিবিড় ছন্দ তালে তালে মুখরিত হইয়া উঠিতেছিল ।

ঘরে ফিরিয়া আসিয়া সেদিনকার ডাকে যে প্যাকেটটা পাইয়া-
ছিলাম, তাহাই খুলিয়া ফেলিলাম।

একখানি সুদৃশ্য বাঁধানো 'রামায়ণ'; কলিকাতার একজন
বন্ধুর কাছে লিখিয়াছিলাম, সে পাঠাইয়া দিয়াছে। মলাটের
উপরকার নোণার জলে লেখা "সুস্নাতা" নামটা আমার মুখের
দিকে চাহিয়া যেন মৃত হাসিয়া উঠিল।

সুস্নাতা রামায়ণ মহাভারত পড়িতে ভালবাসে এ খবরটা
অজিতের কথার মধ্য হইতেই সংগ্রহ করিয়াছিলাম। কিন্তু
'রামায়ণ' আনাহইয়া আজ মনে হইল, সত্যই যেন একটা মহাবিপদে
পড়িয়াছি। চিঠি লিখিলেই 'রামায়ণ' প্যাকেট বন্দী হইয়া চলিয়া
আনিতে পারে, কিন্তু বাহার জন্ত আনীত হইয়াছে তাহার হাতে
ঐ রামায়ণখানি পৌঁছাইয়া দেওয়াটাই যেন একটা মহাশক্ত
ব্যাপার। তখনই সুস্নাতাকে ডাকিয়া সহজ, সরলকণ্ঠে যদি বলি,
"সুস্নাতা, এই রামায়ণখানা তোমার জন্ত আনিয়াছি,"—সব
গোল মিটিয়া গাইতে পারে। কিন্তু বলা দূরে থাকুক, কথাটা
ভাবিতেই কাণের কাছটা কেন যে এমন উত্তপ্ত হইয়া উঠিবে
এবং বুকের ভিতর হইতে একটা দ্রুত শোনিতোচ্ছাস প্রবলবেগে
হৃদপিণ্ডটাকে নাড়া দিয়া বাহির হইয়া আসিয়া শিরার শিরার
বিছ্যতের স্রোতে বহিয়া যাইবে, তাহা মোটেই বুঝিতে পারিলাম
না।

অন্যমনস্ক ভাবে, টাইলোটা তুলিয়া লইয়া ভিতরের পাতার

“স্বভাৱা” লিখিয়াই মনে হইল, কাজটা ভাল কৰি নাই। ঐ উজ্জল কালো কালীৰ অক্ষর তিনটি ঠিক যেন সাধাৰণ অক্ষরের মত হয় নাই।

সিপাহীবিদ্ৰোহের বড় উঠিবার পূৰ্বে গাছের গায়ে গায়ে লাগানো সামান্য ‘চাপাটী’ মধ্যেও ইংরাজ যেমন নানা সঙ্কেত আবিষ্কার কৰিতে পাবিয়াছিলেন, মনে হইল, আমার লেখা ঐ অক্ষর তিনটির মধ্যেও যেন আমার গোপন ইতিহাসের অনেকখানি পৰিচয়, অনেকগুলি সঙ্কেত, যে কেহ খুঁজিয়া পাইতে পারে !

মলাটের উপরকার সোণার জলে লেখা ঠিক ঐ তিনটি অক্ষরই যেন কালীৰ লেখা এই একই তিনটি অক্ষরের কাছে উজ্জলতার অনেকখানি মান দেখা বাইতেছিল।

সে অক্ষর কয়টি দপ্তরীৰ বাড়ীৰ শ্রাণশূন্য যন্ত্ৰের পেছনের মধ্য দিয়া বাহির হইয়া আসিয়াছে ;—আর এয়া যে ঠাইলোর মুখ দিয়া আমার অন্তরের সমস্তখানি উন্মুখ আগ্রহ, স্নিগ্ধ অনুভূতি শোষণ কৰিয়া লইয়া আসিয়াছে ! যে কৰণ, কোমল সুর নিশিদিন মৰ্ম্মবীণায় গুমৰিতেছে, এ যে তাহারই স্নিগ্ধ বেস্ট্ৰু !

ছুঁৱি দিয়া কাটিয়া তুলিয়া ফেলিলে হয় না ? আবার কালীৰ আঁচড় কাটিয়া কাটিয়া অক্ষর কয়টাকে লুপ্ত কৰিয়া দেওয়া যায় না ? এদন কৰিয়া বাটীয়া কেহ নিশ্চিন্ত কৰিয়া দিতে পাবিয়াছে কি ?

কে বটগাছের ছাল কাটিয়া তুলিয়াছিল, বিশ্বের ঠাকুরের

নন্দন-পাহাড়

বুকের উপর সে ক্ষত আগনার নিষ্ঠুর চিহ্ন আঁকিয়া দিয়াছিল।
ঐ ছুরিকার আঘাত বা কয়টা কালীর আঁচড়ে অক্ষর কয়টা ভেঁ
মুছিবেনা, শুধু একটা ক্ষত, একটা চিহ্ন বুকের মধ্যে রাখিয়া
যাইবে!

অক্ষর নিশ্চিহ্ন করিবার সমস্ত আয়োজন তো ব্যর্থ হইয়া
গেলই; অজ্ঞাতে কখন যে হাতের বহি মুখের কাছে উঠিয়া
আসিয়াছে, তাহা বুঝিবার পূর্বেই, চমকিয়া উঠিয়া "সুজাতার"
নামাক্ষর সংস্পর্শ হইতে উদ্বৃত্ত ওষ্ঠকে কিরাইয়া লইলাম। হাতের
বহি নামাইয়া ফেলিয়া বাহিরের দিকে চাহিতেই দেখিলাম, অজিত
আসিতেছে!

অজিত কহিল, "দাদা বাবু, খেতে আসুন"—তারপর টেবিলের
উপরকার উজ্জল কারুকার্যশোভিত বহিধানার দিকে দৃষ্টি
পড়িতেই ঘরের মধ্যে ছুটিয়া আসিল। বহি তুলিয়া লইয়া বখন
দেখিল, তাহার দিদিরই নাম লেখা রহিয়াছে, তখন অজিত আর
অনুমতির অপেক্ষা না রাখিয়া, ছই হাতে বহি আঁকড়িয়া ধরিয়া,
"ও দিদি, তোর রামায়ণ; তারি সুন্দর,—দাদা বাবু আনিয়াছেন,"
বলিতে বলিতে ছুটিয়া পাকঘরের দিকে চলিয়া গেল। কিন্তু
ঐ হুরন্ত ছেলেটা তো ঘুণাকরেও বুঝিল না, যে মুহূর্ত পূর্বেই
তাহার দাদাবাবু ঐ বহিধানা কেমন করিয়া ঠিক জায়গা মত
পৌছাইয়া দিবে, তাহাই ভাবিয়া কতখানি দ্বিধা, কুণ্ঠা ও সঙ্কোচ
অনুভব করিতেছিল।

• টেবিলটার কাছে মুহূর্তকাল অপরাধীর মতই দাঁড়াইয়া

রহিলাম; পা ছুটা' একটু কাঁপিতেছিল; কিন্তু বুকের মধ্যে যে গুরু স্পন্দনটা ক্রমাগতই সাড়া দিতেছিল, তাহাকে ঠিক বিশ্লেষণ করিয়া দেখিলে, সঙ্কোচ অপেক্ষা পুলকের ভাগটাই বেশী পাওয়া যাইত !

অজিতের পুনঃ পুনঃ আছ্বানে আচীরের চেষ্টায় বাইতে হইল, এবং বৌদিদির আক্রমণটা কোন্ পথে আসিবে, তাহার ভয় একটু সতর্ক হইয়া উঠিলাম।

খালাটা কাছে রাখিয়া হাস্তরঞ্জিত মুখে এবং অত্যন্ত মৃদুস্বরে বৌদিদি কহিলেন, “বইটা বাঁধতে যে এক অধিবাসের তত্ত্বের খরচ লেগেচে।”—

পরম নিশ্চিত মনে,—কারণ এই পরম বুদ্ধিমতী নারীর মৃদু স্বর শুনিয়াই রহিলাম, বড়টা শুধু আমার উপর দিয়াই বাইতে, সূক্ষ্মতা পর্য্যন্ত পৌঁছাবে না,—ছোট বাঁনীটা হইতে বৃত্তটুকু নিঃশেষ করিয়া পাতে উপর ঢালিয়া লইয়া কহিলাম, “অজিত গেল কোথায়?—ও অজিত, থাকিলে?”—

“সে রামায়ণের ছবি উল্টোচ্ছে।”—

“ওকে ভাঙ্গাটা খুব বেশী ক'রে দিও আজ, বুঝলে বৌদি?”

—“কেন, তারি উপকার করেছে বুঝি? বইটা হাতে পৌঁছে দেবার দায় থেকে বাঁচিয়ে দিয়েচে,—নর? ছ'বার ঘরের দোরে গিরে কিরে এসেছি, জান গোমাই?”

অজিত আসিয়াছিল, তাহার পাতে সব ভাঙ্গাগুলি তুলিয়া দিয়া অত্যন্ত মনোযোগের সহিত আহীরে লাগিয়া গেলাম।

বন্দন-পাহাড়

লক্ষ্মী ও সফোট মাল্লুবকে যে এমন করিয়া আনন্দ দিতে পারে,
তাহা এর পূর্বে জানিতাম না !

১৬

পরদিন সকালবেলা অনিল আসিয়া কহিল, “ইন্দিরা দি’,
ত্রিকুট পাহাড় দেখতে যাওয়ার সব বন্দোবস্ত তো স্থির হয়ে
গেল !”

শ্রিতমুখে বৌদিদি কহিলেন, “কে কে যাবে অনিল, আর কি
বন্দোবস্তই বা তোরা করিলি তার কিছুই তো জানাস্নান,—

মুখের কথা শেষ হইবার পূর্বেই অনিল কহিল, “বাঃ, সে
তো তুমিই যা’ হয় ঠিক করবে,—

“আমিই যদি সব করব, তবে তোরা কি বন্দোবস্ত করিলিরে
অনিল ?”

“যাওয়ারটা যে হবে সেইটেই আমাদের সত্য স্থির হয়ে গেল ;
এক বন্দোবস্তের ভার সবটা তোমার উপর,—এই তো কথা
হয়েচে ! আমি তো তাই-ই তোমাকে বলতে এলাম, ইন্দিরা
দি’ !”—

“তবেই হয়েছে তোদের ত্রিকুট দেখতে যাওয়া ।—আমি ঘরে
কসে সমস্ত বন্দোবস্ত করে দেব, খুব জোরের সত্য কিন্তু তোদের
যা’ হোক !”

“তা’ কেন ইন্দিরা দি’, তুমি যা’ যা’ দরকার মনে করবে
আমাদের বলবে”—

“আর তোরা সেইটুকু করে খালাস হাব, কেমন এই তো ?”—

নন্দন-পাহাড়

অনিল হঠাৎ উত্তর দিতে পারিল না; একবার বৌদিদির মুখের দিকে চাহিল, তার পর ধীরে ধীরে মাথা নাড়িয়া কহিল, “হঁ”—এমন সময়ে অতুল সশব্দে ঘরের মধ্যে প্রবেশ করিতে করিতে কহিল, “তুমি শুধু হুকুমই করে যাবে, তোমার হুকুম তামিল করবার লোকের অভাব না হ’লেই হ’ল!”

বৌদিদি মুহূ হাসিয়া কহিলেন, “তোরা কয়টা জুটেছিস্ কিন্তু বেশ! ওরে, তোরা এমনিই মা বোনের আঁচল ধরা হয়ে থাকবি, যে বাইরের পাঁচটা বন্দোবস্ত করবার সময়ও আমাদের কাছে হুকুম চাইবি, নিজেরা কিছুই করবিনে?”

অতুল কহিল, “হুকুম করার চেয়ে হুকুম তামিল কবাটাই যে বেশী আরামের, এ বিষয়ে আমরা বাঙ্গালীরা সবাই একেবারে একমত। আর জান কি, এ সব পথেঘাটে চলবার খুঁটিনাটি বন্দোবস্ত এতই বেশী করতে হয়, যে যারা বাড়ীতে মা বোনের হাতে ঝরচাটা কোনমতে পৌঁছে দিলে সকল রকমের আরাম পেতে অন্ত্যস্ত হয়ে গেছে, তাদের এসব পোষায় না! ও যা তুমি বললে, সেটা ভারি ঠিক!—আমরা কটাই বেশ জুটেছি! এ সব সুস্থিরের চাইতে আদালতে দাঁড়িয়ে ঘণ্টার পর ঘণ্টা জেরা করাও চেঁচা সহজ বলে মনে হয়, ইন্দিরা দি!”

সুজাতা আসিয়া একখানা খেঁতপাণরের রেকাবীতে কতকগুলি পান রাখিয়া গেল। অনিল একবার চকিত দৃষ্টিতে তাহার মুখের দিকে চাহিল। তারপরই দৃষ্টি নত করিয়া গেল, কিন্তু তাহার কাণের কাছটা যে অসম্ভব রকমের স্নান হইয়া উঠিল,

নন্দন-পাহাড়

সেটা আর সকলের দৃষ্টি আকর্ষণ না করিলেও আমার দৃষ্টি এড়াইতে পারিল না।

অনেকগুলি চিঠি উত্তরের অপেক্ষায় টেবিলের উপরকার রত্নিন প্রস্তরখণ্ডের নীচে জমিয়া উঠিয়াছিল, আমি আমার ঘরে বসিয়া তাহারই উত্তরগুলি লিখিয়া শেষ করিতেছিলাম।

কিন্তু ঠিক সেই মুহূর্তের পর হইতে আর আধঘণ্টা পর্যন্ত আমার লেখা ছইটি ছত্রের মধ্যেই আবদ্ধ রহিয়া গেল; আর একটুকুও অগ্রসর হইতে চাহিল না।

আমি আমার ঘরের মধ্যে টেবিলের কাছে বসিয়া কাগজের উপর কতকগুলি অনর্থক কালীর আঁচড় কাটিতে লাগিলাম; এবং মধ্যে মধ্যে অনিলের মুখের দিকে চাহিয়া দেখিতে লাগিলাম।

কৃপণের রত্নপেটিকার দিকে কাহারও দৃষ্টি পড়িলে, সে সংবাদটা যেমন সর্বান্তে কৃপণই পাইয়া থাকে, এবং সে যেমন নিশিদিনই শুধু ঐ একই চিন্তাতেই মহাবিব্রত হইয়া উঠে এবং নিজের মানসিক শাস্তিকে ক্ষুণ্ণ ও বিরল করিয়া তুলে, আমার মানসিক অবস্থাটাকেও ঠিক তেমনি দীন ও ক্ষুণ্ণ হইয়া উঠিতে দেখিয়া আমি সত্যি বড় বিস্মিত হইয়া উঠিলাম! অন্তরের মধ্যে এই যে একটা বেদনার মূহ স্পন্দন, একটা নূতনতর অস্বস্তি অসুভব করিতে লাগিলাম, ইহার পূর্বে আর কোনও দিনই তো এমনটা অসুভব করি নাই। বৌদিদির গলা শুনিয়া চমক ভাঙ্গিল। তিনি আমার ঘরের দিকে চাহিয়া কহিলেন, “এই যে এরা এসেচে, ঠাকুরপো, এসনা একঘর, তোমার চিঠি লেখা-বে আর শেষই হয় না।”

চিঠির কাগজের উপর অত্যন্ত কুঁকিয়া পড়িয়া লিখিতে লিখিতে কহিলাম, “এই চিঠিটা সেরেই যাচ্ছি বৌদি ;—অনেক-দিনের চিঠি সব পড়ে রয়েছে,—আজ এদের উত্তরগুলি লিখে শেষ করবই প্রতিজ্ঞা করেছি”—কিন্তু প্রতিজ্ঞা যে কখন করিলাম তাহাও ভাল মনে পড়িল না। চিঠির কাগজের উপর দৃষ্টি পড়িতেই যে কথাগুলি স্মৃষ্টি হইয়া চক্ষের সম্মুখে ফুটিয়া উঠিল, তাহা যে আমারই লেখা, তাহাও যেমন নিঃসন্দেহ, এবং সেগুলি যে ঠিক কখন লিখিলাম সেই সমস্তাও আমার কাছে তেমনি বিস্মরকর হইয়া উঠিল।

মানুষের চিন্তা একটা অদ্ভুত সৃষ্টি! কত ক্ষুদ্রতম কারণও যে এই মানব চিন্তের উপর রেখাপাত করিতে পারে, দোলা দিয়া যাইতে পারে, তাহার মীমাংসা কোনও বৈজ্ঞানিকের গবেষণার মধ্যে আইসে না। যে কোনও মানবচিন্তের সুখ দুঃখের, বিস্ময়-ক্ষোভের, আশানিরাশার দুঃস্বপ্ন ইতিহাসের সম্পূর্ণ পরিচয়টি গ্রহণ করা একান্তই অসম্ভব এবং এই পরিচয় গ্রহণের সমস্ত চেষ্টা ঠিক তখনি ব্যর্থ হইয়া ফিরিয়া আইসে, যখন মানুষ মনে করে, যে, হয়তো কিছু পরিচয়, কিছু সন্ধান সে পাইয়াছে!

চিঠির কাগজখানা শতখণ্ডে ছিন্ন করিয়া ফেলিয়া দিয়া কহিলাম, “আচ্ছা, থাক্, আজ চিঠি নাই বা লিখলাম। কিন্তু ত্রিকূট দেখতে যাওয়ার দিনটাকে ওই যে সপ্তাহ পরে কেলা হয়েছে, ওতে আমার মোটেই মত নেই, এবং আজকার সত্য

মন্দন-পাহাড়

আমার এই আঞ্জি পেশ্ করে দিচ্ছি, যে, ওদিনটাকে এগিয়ে-
ঠিক এসপ্তাহের মাঝখানে কোথায়ও ফেলা হ'ক্ !”

ঘর হইতে বাহির হইয়া আসিয়াই একবার ভিতরের দর-
দালানের দিকে চাহিলাম, ভাবিয়াছিলাম, সূজাতাকে দেখিব।
কিন্তু সেখানে চাকরটা কি করিতেছিল,—সূজাতাকে দেখা গেল
না !

শাস্তকণ্ঠে অনিল কহিল, “আমারও ঠিক ওই মত, যদি
যেতেই হয়, তাহ'লে যত শীগ'গির যাওয়া হয় সেই-ই ভাল।”

অতুল কহিল, “আমাদের মতে কিছুই হবে না দেখ্-চি—
কারণ আমরা যতই মত ঠিক্ করি ততই সেটা গুলিয়ে যায়, আচ্ছা,
ইন্দ্রিয়ারদি যা' বলে তাই করা যাবে।”—

অজিত ও আলবার্টকে ফটকের কাছে দেখা গেল। বৌদিদি
একটু হাসিয়া কহিল, “আচ্ছা, কার মত নিয়ে কাজ নেই ;
আলবার্ট যা বলবে আমরা তাই করব”—

অজিত আঙ্গিয়া মলিন মুখে জানাইল, আলবার্ট'চলে যাচ্ছে
বৌদি,—অজিতের কণ্ঠস্বর অশ্রু-রুদ্ধ হইয়া আসিল।

“চলে যাচ্ছে, সে কিরে ?”—

“হাঁ বৌদি, সারের ছুটি নিয়েছেন ; দেশে তাঁর মার তসুখ,
তাই দেখতে যাবেন, আর মাত্র দিন পনের এখানে আছেন !”

আলবার্ট'চলিয়া যাইবে শুনিয়া সকলেই একটু বিশেষ করিয়া
একটু অনুভব করিতোছিল। এই প্রিয়দর্শন বিদেশী বালকটি সক-
লের নিকট হইতেই প্রচুর স্নেহ আকর্ষণ করিতে সক্ষম হইয়াছিল।

পিসিমা ঘরের ভিতরে বসিয়া মালা জপ করিতেছিলেন। মালাটা একবার কপালে ছোঁয়াইয়া উঠিয়া আসিলেন এবং ছয়বারের গোড়ায় দাঁড়াইয়া উদ্বেগপূর্ণ মুখে জিজ্ঞাসা করিলেন, “সত্যিই বাছা চলে যাচ্ছে, বোমা ? আহা, এমন সোণার টান ছেলে আর আমার চোখে পড়েনি, চিরজীবি হক্ বাছা, মার কোল জুড়িয়ে থাক্।”—

“আমি যখন খুব ছোট্টটা ছিলাম, তখন আমার মা স্বর্গে গেছেন, পিসিমা”—এই মাতৃহীন বালকের অশ্রুরূপ কণ্ঠের ছিন্ন অর্দ্ধোচ্চারিত করুণ কাহিনীটা, সেখানকার বাতাসে একটা ব্যথার ইতিহাস রচনা করিয়া তুলিল।

বৌদিদি দুইহাতে আলবার্টকে কোলের কাছে টানিয়া লইয়া নীরবে তাহার স্বর্ণাভ কোমল চুলগুলির মধ্যে অঙ্গুলি চালনা করিতে লাগিলেন। চোখের পাতা ভিজিয়া উঠিয়াছিল, পিসিমা একবার আঁচলে চক্ষু মুছিয়া দীর্ঘনিশ্বাসের সহিত বলিয়া উঠিলেন, “ও গুরু—গুরু !” তার পর আলবার্টের দিকে ফিরিয়া কহিলেন, “সকল দুঃখ কষ্টের অতীত হয়ে তিনি চলে গেছেন সত্যি, কিন্তু সেখান থেকে তিনি তোমাকে দেখেন এবং তোমার মঙ্গল বিধান করবেন, একথাটা মনে করে কোনো দুঃখ ক’রো না বাছা !”—

আলবার্টের মুখ উজ্জ্বল হইয়া উঠিল, কহিল, “আমিও বেশী কিছু ভাবিনে পিসিমা, একদিন ত তাঁর কাছে যাবই; তবে কেউ তার মাকে ডাক্চে, অথবা দুঃখে কষ্টে পড়ে মার কাছে ছুটে যাচ্ছে, দেখলেই মনটা কেমন করে ওঠে, এই বা !”

মন্দন:পাহাড়

আলবাট হাসিতে লাগিল; সে হাসিটুকু ঠিক বর্ষগোমুখ মেঘের আড়াল হইতে বিচ্ছুরিত অত্যন্ত বিবর্ণ শশাঙ্কলেখার মতই অসুন্দর।

অজিত কাছে আসিয়া মৃদুস্বরে কহিল, “মা তো আমারও নেই, আলবাট”—সুজাতা দুয়ারের কাছে আসিয়া সব শুনিতে-ছিল, অজিতের কথা শুনিয়া সে অঞ্চলে মুখ ঢাকিয়া আসন্ন ক্রন্দনের বেগটাকে রোধ করিতে যাইতেছিল।

এই দুইটা অপরিণতবয়স্ক বালক এ করিতেছে কি ?

সেই স্নান সন্ধ্যার কোমল আলোক এমন করিয়া তাহার ব্যথার, বেদনার ভারসা দিল যে, সকলেরই চিত্ত একটা অনির্দিষ্ট কোণে ও ব্যথার ভারিয়া গেল এবং প্রত্যেকেরই চোখের কোণে কোণে অশ্রুর আভাস জাগিয়া উঠিল।

হঠাৎ অজিত কহিল, “তা আমি ত ওজনে কিছু ভারিনে। আমি প্রায় রোজ রাত্রেই মাকে স্বপ্ন দেখি, কাল রাত্রেও তিনি আমার গায় মাথার হাত বুলিয়ে দিয়ে বলেছেন, আচ্ছা তুই যদি আমার কাছে থাকতেই এত ভালবাসিস্ তা’ হলে আমি তোকে নিয়ে যাব!”—অজিত তাহার ক্ষুদ্র অধরপুট একটু প্রসারিত করিয়া দিল এবং কথাটা যে সুজাতাকে খুব বেশী আঘাত করিবে, যেন ইহা বুঝিয়া তাড়াতাড়ি অন্য দিকে মুখ ফিরাইয়া লইল।

সুজাতা কাঁদিয়া বলিয়া উঠিল, “ওরে অজি’, চুপ কর, চুপ কর! তুই এমনি করে বলিস্, বাবা শুনলে বাচবেন? তোর কি মায়ার দয়া একটুও নেই?”—

“বা, মার কাছে যদি যেতে পাস্, তা হলে কি তুই বাসনে
দিদি ?”—কিন্তু এই অবোধ বালকটির চোখেও অশ্রু সঞ্চিত হইয়া
উঠিতেছিল ; সে মুখ ফিরাইয়া লইয়া নন্দনপাহাড়ের দিকে
চাহিল । নন্দনপাহাড়ের দিক্ হইতে একটা প্রবল বায়ুপ্রবাহ
‘হা হা’ শব্দে বহিয়া আসিয়া দরজা জানেলার উপর আছাড়িয়া
পড়িতেছিল । মনে হইল, যেন শোকাক্ত কেহ বন্ধে করাঘাত
করিয়া হাহাকার করিতেছে এবং একটা গভীর বিষাদের নিবিড়
কালো ছায়া সেখানে মূর্ত হইয়া নামিয়া আসিতেছে !

১৭

সেদিন ত্রিকূট পাহাড়ের নীচে একটা খোলা জায়গার বিশ্রা-
মের জগু আমাদের ক্ষুদ্র দলটি আশ্রয় গ্রহণ করিল । আমরা
দেওঘর ছাড়িবার ছয় সাত ঘণ্টা পূর্বেই আমাদের দুই বাসার
চাকরদের ও অতুলদের পাকের ঠাকুরকে বৌদিদি কতকগুলি
জিনিষপত্র সঙ্গে দিয়া একটা গাড়ী করিয়া পাঠাইয়া দিয়াছিলেন ।
একটু দূরে কতকগুলি গাছের আড়ালে সতরঞ্চ টানাইয়া
তাহারা পাকের আয়োজন করিতেছিল ।

অজিত, আলবাট’ মহা আনন্দে ছুটাছুটি করিতেছিল ; বৌদিদি
তাহাদের ডাকিয়া কহিলেন, “ওরে অজিত, তোরা রোদে অত
ছুটিস্নিরে ! একটা অস্থখ করে বসবে !”—

কিন্তু বর্ণ পরিচয় প্রথম ভাগের “রোজে দৌড়াদৌড়” করিও
না” এই সনাতন উপদেশটি বিদ্যাসাগরের পূর্বে ও পরে এ পর্যন্ত

নন্দন-পাহাড়

কোনও ঝালক প্রতিপালন করিবার চেষ্টা আশ্রয় দেখায় নাই। সুতরাং ওটাকে স্বচ্ছন্দে বাদ দিয়া বর্ণপরিচয় ছাপিলে কোনও ক্ষতি নাই। এই কথা জানাইয়া দিয়া অতুল উঠিয়া পড়িল।

অতুলের স্ত্রী তাহার অন্ধাবগুণের মধ্য হইতে কিস্ কিস্ করিয়া কহিল, “ঠাকুরঝি, ও উপদেশটা প্রথম ভাগেই তবু রয়েছে, আইনের বইতে যে মোটেই নেই; কিন্তু যারা আইন নিয়ে থাকে তারাই আবার রোদকে অতটা ভয় করে কেন?”—

“নিষেধটাকে অগ্রাহ্য করাই মানুষের স্বভাব, কিন্তু যেটা সম্বন্ধে নিষেধের কোনও বাধা বন্ধন নেই, সেইটেকেই তবু মানুষ মানতে চায়।”—

বৌদিদি কহিলেন, “ও তর্ক তবে তোরাই কর! আমি দেখে আসি ওরা পাকের বন্দোবস্ত কতদূর করে তুলল!”—সুভাতা ও বিছাৎ একটু দূরে একটা গাছের তলায় বসিয়া কথা বলিতেছিল। বৌদিদিকে উঠিতে দেখিয়া তাহারাও উঠিল। অতুলের স্ত্রী ঈর্ষৎ হাসিয়া বৌদিদির অহুসরণ করিল।—

অনিল একখণ্ড পাথরের উপর বসিয়াছিল; সে তাহার দৃষ্টি দূর দিগন্তের দিকে নিবন্ধ রাখিয়াই কহিল, “মানুষের কাছে আনন্দ কখন কোন্ মুর্তিতে ধরা দেয়, তার কিছু ঠিক নেই। আস্বাদ পূর্বে মনে করেছিলাম, যে এখান থেকে কত আনন্দের স্মৃতিই বহন করে নিয়ে যাব! কই, তা’ তো সম্ভব বলে মনে হচ্ছে না! আমার মনে হয় ও জিনিষটাকে খুঁজতে গেলেই ছলত হয়ে ওঠে!”

একটু কাল চুপ করিয়া থাকিয়া কহিল, “আপনি পুরীতে সমুদ্র দেখেছেন !”

“দেখেচি, কেন বলুন তো ?”—

“শান্ত সমুদ্রের অন্তঃস্থল থেকে সব সময়েই একটা গভীর আন্দোলন উঠে, যার প্রকাশ শুধু তার নিজের মধ্যেই আবদ্ধ থাকে,—তরঙ্গের আকারে উচ্ছলিত হয়ে ওঠে না। আমার মনে হয়, সে যে পরিপূর্ণ, তারি আনন্দ তাকে এমন নৃত্যমুগ্ধ করে তোলে। মানুষের আনন্দ তখন সম্পূর্ণ হয়, যখন তার প্রকাশ বাইরে আর দেখা যায় না,—শুধু গভীর ছন্দে অন্তরের মধ্যেই ভেঙ্গে ওঠে !”

“হবে !—কিন্তু এমন চের মানুষ আছে, যারা আনন্দের খবর পেলে বিশ্বসংসারকে না জানিয়ে থাকতে পারে না ! এবং আমার মনে হয় ঠিক ঐখানটাতেই তার চরম সার্থকতা।—আচ্ছা, সমুদ্র সম্বন্ধে আপনার ধারণা কি ?”—

অনিল একটু হাসিয়া কহিল, “পূর্বের ও কথাটার পক্ষে ও বিপক্ষে চের বলবার আছে ! সে যাক !—সৃষ্টির মধ্যে ছোটো জিনিষ আমি অত্যন্ত বিশ্বরের গোথে দেখে থাকি ; সমুদ্র জিনিষটা অত্যন্ত বিশ্বরকর, কিন্তু তার চেয়েও সহস্রগুণে বিশ্বরকর ঐ অনন্ত নীল আকাশ !”—

হঠাৎ বলিয়া ফেলিলাম, “তার চেয়েও বিশ্বরকর আর একটা জিনিষের নাম আমি করতে পারি”—

অনিল তাহার শাস্তদৃষ্টি উৎসাহিত করিয়া আমার মুখের দিকে চাহিল, তারপর বিস্মিতকণ্ঠে কহিল, “কি সে ?”

রক্ষক-পাহাড়

“যেখানে সকল কবিত্বের শেষ এবং সকল আনন্দের আরম্ভ, সে জিনিষটা হচ্ছে,—হাসবেন না অনিলবাবু! নারীর কালো চোখ!” কথাটা বলিয়াই এবং অনিলকে উত্তর দিবার বিন্দুনাত্রও অবসর না দিয়া যেখানে পাকের বন্দোবস্ত হইতেছিল, সেই দিকে চলিয়া গেলাম।

আমাকে দেখিয়া বৌদিদি বলিয়া উঠিলেন, “দেখ্‌চ ঠাকুরপো, ঐরি মধ্যে সূজাতার সঙ্গে বিছাতের ঝগড়া বেধে গেছে।”

বিছাৎ মুখ টিপিয়া টিপিয়া হাসিতেছিল; সূজাতা অত্যন্ত শাস্তমুখে দাঁড়াইয়া আসুলে আঁচলের খুঁট জড়াইতেছিল।

“ওরা দুজনেই জিদ ধরেচে, পাক করবে! কিন্তু আমি বল্‌চি যে থাক না, আজ আর কাক পাক করে দরকার নেই।”

বিছাৎ ও সূজাতা উভয়েই চকিত দৃষ্টিতে একবার আমার দিকে চাহিল।

লক্ষ্মী ও সরস্বতীর মধ্যে বিবাদ মীমাংসার মতই এটাও একটা যে অত্যন্ত ছরুহ বাপার, তাহা আমাকে স্বীকার করিয়া লইতে হইলেও, তাহারা বিচার প্রার্থী হইয়া অপেক্ষা করিতেছে, তাহাদের হাত হইতে উদ্ধার লাভ সত্যই খুব সহজ হইল না।

তাহারা কথাও কহিল না, অথচ ঠিক মনোমত উত্তরটি না পাওয়া পর্য্যন্ত মতমুখে দাঁড়াইয়াই রহিল, এবং আসুলে আঁচলের খুঁট জড়াইয়া জড়াইয়া ও পায়ের নখে মাটি খুড়িয়া খুড়িয়া এই কথাটাই-বারংবার জানাইয়া দিতে লাগিল যে মীমাংসা তাহাদের মনঃপুত না হইলে তাহারা ঠিক খুঁসি হইতেছে না। কিন্তু আজ

এই পাহাড়ের পাদদেশে উদাস প্রান্তরের মাঝখানে ইহারা দুইটিতে
যে হাঁড়ি কাঠি লইয়া বসিবে এটা যে কোনও মতেই হইতে পারে
না তাহা দৃঢ়স্বরে জানাইয়া দিয়া কহিলাম, “বৌদিদি, তুমি ওদের
নিরে একটু যুরে এসনা কেন,”—কিন্তু বৌদিদিও নড়িবার কোনও
লক্ষণ না দেখাইয়া কহিলেন, “তা’ যাচ্ছি, কিন্তু তার পূর্বে কর্তায়া
বাহিরে মাতামাতি করে ফিরে এনে যখন মুখ শুকিয়ে ঠিক ঐ মলিন
হাঁড়ি কাঠির সম্মুখেই দাঁড়াবেন, তখনকার ব্যবস্থাটা একটু না করে
য়েখে স্বস্তি পাচ্ছি কই ?”

“সে তো ঐ ঠাকুর চাকর রয়েছে, ওরাই সব ঠিক করে নেবে
এখন”—

একধার উত্তরে বৌদিদি শুধু একটু হাসিলেন ; সে হাসিতে
স্নেহামৃত করিত হইতেছিল। বিছ্যাৎও মৃহ মৃহ হাসিতেছিল ;
সুজাতার মুখের দিকে চাহিলাম। শ্বেদবিন্দু তাহার ললাটের উপর
ফুটিয়া উঠিয়াছে, মৃহ বায়ু তাহার চূর্ণ কুন্তল উড়াইতেছে। লজ্জারক্ত
কপোলের বর্ণসুসমার উপর দোহুলামান্ কর্ণভুষার হরিৎ আভা
লাগিয়া লাগিয়া তাহার স্তগৌর মুখখানিকে সপ্তমীর দেবী প্রতিমার
চাক্রমুঞ্জী প্রদান করিয়াছিল।

কখন অনিল আসিয়া আমার পশ্চাতে দাঁড়াইয়াছিল। ফিরিয়া
চাহিয়াই দেখিলাম অনিলের চকিত দৃষ্টি সুজাতার মুখের উপরেই
নিবদ্ধ রহিয়াছে !

অনিলের সে দৃষ্টি অত্যন্ত গভীর ও ভঙ্গয় এবং একেধারেই
আলা-শূত্র।

অমন-পাহাড়

যে একবার ভালবাসিয়াছে, তাহার ঐ দৃষ্টিকে চিনিতে এক-টুকুও বিলম্ব হয় না ! যুদ্ধের অন্ত আমার হই চকু অগিয়া উঠিল । কিন্তু এত বিরক্তি লইয়া বাহার মুখের দিকে চাহিলাম, সে পরম নিশ্চিত্ত মনে বৌদিদির মুখের দিকে চাহিয়া ধীরে ধীরে কহিল, ‘ইন্দিরা দি,’ ঐ বড় পাথরের চিবিটার পাশেই ভারি সুন্দর একটা যন্ত্রণা দেখে এসেচি,—তোমরা দেখ্বে ? এস না ?—

যে এমন সহজ সরল কণ্ঠে কথা বলিতে পারে, তাহার উপর রাগ হয় না । কিন্তু তবু বুকের ভিতর একটা নূতনতর জ্বালা অনুভব করিতেছিলাম ! এ কিসের জ্বালা ? এ কিসের দহন ?—

হাতের কাজগুলি শেষ করিয়া ফেলিয়া স্নিতমুখে বৌদিদি কহিলেন, “চল্ অহু, তুমিও চল্না ঠাকুরপো !—ওকি, তোমার মুখ চোখ্ অমন দেখাচ্ছে যে ? অমুখ করেনি তো ?”

একটা পাত্রে কিছু সরবৎ তৈয়ারী করা ছিল ; এক মেলাম আমার হাতের কাছে ধরিয়া কহিলেন, এই টে খেয়ে নাও তো ! অনেকটা ভাল বোধ কর্বে ।” সরবৎটা নিঃশেষে পান করিয়া মেলাসটা কিরাইয়া দিতে দিতে কহিলাম, “না, ও কিছু নয়, বৌদি’ ; এখনি সব ভাল হয়ে যাবে । আচ্ছা, চল, আমিও তোমাদের সঙ্গে যাচ্ছি ।” কিন্তু যাইবার উৎসাহ যে আমার একেবারেই ছিল না, তাহা বোধহয় বৌদিদির তীক্ষ্ণদৃষ্টি এড়াইল না ।

—“ধাক্কা, আমরা এখন নাই বা মেলাম, অহু !” একখানা হাতপাখা জিনিষপত্রের মধ্য হইতে তুলিয়া লইয়া বৌদিদি

কহিলেন, “এই পাথরটার উপর বেশ ভাল হয়ে বস দেখি, আমি একটু হাওয়া দিচ্ছি!—বে পাহাড় ফাটা রোদ্, এতে কি আর মাথা স্থির থাকে?”

নিতান্ত বাধ্য ছাত্রের মতই পাথরখানার উপর বসিয়া পড়িলাম, এবং বৌদিদির হাতের পাথর বাতাসে মাথাটা একটু ঠাণ্ডা হইলে ভাবিতে লাগিলাম, এ আমি হইয়াছি কি? এ কোন্ মন্ডলের মধ্যে, তৃষ্ণার্ত আমি আসিয়া পৌঁছিয়াছি? শ্রামবনা-ীর কোমল ছায়া এখানে নাই; বিহঙ্গের কাকলী এখানে শুনা যায়না; মেয়ের ছায়ার এ দারুণ রূক্ষপথ ছাড়ারত হইয়া উঠে না;—শুধু দূরে—অতি দূরে, দেখা যায় সেই স্বপ্নপুরী; যেখানে রক্তের উপর রক্তের খেলা চলিয়াছে;—সবুজের নেশার আকাশ বাতাস ভরিয়া গিয়াছে; পুষ্প ফলে, লতিকার পল্লবে নন্দনশ্রী ফুটিয়া উঠিয়াছে! সুন্দরের রথচক্রের ছায়ার ছায়ার লাস্ত্রলীলার কোমল নর্তন চলিয়াছে; এবং সেই চিরকিশোর বিশ্বের ঠাকুরটির বাশরীর উন্মুখ আবাহনগীতি আকাশ বাতাস পাগল করিয়া দিতেছে!

কিন্তু কোথায় কাহার কাছে ঐ স্বপ্নপুরীর সোণার চাবি কাটাটি! কাহার মায়াস্পর্শ, কাহার নিবিড় সঙ্কেত, কাহার ক্রন্দনটুকু, আমাকে ঐ স্বপ্নরাজ্যের পথ দেখাইয়া দিবে?—

লতাগুল্মের সাহায্যে খণ্ডপ্রস্তরের সিঁড়ি বাহিয়া অজিত ও আলবার্ট ঠাকুরের উপর খানকটা উঠিয়া গিয়াছে। সেখানে এক প্রস্তর খণ্ডের উপর বসিয়া পড়িয়া অজিত তাহার দূরবীণটী পন্নয় ঘণ্টে বাহির করিয়া লইল; এবং বারংবার চীৎকার করিয়া

নন্দন পাহাড়

জানাইরা দিল যে তাহারা ঐ দূরবীণটার সাহায্যে বহুদূরের দূর
চমৎকার দেখিতে পাইতেছে, এমন কি অতুলদের বম্পাস্ টাউনের
বাসাটীও একেবারে সুস্পষ্ট দেখা যাইতেছে !

বৌদিদি মহাব্যতিবাস্ত হইয়া উঠিলেন, “ও অনিল, ওদের
ডেকে বল, ওরা নেমে আসুক ।—ওমা, এমন বিপদে পড়েছি এদের
নিরে এসে ! কখন ওরা পাহাড়ে চড়ে বসল, তা’তো কিছুই
দেখিনি !—ও অজিত, অজিত !”—

অতুলের স্ত্রী হাসিতে হাসিতে কহিল,—“ঠাকুরঝি কি কেপলে ?
পুরুষেলে পাহাড়ে উঠেচে তা’তে হয়েছে কি ? আর তোমার
ঐ আলবার্টটী তো পাহাড়ের দেশের লোক ! ওরা ঠিক নেমে
আসবে, ভয় কি ?”—

বিছাও হাসিতেছিল, কিন্তু সূজাতার মুখ একেবারে কাগজের
মতই সাদা হইয়া গেল । সে বৌদিদির কাছে সরিয়া আসিয়া
কাতরকণ্ঠে কহিল, “ও দিদি, তুমি ওদের নেমে আসতে বল, সত্যি
আমার ভয়ে বুক কাঁপছে !”—

একটু হাসিয়া অনিল উঠিয়া পাহাড়ের দিকে গেল ; অজিত
ও আলবার্ট অনিলের দিকে দূরবীণ বাগাইয়া ধরিয়া হাসিতে
লাগিল, এবং একটু পরেই কাঠবিড়ালীর মতই স্বচ্ছন্দে পাহাড়
হইতে নামিয়া আসিতে লাগিল । সূজাতা রুক্মিণীসে তাহাদের
দিকে চাহিয়া রহিল ;—এবং বতকণে তাহারা ঠিক মাটিতে আসিয়া
না দাঁড়াইল, ততক্ষণ বৌদিদির আঁচল চাপিয়া ধরিয়া দাঁড়াইয়াই
রহিল ।

অজিত কাছে আসিতেই স্মৃতি কহিল,—“আচ্ছা অজিত, তুই এমন সর্বনেশে হয়ে উঠলি কেন বলতো? তোর কি ভয় নেই রে!”

আলবার্ট কহিল, “ভয় কি দিদিমণি? ও যে বাঙ্গলা দেশের মুখ উজ্জ্বল করবে প্রতিজ্ঞা করেছে; ওর ভয় করলে চলবে কেন?”—

“তোমার ভয় করেনা আলবার্ট?”

“আমি আইরিশ, আমার ভয় করতে নেই, দিদিমণি! আমাকে হয়তো যুদ্ধে গোলাগুলি খেয়েই মরতে হবে!” আলবার্ট তাহার দুই পকেটের মধ্যে হাত দুইখানি প্রবেশ করাইয়া দিয়া, সোজা হইয়া দাঁড়াইয়া মূহ মূহ হাসিতে লাগিল। স্মৃতি শিহরিয়া উঠিয়া অজিতের হাত চাপিয়া ধরিল এবং নিতান্ত অসহ্য ভাবে একবার চারিদিকে চকিত দৃষ্টিতে চাহিয়া দেখিল।

বৌদিদি কহিলেন, “ঘাট, ঘাট! অমন কথা বলতে নেই। লক্ষ্মী ভাইটী আমার।”

আলবার্ট একটু বিস্মিতভাবে বৌদিদির মুখের দিকে চাহিল, তারপর ধীরে ধীরে কহিল, “আমাকে যে একজন বড় জেনেরাল হতেই হবে দিদিমণি!”

বৌদিদি আলবার্টের গর্জিত মুখখানির দিকে কিছুক্ষণ চাহিয়া থাকিয়া পরম বিস্ময়ের সহিত কহিলেন, “ওমা, এতটুকু ছেলে বলে কি? এর এখনি এত সাহস! সাথে কি আর ওরা সাত সমুদ্রের নদী পার হয়ে এসে আমাদের এত বড় দেশটার উপর রাজত্ব করছে!”

নন্দন-পাহাড়

অজিত তাহার ক্ষুদ্র বহুটীর প্রশংসাবাণী শুনিয়া অত্যন্ত উৎফুল্ল হইয়া উঠিল। সূজাতার দিকে চাহিয়া কহিল, “শুনলি দিদি,— আর তুই তো তোর অজিতের বাগার ফিরতে পনের মিনিট দেবী হলেই একেবারে কেঁদে অস্থির হ’স্! আমরা যে এমন ভীক্, সে শুধু তোদের ঐ চোখের জলের জন্তে !”

“আচ্ছা, তুই থাম্, খুব পাকা পাকা কথা শিখেচিস্ কিন্তু। আর তুই অমন করে পাহাড়ে পর্বতে উঠতে পাবিনে।—যদি পড়ে যেতি।”—সূজাতার কণ্ঠস্বর আবার অশ্রুকণ্ঠ হইয়া আসিল।

“হাঁ, আমি এখনও ছোট্টগী আছি আর কি? বার বছরের সময় বাদল কি করেছিল জানিস্? আমি তো আর কদিন পরেই চৌক বছরে পড়ব।”

অজিত বিজ্ঞ ও বয়স্ক ব্যক্তির মত সুখশ্রী অত্যন্ত গন্তীর করিয়া প্রথমে সূজাতার তারপর বৌদিদির মুখের দিকে চাছিল। তাহার মুখের এই অত্যন্ত গন্তীর ভাবটা দেখিয়া সকলেই হাসিয়া উঠিল।

এই আনন্দের হাটের মধ্যে আমার কোনও যোগ ছিল না। ছুরে ২সিয়া ইহাদের কথা শুনিতেছিলাম। ঐ সংসার জ্ঞানানভিজ্ঞ শিশু—কি নিচিন্ত সৌন্দর্য্য লইয়াই বিশ্বসংসার উগার চোখের সম্মুখে ফুটিয়া উঠিতেছে! জীবন জালা নাট, নিরাশার দহন নাট, শুধু পরিপূর্ণ আনন্দের কল্পনা ও আয়োজন!

এই উকণ স্বন্দরগুলিই এই ঘাটীর পৃথিবীটারে ক নিচিন্ত ও বস্তু করিয়া তুলে;—আশা ও বিশ্বাসের নিশ্চল আশোকে প্রাবিত করিয়া দেয়!

এমন সময় মাঁথার চাকর জড়াইয়া অতুল আসিয়া উপস্থিত হইল।

“খালি পেটে এমন যে মধুর হরিণাম, তাও বেশীকণ করা যায় না। আর এতো পর্বতারোহণ ও বসন্তের স্ত্রীক রোঙ্গ-সেবন। আহারের ব্যবস্থা কি, ইন্দিরা দি?—এদিকে নাড়ী পর্যন্ত যে হজম হবে বাবার বোগাড়?”

অতুলের স্ত্রী টিপিয়া টিপিয়া হাসিতেছিল; অত্যন্ত মৃদুস্বরে কহিল, “এলেন দিখিকর করে। এখানে এই পাহাড়ের তলায় বিদে বললেই বুঝি খাবার পাওয়া যাবে?”

বৌদিদি মৃদুহাসিয়া, অতুলের স্ত্রীকে একটু ঠেলিয়া দিয়া কহিলেন, “তুই থান্নরে ফাজিল বৌ!” তারপর অতুলের দিকে কিরিয়া কহিলেন, “খাবার কিছু সঙ্গে নিয়ে এসেছি, অতুল। তোমরা সবাই-ই চলনা, কিছু খেয়ে নাও; তারপর পাক তো হুঁল বলে!”—

অজিত আনন্দে একেবারে লাকাইয়া উঠিয়া কহিল, “তা এতক্ষণ বলতে হয়, বৌদি! কিন্তু কোথায় রেখেচ তুমি সেগুলি? আমি তো একবার চালডালের পুটলিগুলি সব খুঁজে দেখে এসেছি, কই কোথায়ও তো কিছুটা পেলাম না!”

পরম মৃদুস্বরে অতুল কহিল, “সব কাজের তার বখন ইন্দিরা দি'র উপর দেওয়া হয়েছে, তখন কিছুই যে অভাব হবে না, ও আমি ঠিক জানুতাম!”—

শালপাতার উপর খাবার গুলি সাজাইয়া দিতে দিতে বৌদি

নন্দন-পাহাড়:

সুজাতা ও বিছাৎকে কহিলেন, “ওরে তোরা ছটীতে সবাইকে খাবার দিবে আয়না?” অজিত দিবার অপেক্ষা না রাখিয়া একটা ঠোঙ্গা তুলিয়া লইল। আলুবার্ট একখণ্ড পাথরের উপর বসিয়া সম্মুখের আর একখণ্ড প্রস্তরকে টেবিল করিয়া লইয়াছিল।

সুজাতা তাহার সেই অপূর্ব টেবিলটির উপর, খাবারের ঠোঙ্গা রাখিতেই অজিত বলিয়া উঠিল, “তুমি বাপু, বাঙ্গালী হয়ে গেছ, আর টেবিলের মায়া কেন?”—

আলুবার্ট হাসিয়া কহিল, “না, আমি আইরিশ, টেবিল ছাড়ব না; তবে আমি বাঙ্গলাকে ও বাঙ্গালীকে খুব ভালবাসি।”

“ঠিক কথা, যে আইরিশ, সে আইরিশই থাক, এবং যে বাঙ্গালী সে বাঙ্গালীই থাক।”—অতুল কথা বলিতে বলিতে পরিষ্কার ঘাসের উপরেই বসিয়া গেল এবং খাবারের ঠোঙ্গা টানিয়া লইয়া সেই দিকেই মনঃসংযোগ করিল।

বৌদিদি কহিলেন, “তুমি আসবেনা, ঠাকুরপো? বা না, তোরা কেউ ঠাকুরপোকে খাবারের পাতাটা দিবে আয়না?”

কিন্তু সুজাতা কি বিছাৎ :কেহই নড়িল না। বিছাৎ তাহার আরক্ত গুষ্ঠপুট, দাঁতে ঈষৎ চাপিয়া একবার অপাঙ্গে আনার দিকে চাহিল; সুজাতা কোনও দিকে না চাহিয়া বৌদিদির পাশে বসিয়া পড়িয়া শালের পাতার উপর খাবার সাজাইতে ব্যস্ত হইয়া উঠিল। অতুলের স্ত্রী মৃহ মৃহ হাসিতেছিল, “ওসব কিছু ওদের দিবে হবে না; ঠাকুরাণী; তুমি নিজেই দিবে এস না?”

তখন বৌদিদি খাবারের পাতাটা তুলিয়া লইতেই আমি কহি-

লাম, "ওর চেয়ে আর এক গেলাস সবৎ আমাকে দাও না, বৌদিদি ; খাবার খেতে ইচ্ছাটা বড় নেই।"—

"আচ্ছা খাবারও খাও, সবৎও দিচ্ছি !"

অজিত তাহার খাবারগুলি নিঃশেষ করিয়া গাভীর মুখে বলিয়া উঠিল, "আমারও খাবার খেতে ইচ্ছে নেই, সবৎই খাব।"—

সকলেই হাসিয়া উঠিল !

সেইদিন সন্ধ্যার অনেক পরে আমাদের গাড়ী মহুর গতিতে, উন্মুক্ত প্রান্তরের মধ্য দিয়া, সবুজ ক্ষেত্রের পার্শ্ব দিয়া দেওবরে প্রবেশ করিল।

ঠিক আমার সম্মুখের আসনেই সূজাতা ও বৌদিদি বসিয়া ছিলেন। গাড়ীর কোণের অন্ধকারের মধ্যে মাথাটা রাখিয়া সূজাতাকে দেখিতেছিলাম।

খোলা জানেলার পথে চাঁদের আলো তাহার অনাবৃত মুখের উপর আসিয়া পড়িতেছিল। বাতাস তাহার অধস্তবিগ্রহ চুলের রাশি উড়াইয়া কর্ণভূষণ ছলাইয়া, কেশভৈলের স্নিগ্ধ বকুলগন্ধ বহন করিয়া আনিয়া মুখে চোখে মৃদল স্পর্শ দিয়া ঘাইতেছিল।

এই অত্যন্ত সঙ্কীর্ণ স্থানটুকুর মধ্যে কতবার তাহার অঞ্চলের মৃদস্পর্শ আমাকে পুনর্কিত করিয়া তুলিয়াছে, কতবার তাহার অস্ত চকিত দৃষ্টি আমার মুখের দিকে মুহূর্তের জন্য উৎসারিত হইয়াছে।

সেই অদ্ভুত চক্ষু দুইটির নিবিড় দৃষ্টি কি শান্ত, কি অশান্ত ! বিশ্বের সমস্ত রহস্যের বিপুল ইতিহাসজী যেন ঐ দৃষ্টির মধ্যেই লুক্কায়িত রহিয়াছে।

নন্দন-পাহাড়

করুলদের 'গাড়ী' বম্পাস্ টাউনের দিকে চলিয়া গেল। পথে একবার গাড়ী রাখিয়া আলবার্টকে তাহার কুঠিতে পৌছাইয়া দিলাম।

বাসার আসিয়া দেখিলাম রমাশ্রমসন্নবাবু কলিকাতা হইতে ফিরিয়া আসিয়াছেন।

১৮

পরদিন ভোরের দিকে ঘুম ভাঙ্গিয়া গেল; একটা অত্যন্ত বিস্তীর্ণ অবসাদ ও তিক্ততার সমস্ত মনটা ভরিয়া উঠিয়াছিল। রাত্রিতে স্ননিদ্রা তো হয়ই নাই, শুধু এই কথাই বার বার মনে হইয়াছে, যে, এ কোন্ গ্রহ আমার ভাগ্যাকাশে দেখা দিল! ইহার প্রথম আকর্ষণে, আমার সুখ দুঃখের যে খারাটা আপনা হইতেই গড়িয়া উঠিতেছিল, তাহার মধ্যে কতখানি বিপর্যয় ও বিশৃঙ্খলা দেখা দিবে? এবং কোন্ মন্ডলেই বা ইহার তুষ্টিসাধন করিয়া আমার দৈনন্দিন জীবনের সুখ দুঃখের, জয় পরাজয়ের মধ্যে ফিরিয়া যাইতে পারিব?

—হারেরে মাহুঘের মন! কত অল্প আঘাতেই এ মন বিচলিত হইয়া উঠিতে পারে! দারুণ সংঘাতে এই মনই আবার কোথা হইতে বিপুল শক্তি সংগ্রহ করে! এর বহু বিচিত্রতার মধ্যে নির্দিষ্ট দিন কত ভাগ্যগড়াই চলিতেছে!—এরঃহাসি কান্নার চূর্ণপান্না দিয়া মাহুঘের জীবনেতিহাসের প্রত্যেক পাতাটী সাজানো রহিয়াছে! এ যে কখন ভাঙ্গিয়া পড়িতে, চাপ, আবার কখন বজ্র-তুল্য কঠিন হইয়া উঠে, সে রহস্যের নীমাংসা চিরদিনই ত দুঃখের

নন্দন-পাঁহাড়

বহিয়া গেল ! ওরে, এমনি মানুষের অন্তহীন সাহস সে এই মন
নিয়াও আবার খেলা করিতে চায় ! এ যে আশুগ্ন নিয়া খেলার
চেয়েও কত ভীষণ ও সর্বনাশকর, তাহা সে একবারও তো হিসাব
করিয়া দেখে না !

একটা তুচ্ছ চোখের চাহনির বিশ্লেষণ লইয়াও যে প্রকাণ্ড
একটা রাত্রি এত উদ্বেগের মধ্যে কাটিয়া যাইতে পারে, এ কথাটা
বহিতে পড়িলেও এই দিনের পূর্বে বিশ্বাস করিতে পারি নাই ।
মনে করিতাম, ওটা শুধু কবিরই কল্পনা ও অতিরঞ্জন ! কিন্তু এ
তুচ্ছতম কথাটাও যে এমন করিয়া আমার কাছে সত্য হইয়া উঠিবে,
তাহা জানিতাম না !

তবু যদি ঐ খানটাতেই ও ব্যাপারের সব শেষ হইয়া যাইত !
কিন্তু সংসারের সব ব্যাপারেই দেখা যায়, ঠিক তেমনটাই হয় না !
ওর শুধু কি এইই কারণ, যে, অলক্ষ্যে যে দেবতাটা বাস করেন,
তিনি ন মানুষের স্বপ্ন লইয়া খেলা করিতে ভাল ক্লমেন ; এবং সেই
খেলার মধ্য দিয়াই মানুষকে জানাইয়া দেন, যে, সে কতখানি
কাঙ্গাল, কতখানি তুচ্ছ !

অসম্ভবকে সম্ভব করিয়া গড়িয়া তোলার নালিকও তিনি ;
আবার মানুষ বাহা অন্ধগর্বে ভুর্ভেগ করিয়া তুলিয়াছে, তাহাকে
ব্যর্থ, নগণ্য করিয়া দেওয়ার কর্তাও তিনি ।

তবু কি মানুষ তাহা বুঝিতে চায় ! সে নিজেকে বড় করিয়া
তুলিয়া তুলিয়া, কবে যে ভাঙ্গিয়া পড়িয়া পথের ধুলার মিশাইয়া
যায়, তাহাও জানিতে পারে না !

নন্দন-পাহাড়

ছয়টি মূর্তি করাঘাত শুনিয়া হঠাৎ মনে হইল, এ যেন সেই অলঙ্কার দেবতারই আহ্বানসঙ্কেত ! মানুষ তাহার নিত্যকার হাসি-কারার মধ্যে, খেলা ধুলার মধ্যে যাহার আগমন সংবাদ স্বপ্নেও মনে করে নাই, নিঃশেষ আকাশ হইতে বজ্রপাতের মতই, মধ্যে মধ্যে এই নিঃস্বপ্ন নিষ্ঠুর অপ্রত্যাশিতকে তিনি হঠাৎ আনিয়া পৌছাইয়া দিয়া যান ! মাঝে মাঝে একটা সর্ব বিধ্বংসী ভূকম্প আসিয়া যেন নদ-নদীর চিরন্তন গতিকে পরিবর্তিত করিয়া দিয়া যার, অথবা সেই শস্ত্র শ্রামল কুলপ্লাবিনী নদীর ধারাটিকে মুছিয়া দিয়া যার ; খাতটিকেও চিহ্নহীন করিয়া দিয়া পলকের মধ্যে সেই অস্তহীন রহস্তের ক্রোড়ে ফিরিয়া যার, এও তেমনিই আসিয়া পড়িয়া নিমিষের মধ্যে দারুণ হাহাকার জাগাইয়া দিয়া চলিয়া যার !

“ঠাকুরপো কি উঠেচ ?—একবার এদিকে আসতে হবে,”—
তাড়াতাড়ি উঠিয়া আসিয়া ছয়টি খুলিয়া দিলাম। “কি বোদি ?”—

“আমি আরো ছয়টি এসে ফিরে গেছি, ঠাকুরপো ! অজিতের, যে খুব বেশী জর হয়ে পড়ল !—বাবা তোমাকে ডাকতে বললেন !”

হ্যাঁ, ঠিক এমনি একটা কিছু আমি আশঙ্কা করিতেছিলাম। কথাটা শুনিয়া বুকের ভিতরটা একবার কাঁপিয়া উঠিল !

জীবনে এমন অনেক ব্যাপার ঘটে, যে গুলি সূচনাতেই জানাইয়া দেয়, যে সহজে ঘটনা যাইবার জন্ত তাহারা আত্মপ্রকাশ করে নাই ! তাহারা অনেক দুঃখ দিবার জন্ত, এবং অনেকখানি কাড়িয়া লইবার জন্তই আসিয়াছে।

—“কাল অত পাহাড়ে রোদ্ লেগেচে ; আজ ছেলে এমন হয়ে পড়ল ; মোটেই আমার ভাল লাগ্‌চেনা, ঠাকুরপো ! এ জর যে সহজে যাবে এ তো একবারটাও মনে হচ্ছেনা ! মা মঙ্গলচণ্ডী, বাছাকে ভাল করে দাও ;—বাবা বৈষ্ণনাথের পারের কাছে এসে—দূর ছাই,—কি যে মাথামুণ্ড বকে যাচ্ছি ! আর এত ছাইভয়ও মনে আসে !—”

হাররে, এ যে আমার মনেরই সেই কথা ;—সকলের বৃকের মধ্যেই ধরা পড়িয়া গিয়াছে !

বৌদিদি একবার একটু হাসিবার চেষ্টা করিয়া আমার মুখের দিকে চাহিলেন । কিন্তু তাহার দুই চোখের জল যে ছাপাইয়া নামিয়া আসিতে চাহিতেছে, তাহা বোধ করা তাহার সাধ্য ছিল না ।

একটা কিছু যেন বৃকের কাছে ঠেলিয়া উঠিতেছিল ; কোনও মতে শুককণ্ঠে কহিলাম,—

“তুমি কি ফেপলে বৌদি ? জর হয়েচে, সেরে যাবে ; এত ভয় পেলে চলবে কেন ?”—কিন্তু বৃকের ভিতরে ভিতরে কে যেন মৃদু শিহরিয়া উঠিতেছিল, এবং জানাইয়া দিতেছিল, এর মধ্যে উপেক্ষা করিবার কিছু তো নাই-ই ; নিজের মনকে যুক্তি তর্ক দ্বারা ভুলাইবারও কিছু নাই ।

—“তুমি চল, একবার তাকে দেখে এস ; তারপর বা’ হয় ব্যবস্থা কর ! স্মৃজাতা তো একেবারে কেঁদেই আকুল হয়ে উঠেচে,—”

নন্দন-পাঠাড

সুজাতার ঘরে অজিত শুইয়া রহিয়াছে। শিয়রের কাছে রমাশ্রমণ বাবু; পার্শ্বে সুজাতা। আমি ঘরের মধ্যে বাইতেই সুজাতা উঠিয়া বৌদিদির কাছে আসিয়া তাঁহার আঁচল চাপিয়া ধরিয়া দাঁড়াইল। কাঁদিয়া কাঁদিয়া তাহার দুই চক্ষু ফুলিয়াছে; অশ্রু সজল দুই চোখের দৃষ্টি সে একবার আমার মুখের দিকে তুলিয়া ধরিয়া বেন জানাইয়া দিল, “এবার তোমারই হাতে আমার অজিতকে তুলে দিচ্ছি, ওগো, ওকে আরাম করে দাও,—সুস্থ করে দাও!”—

রমাশ্রমণ বাবু ধীরে ধীরে কহিলেন, “এ পাগলিকে নিয়ে তো বড়ই মুস্থিলে পড়ে গেলাম, বাবা! আমার মা লক্ষ্মী তো ওকে প্রবোধ দিতে ঘেয়ে হা’র মেনেচেন্; ও সেই শেষ রাত্রি থেকে কেবলি তোমাকে ডেকে আনবার জন্ত বন্ডে, কালকার সমস্ত দিনের কষ্টের পর একটু বিশ্রাম কর্চ বলে, আমি আর ডাক্তরে দিই নি, তবু কি শোনে, দু’তিন বার মা লক্ষ্মীকে পাঠিয়েচে; এখন তুমি একবারটা ওকে বেশ করে দেখ;—তারপর যা হয় কর; আমি তো এর জরের সূচনাটাই ভাল দেখ্‌চিনে, বাবা!”

আমার কেবলই মনে হইতে লাগিল, সুজাতা এতখানি নির্ভর কোথা হইতে পাইল, যে, বিপদের সূচনাতেই শুধু আমাকেই বার বার তাহার মনে পড়িয়াছে!

আমার বুকের ভিতরটা নিংড়াইয়া সমস্তখানি বেহপ্ৰীতি ঐ রালিকার দিকেই অগ্রসর হইয়া বাইতে চাহিতেছিল; এবং তাহাকে এই কথাটাই বারংবার জানাইয়া দিতে ইচ্ছা হইতেছিল,

‘যে, মানুষের শক্তির তুচ্ছতার তো একেবারেই সীমা নাই, কিন্তু শেষ রক্তবিন্দু দিলেও যদি ঐ বালককে এতটুকুও আরাম দেওয়া যায়, তাহাতেও আমি কুণ্ঠিত হইব না !

কিন্তু মানুষের গর্বেরও যে সীমা নাই তাহা তো তখন তেমন করিয়া মনে করি নাহ !

ছনিয়ার সমস্ত বন্ধন, সকল স্নেহের আকর্ষণ দুই হাতে ছিন্ন করিয়া দিয়া যে চলিয়া যায়, সে হটক না এতটুকু শিশু, তবু তাহার বিদায়-মুহূর্তের কাকুতি, তাহার বেদনার পরিমাণ, তাহার রোগ যন্ত্রণার অসীম বিস্তার তাহারই শিররে বসিয়া তাহারই মুখের উপর বুকিয়া পড়িয়া, তাহাকে বাহু বেষ্টনীর মধ্যে টানিয়া রাখিয়া, এতটুকুও কি উপশম করিয়া দেওয়া যায় ? ওরে, অশ্রু ঢালিয়া যদি ক্ষুদ্র শিশুর ওষ্ঠপুটের এতটুকুও কাকুতি কমানো যাইত।—প্রাণ দিয়াও, যদি কোলের শিশুকে ফিরাইয়া আনা যাইত !

কিন্তু তা’ কি হয় ?—বলিতে পার, বিশ্বের মালিক কোথায় বসিয়া এ দৃশ্য প্রত্যক্ষ করেন ?

কিন্তু এ হইল কি ? কেমন করিয়া সকলের হৃদয়েই একযোগে অমঙ্গল আশঙ্কা কেমন করিয়া জাগিয়া উঠে !—

একটু জোর করিয়াই সমস্ত অবসাদ ঠেলিয়া ফেলিয়া দিয়া দৃঢ় স্বরে কহিলাম, “বাঃ আপনারা এত ব্যস্ত হছেন কেন ? কাল একটু অত্যাচার বেশী পড়েচে, তাই হঠাৎ এ জ্বরটা এসেচে, ও ভয় করবার কিছু নেই—”কিন্তু অজিতের দিকে চাহিতেই আম’র বুকটা একেবারেই দমিয়া গেল; এবং অজিত যখন তাহার দুই রক্তচক্ষু

মঙ্গল-পাহাড়

বেলিয়া আমার মুখের দিকে শূন্য দৃষ্টিতে চাহিল, তখন আর আমার এতটুকুও সাহস রহিল না।

জন হাতটা বাড়াইয়া দিয়া অজিত অস্পষ্ট কণ্ঠে কহিল, “দাদা-যাবু, আমার দূরবীণটা ?—” সুজাতা তাড়াতাড়ি ড্রয়ারের ভিতর হইতে দূরবীণটা বাহির করিয়া লইয়া আসিয়া কহিল, “ও অজি, এই যে তোমার দূরবীণ,”—কিন্তু অজিত যখন দূরবীণ লইবার জন্ত হাত বাড়াইয়া দিল না এবং ঘরের দেওয়ালের দিকে ছই চক্ষুর দৃষ্টি ফিরাইয়া লইল ; তখন বিছানার পাশে দূরবীণ ফেলিয়া দিয়া সুজাতা ঘর হইতে বাহির হইয়া গেল।

অজিত আর একবার চক্ষু চাহিল ; বোধ হইল যেন কাহাকে খুঁজিতেছে,—তারপর একটু হাসিবার চেষ্টা করিয়া কহিল, “বৌদি, খাবার চাইনে, আমি সববৎই খাব !”—

কিন্তু তাহার হাসিবার চেষ্টা ব্যর্থ হইয়া গেল ; এবং তনুহুর্ন্তেই; এই কথা বলিবার জন্ত একটু বেনী শ্রম হইল বলিয়াই হউক, অথবা যে কারণেই হউক, অজিতের ছই হাতের মুঠি শক্ত হইয়া আসিল;—চক্ষুর তারকা উর্দ্ধে উঠিয়া গেল। বৌদিদি চীৎকার করিয়া বলিয়া উঠিলেন, “তবে অজি যে কেমন হয়ে পড়ল !” সুজাতা ছুটিয়া আসিয়া অজিতের মুখের উপর পড়িয়া ডাকিল, “ও অজি, অজি !—

বৌদিদি বিছানার উপর বসিয়া পড়িয়া ছই হাতে অজিতকে টানিয়া কোলের মধ্যে আনিলেন।

“নাঃ তোমরা দেখ্‌চি সব মাটা করবে। দেখ্‌চনা ওর ফিট্‌ হচ্ছে, জল আন, বৌদি ;—জল আন !”—

বৌদিদি উঠিয়া জল আনিলেন এবং অজিতের চোখে মুখে-
ঝাপটা দিতে লাগিলেন ।

আমি সূজাতার হাত ধরিয়া টানিয়া তাহাকে সরাইয়া দিয়া
কহিলাম, “অমন অস্থির হলে চলবে না, সূজাতা, যদি কেঁদে ওকে
ভয় দাও, ও ঘরে তোমাকে রেখে আস্ব !”—

সূজাতা চকিত দৃষ্টিতে আমার মুখের দিকে চাহিয়া কহিল,
“আচ্ছা, আমি গোল করব না, কাঁদব না ; শুধু অজির শিররে চূপ
করে বসে থাকব ;—তা’ আমাকে থাকতে দেবেন ত ?”—

“হাঁ, তা’ দেব,—” এই এক মুহূর্তে,—এবং অত্যন্ত বিপদের
মুহূর্তে,—যখন মানুষ সব চেয়ে নির্ভরের স্থানটাকে আঁকড়িয়া ধরিতে
চাহে,—ঠিক তখন আমি এই একমাত্র ভাইয়ের রোগশয্যাপার্শ্বে
বোনকে বসিতে দেওয়া না দেওয়ার কর্তৃত্ব কেমন করিয়া যে এত
অনারাসে গ্রহণ করিলাম, তাহা মনে করিয়া এত উদ্বেগের মধ্যেও
আমার বিস্ময়ের সীমা রহিল না । সূজাতাও ঠিক এমনি একদিন
বৌদিদির পীড়ার সময়ে সেবার কর্তৃত্ব গ্রহণ করিয়াছিল ।

কিছু মানুষ যে কতই স্বার্থপর তাহা ভাবিয়া আমি অবাক হইয়া
যাই ! সূজাতার উপর যে এতখানি জোর খাটাইতে পারিতেছি,
এমন সহজভাবে তাহাকে সঙ্ঘোধন করিতে পারিতেছি,—সেটা
যদিও এতখানি বিপদের মুহূর্ত মধ্যে,—তবুও একটা মূহ
পুলকানুভূতি যে ভিতরে ভিতরে কাঁটা দিয়া উঠিতেছিল, তাহা
মনে করিয়া নিজেই কাঁদেও লজ্জিত হইয়া উঠিতেছিলাম ।

চিকিৎসা ও সেবা শুশ্রূষার সমস্ত বন্দোবস্ত ঠিক করিয়া দিয়া

নন্দন-পাহাড়

যখন বারান্দার উপর আসিয়া দাঁড়াইলাম, তখন বাহিরে চৈত্বের
প্রথর রৌদ্র তীক্ষ্ণ ছুরিকার মতই শাণিত হইয়া উঠিয়াছে !

দূরে ভিগরিয়া পাহাড়ের শ্রামল শ্রীর মধ্য দিয়া তাহার প্রস্তর
রাশির ধূসর বর্ণ, প্রথর দিবালোকে অভিনেতার রাজবেশের অন্তরাল
দিয়া তাহার বিপুল দৈন্তের মতই, ফুটিয়া বাহির হইতেছিল !

সহরের দিক্ হইতে মিশ্র কন্ঠ-কোলাহল ভাসিয়া আসিতেছে ;
পথের উপর দিয়া ছিন্ন মলিন বসন ভিক্ষুক সুর তুলিয়া বাঁশী
বাজাইতে বাজাইতে চলিয়াছে ! তাহার ক্লাস্তিও নাই, সুরের
পরিসমাপ্তিও নাই !—এ যেন বিশ্বের গোপন বেদনার চিরন্তন
কাহিনীটী, বাঁশীর সুরে আত্ম-প্রকাশ করিতেছে ! অনাদিকাল
হইতে ঐ ভিক্ষুক মাটির পৃথিবীর বুকের উপর দিয়া তাহার বাঁশী
বাজাইয়া ফিরিতেছে ! কেহ উহাকে আদর করে নাই ; কখনও
কাছে ডাকে নাই । তবুও সেই বেদনার স্রবটীকে চিরকাল
জাগাইয়া রাখিয়াছে ; এবং যখন যাহাকে ইচ্ছা সেই সুর শুনাই-
তেছে !—

আজ নন্দন পাহাড়ের পাদদেশের এই রৌদ্র তপ্ত বাড়ীটাকে বেষ্টন
করিয়া উহার করুণ বেদনার সুর বাজিয়া উঠিয়াছে ; সমস্ত অন্তরটা
পীড়িত করিয়া তাহারই নিষ্ঠুর রেশ শিহরিয়া উঠিতেছিল !—

এ কোন্ দারুণ নিশ্চয় ছন্দ ?—এ কোন্ করুণ গাঁতিনাটোর
বেদনাপূর্ণ অভিনয় ?—

—ওগো, মর্ন্ততন্ত্রীর সহিত এই সুরের যোগকে কেমন করিয়া
অস্বীকার করিব ?—মুছিয়া চিহ্ন হীন করিয়া দিব ?

জীবনটাই একটা স্মৃতির বিরাট স্তূপ! ইহার মধ্যে অমর, অক্ষয় অশোকের স্তম্ভ আছে; মর্মর স্বপ্ন তাল-মহালও আছে! আবার অতীত গৌরবের বিধ্বস্ত নিদর্শন হস্তিনানগরীর ধ্বংসাবশেষও আছে। একটু খুঁড়িয়া, একটু খুঁজিয়া দেখিলেই হাহাকারে পরিপূর্ণ শোকের নির্মম আঘাতে স্তম্ভিত, ধ্বংসের উদাম লীলার বিধ্বস্ত, সহস্র পম্পেই চিন্তা স্তম্ভের নিম্নে প্রোথিত দেখা যাইবে!

এ একটা প্রকাণ্ড বিরোগাস্ত নাটকের মতই, বহু বিচিত্রতার মধ্য দিয়া দিনের পর দিন অভিনীত হইয়া যাইতেছে; নিপুণ তুলিকার হাসি কান্নার চিত্র কুটিয়া উঠিয়াছে! মেঘের পাশে রৌদ্রের মতই এর সুখের ও দুঃখের দিনগুলি পাশাপাশি সাজানো রহিয়াছে! কখন যে সকল রস ভঙ্গ করিয়া দিয়া, বিপুল রূপৈশ্বর্যের অন্তরাল হইতে ক্ষুধিত ককালের মতই, সুখের হাসির মধ্য দিয়া দুঃখের অশ্রু অতর্কিতে বাহির হইয়া আইসে, এবং ধ্বংস লীলার বিশ্বকে চকিত, সঙ্গুল করিয়া তুলে, তাহা মুহূর্ত পূর্বেও ঘূর্ণাকরেও বুঝা যায় না।

এমনটা যে কেন হয়, মানুষ বহু বিতর্কের মধ্য দিয়াও তাে তাহার মীমাংসা খুঁজিয়া পায় না! এই যে হাসি কান্না, এর কি কোনও মূল্যই নাই? এই যে অতর্কিত, নিষ্ঠুর আঘাত, এই যে মর্মান্তিক হাহাকার, এগুলি কি কিছুই নহে! ইহার আরম্ভ ও শেষ কি শুধু এখানেই?

নাথার উপরকার উন্মুক্ত আকাশে অগণ্য নক্ষত্ররাজি দেখা

বন্দন-পাহাড়

বাইতেছিল; তাহারা উন্মুখ দৃষ্টিতে বেন আমারই মুখের দিকে
চাহিয়া রহিয়াছে!

সৃষ্টির আদি বেলা হইতেই উহারা যে অমনি করিয়া চাহিয়া
রহিয়াছে,—কেন? মাটির পৃথিবীটার বাহিরে এই যে বিপুল,
বিচিত্র, অনন্ত রহস্যধার বিশ্ব রহিয়াছে, উহার সঠিত কি মানুষের
যোগ নাই? শুধুই কি মানুষকে একটু তৃপ্তি দিবার জন্ত, তাহার
বিশ্বর পুলকিত দৃষ্টিকে নন্দিত করিবার জন্ত, উহারা অনাদিকাল
ঐ উন্মুখ দৃষ্টিতে চাহিয়া রহিয়াছে।

কিন্তু ঐ নন্দন লোকের ওপারেও যে মানুষের অপরি-তৃপ্ত
আকাঙ্ক্ষা অন্ধ আবেগে ছুটিয়াছে;—ওর সঙ্গে একটা নিবিড় পরি-
চয় স্থাপন করিবার জন্তও যে মানুষ অন্তরে অন্তরে কতখানি লুক,
স্কন্ধ হইয়া উঠে।

এর কোনোটাকেই তো অস্বীকার করা চলে না, মিথ্যা বলা
যায় না!

কিন্তু এই লুকতার ও আকাঙ্ক্ষার পরিতৃপ্তির পথ কোথায়?—
সে মীমাংসা কি মরণের মধোই গুঁজিয়া পাওয়া যায়? তবে কি
মরণ জীবনেরই আরম্ভ মাত্র? তাই কি এই অতিথিটা জীবন
নাট্যের অভিনয়ের যে কোনও অংশে অরসিকের মতই এমন করিয়া
চর্চাৎ আসিয়া পড়িয়া জানাইয়া দেয়, “ওরে মুগ্ধ, ওরে ভ্রান্ত, তোর
জীবনের পূর্ণতা এই মাটির পৃথিবীরই বাহিরে! একে তুচ্ছ করিয়া,
এর সমস্ত বাধা বন্ধন কাটাই তুই ঐ বিরাটকে লাভ করিতে পারিস্,
—এবং তোর সকল আকাঙ্ক্ষার সমাধান কুরিতে পারিস্!”—

আজ অজিতের দিকে চাহিয়া চাহিয়া কেবলি মনে হইতেছিল, একটা পরিপূর্ণ আনন্দস্রোত বহিয়া চলিয়াছিল, কে তাহার উৎস মুখ এমন করিয়া রুদ্ধ করিয়া দিতে চাহিতেছে ?

ওরে, সে কতখানি অকরণ, কতখানি নিষ্ঠুর !

আবার তখনি মনে হইতেছিল, তা' কি হয় ?—যে এমন করিয়া জীবন হরণ করিতে পারে, সে কি নিষ্ঠুর ? করুণা পারাবার না হইলে তো এমন নিষ্ঠুরতা সাজে না !

নদীর কুল ভাগে, আর এক কুল গড়িয়া উঠিবার জন্তই ! আজ যে ভাগিয়া পড়িতেছে, কাল সে কোথায়, কতখানি সৌন্দর্য লইয়া গড়িয়া উঠিবে,—অন্ধ মানুষ তাহা কেমন করিয়া বুঝিবে ?—

কিন্তু, ওরে, তবু কি মন বুঝিতে চায় ? যিনি ভাঙ্গা গড়ার মালিক, তিনি এমন করিয়া কান্নার সুরে সুরে বুকের ভিতরটা আচ্ছন্ন করিয়া রাখিয়াছেন কেন ?

—তুই চক্ষু ভরিয়া জল আসিতেছিল, কিন্তু তখনই তাহাদের মনে পড়িল, যাহারা অন্তহীন হৃৎকের সমুদ্র বুকের মধ্যে লইয়া, নীরবে অজিতের শয্যাপার্শ্বে বসিয়া রহিয়াছে ! রাত্রির অন্ধকার আসিয়া কখন দিনের আলো নিভাইয়া দিতেছে সে খবরও তাহারা আজ সাতদিন রাখে না, আবার কখন প্রভাতের স্নিগ্ধ অরণ জাগিয়া উঠিয়া চরাচরকে আলোকস্নাত করিয়া দিতেছে, সে সংবাদও তাহাদের নিকট পৌঁছে না !

এমন শোকের চিত্র আর কখনও দেখিয়াছি মনে হয় না ! শোক তখনি অত্যন্ত ভীষণ, বখন সে বাহিরে আত্মপ্রকাশ করে না,

নন্দন-পাহাড়

তুধু হুই চক্কের অভাগ্রা আলা রহিয়া রহিয়া জানাইয়া দেয়, কোথাক
অন্তরে অন্তরে অগ্নিসমুদ্র গুমরিতেছে !'

বৌদিদি নিঃশব্দে কখন আসিয়া পার্শ্বে দাঁড়াইয়াছেন, জানিতে
পারি নাই ! স্নেহাশীষের মতই মাথার উপর তাঁহার কোমল হস্তের
বৃহস্পর্শ আমাকে জানাইয়া দিল, যে, এই বাড়ীটার মধ্যে আজ যে
করতী প্রাণী আছে, তাহাদের প্রত্যেকের উপরই তাঁহার অত্যন্ত
সতর্ক দৃষ্টি রহিয়াছে !

বৌদিদির মুখের দিকে চাহিয়া বলিলাম, “কি,—বৌদি ?”—

“কিছু নয়, ঠাকুরপো ! এই ঝোলা বারান্দার উপর এমন করে
বসে থাকলে আর কি হবে বল ? অজিতের কাছে বসবে চল !
দেখ যদি কিছু করতে পার ! এ সাত দিন সাত রাত্রি ‘ওর ঘর
ছাড়নি’, আজ বাইরে এসে বসে রইলে, ওর বাপ্ বোন্ আরও
অস্থির হয়ে উঠবে যে !”

শুককণ্ঠে কহিলাম, “ডাক্তার কি বলে গেছেন, জান ?”

—“জানি ;—কি করবে বল ? মানুষের চেষ্টার যদি কোনো
মূল্য থাকত, তাহ’লে অবিশ্রি ফল পেতে ;—কিন্তু তা যে কতই
কুফল, এ করদিনের প্রাণপণ চেষ্টার পর তা’হুবৃত্তে তো আর বাকী
নেই, বিদু !—এখন ওঠ !”

কিন্তু উঠিবার শক্তি সত্যই আর একবিদুও ছিল না ! ভিতরে
যাইয়া ত আবারও ঐ দারুণ শোকের ছবি দেখিতে হইবে !

দূরে ধূসর ছায়ার আবৃত নন্দন-পাহাড়টা দেখা বাইতেছিল ;
যেন একটা বিপুলকার দৈত্য সমস্ত দিনের পরিশ্রমের পর এইমাত্র

ঘুমাইয়া পড়িয়াছে এবং তাহার নিঃশ্বাসের শব্দ বাতাসের সঙ্গে
ভাসিয়া আসিয়া আমারই কাণের কাছে তাহার আশ্রয় জানাইয়া
যাইতেছে !

কিছুক্ষণ চুপ করিয়া থাকিয়া বৌদিদি স্নেহপূর্ণ মৃদুকণ্ঠে
ডাকিলেন, “ঠাকুরপো !”

বৌদিদির এই স্বরের আহ্বানটিকে আমি বিশেষ করিয়া চিনি-
তাম ; সুতরাং এতটু চকিত দৃষ্টিতে তাহার মুখের দিকে চাহিয়া
দেখিলাম !

—চক্ষু দুইটী সত্যই জলে ভরিয়া গিয়াছে ; এবং ক্ষুদ্র অধরপুট
দাঁতে চাপিয়া ধরিয়া তিনি যে কান্নার বেগটাকে রোধ করিবার
জন্যই প্রাণপণে চেষ্টা করিতেছেন, তাহা, একবার মুখের দিকে
চাহিয়াই, বেশ বুঝিতে পারিলাম !

“সর্বনাশ যে কর্তাদিক্ থেকেই ঘিরে এসেচে তা’ তুমিও ঠিক
জান না ঠাকুরপো ! কিন্তু আজ ঠিক এমন একটা মুহূর্তে এসে
দাঁড়িয়েছি, যখন তোমাকে আর সকল কথা না জানিয়ে
পারতিনে !”

আমি বুঝিতেই পারিলাম না, মাথার উপর বিধাতার যে নিষ্ঠুর
খড়গ উত্তত হইয়া রাখিয়াছে, তাহার সঙ্গে সর্বনাশকর এমন আর
কোন ব্যাপার যুক্ত হইতে পারে তাহার কথা মনে করিয়া বৌদিদির
স্বত অত্যন্ত বুদ্ধিশালিনী নারীও স্তম্ভিত হইতেছেন না ! তবে
ব্যাপারটা যে নিশ্চরিত দাপকার কিছু নহে এবং অত্যন্ত গুরুতর
তাহা আমার বুঝিতে বাকী রহিল না ।

নন্দন-পাহাড়

“যিনি সকল ব্যাপারকে এমন করে জড়িয়ে জটিল করে তুলছেন, তিনি বেশী কথা বলবার অবসর তো রাখেননি, ঠাকুরপো! তাই আজ এত বড় দর্শনাশের সামনে দাঁড়িয়েও, যে কথাটাকে তোমার কাছে না বলে পার্চিনে, সে কথাটা কত বড়ই যে সাংঘাতিক, তা’ তুমি এতেই বুঝে, মনটা একটু ঠিক করতে পারবে কিনা, বল!”—

বৌদিদি এই পর্যন্ত বলিয়াই একেবারেই চুপ করিয়া গেলেন। এত দুঃখেও হাসি আসিতেছিল; বৌদিদির মুখের দিকে চাহিয়া কহিলাম, “যে কথাটা তুমি নিজেই মনের ভিতর রেখে আমার কাছে দাঁড়িয়ে আমাকে প্রস্তুত কর্তে চাচ্ছ, তা’ যতটাই শক্ত হোক না কেন, আমি ঠিক সহ কর্তে পারব। তুমি বল, বৌদি。”— কিছু মানুষ যত বড়ই প্রতিজ্ঞা করুক না কেন, সে প্রতিজ্ঞা করিবার সময়ে কখনই মনে করে না, যে, তাহার কথা শেষ হইতে না হইতেই, তাহার মাথার অকারণে এবং অত্যন্ত অপ্রত্যাশিতরূপে একটা দারুণ বজ্রাঘাত বা অমনি একটা কিছু হইবে, তাই বৌদিদি যখন তাঁহার দুই হাতের মধ্যে লুপ্তিত অঞ্চলের প্রান্তভাগটা তুলিয়া লইয়া, মুঠা করিয়া ধরিয়া,—ধীরে ধীরে কহিলেন, “ঠাকুরপো,— উনি স্নজাতার সঙ্গে অনিলের বিয়ে ঠিক করে পাকা কথা দিলে এসেচেন;—কল্কাতার অভুলদের বাগায় গিয়ে মামীমার সঙ্গে এ সব কথাবার্তা হয়েছে!”—তখন আমার মনে হইল ঠিক আমার মাথার উপরকার আকাশটা অনেকখানি ফাঁক হইয়া গিয়াছে, এবং তাহার ভিতর হইতে একখানা বিপুল বলশালী,

নিষ্ঠুর, অদৃশ্য হস্ত বাহির হইয়া আসিয়া আমাকে ধরিয়া সৰ্বলৈ একটা নাড়া দিয়া আমার সকল আশা, আনন্দ চিত্তহীন করিয়া মুছিয়া দিয়া গেল, এবং ভিতরে ভিতরে শক্তিমান্ বলিয়া যে দর্পটুকু ছিল তাহাও একেবারেই চূর্ণ করিয়া দিল !

নন্দন পাহাড়ের দিকে শূন্য দৃষ্টিতে চাহিলাম ; মনে হইল, সেই নিদ্রিত দানবরাজ ঘুমের মধ্যেই একটু গা নাড়া দিয়া উঠিতেছে, এবং এখনি উঠিয়া আসিয়া বিকট মূর্তিতে এই সিঁড়ির পাশের প্রান্তণের উপরই দাঁড়াইবে !

তবুও দুই হাতে সিঁড়ির প্রান্তভাগটা চাপিয়া ধরিয়া ধীরে ধীরে কহিলাম, “এ সব কথা আর কেন বল্চ, বৌদি ! আজ্ যেটা সব চেয়ে বড় বিপদ তার সঙ্গেই যুক্ত হইতে দাও ;— তার পর ও সব কথা, কোনও দিন সময় হয়তো, শোনা যাবে !—আর এ সব কথার মীমাংসা করবার ভারও তো আমাদের উপর কেউ দেয় নি ;—ও নিরে আর মিছে উদ্বেগ বাড়ালে চলবে কেন,—বৌদি ?”

“আজ্ এত বড় বিপদের মধ্যে এ সব কথা যে কারু মনে আসতে পারে না, তা’ আমিই কি জানিনে, বিছ ?—কিন্তু তবু সত্যি আজ আমি বড় ভয় পেয়ে গেছি ; অজিতের শিরের যদি ওঁকে পাবাণ মূর্তির মতই অমন স্থির হয়ে বসে থাকতে না দেখতাম, তা’ হলেও বুঝি আজ আমার উদ্বেগ এতটা সীমা ছাড়িয়ে যেত না ! কিন্তু উনি যা করবেন না করবেন তা’ শুধু একবার স্থির করে ফেলেই যে কতখানি নিশ্চিত হয়ে বসেন, এবং কেউই যে আর তা’ ওলটাতে পারে না, সে খবরটা আর কেউ না পাক্, আমি তো

অক্ষয়-পাহাড়

এই কম মাসের মধ্যে বিশেষ করেই জেনেচি, ঠাকুরপো ; তাই নিজে মনটাকে আর কোন মতেই তো বোঝাতে পার্চিনে । এর মীমাংসা আর আমার ক্ষুদ্র বুদ্ধিতে কিছুই স্থির করে উঠতে পার্চিনে । তাই তো, তোমাকে, যতই বিশ্রী দেখাও, এই বিপদে নাও । কুলে দাঁড়িয়েও, সব বলতে এসেচি ! তবু সব কথা খুলে বলবার সময় কি আমাকে ঠাকুর দেবেন !—

আর মীমাংসা যদি তোমার বুদ্ধিতে না আসে, তবে আর কার বুদ্ধিতে আসবে মনে করিনে । তবে একটা কথা কিন্তু আমার মনে আছে, বৌদি, এর একটা যে কোনও আলোচনা কর্তে গেলেই, সেটা একই বিশ্রী হবে এবং নিজেদের স্বার্থটাকে এমনি বড় করে তোলা হবে, যে, আমি তোমাকে ও সব বিষয়ে একেবারে নিশ্চিত থাকতেই বলি !”

বৌদিদি কহিলেন, “আ আমার কপাল, এই বুদ্ধি নিয়েই বুঝি ছুনির । সকল বুদ্ধি জিতে আসবে ! ওরে, নিজের স্বার্থটাই ত্যাগ করিতে শিখেচ, কিন্তু অন্যের স্বার্থ রক্ষা করবার বুদ্ধিটাও একটু আধটু না থাকলে চলে কই ? এত যে বিপদ, তবু এর মধ্যে তোমার কাছে এসে দাঁড়িয়েছি, সে শুধু ওর মুখ চেয়ে ; ওষে নীরবে মুসুড়ে যাচ্ছে ; চারিদিক থেকেই আগুনে ঐ একবিন্দু মেয়েটাকে ঘিরেচে ; ওকে রক্ষা কর্তে হবে,—বাঁচাতেই হবে ! আজ সব চেয়ে সহজ কাজটা করেই তুমি খালস পাচ্ছ কই ? ওই সুভাতাকেও যে আজ তোমার না দেখলেই নয়, ঠাকুর পো !”—

বৌদিদির কণ্ঠস্বর করুণ ও অশ্রুসিক্ত হইয়া আসিতছিল ;

নন্দন-পাহাড়

কোনও কথা বলিলাম না। একটু চুপ করিয়া থাকিয়া কহিলেন, “এ যে কি গ্লানি রাতদিন বৃকের ভিতর পুষে রেখেছি তা’ বলে বোঝানো যাবে না শু! তার মুখের দিকে সাহস করে যে চাইব, সে শক্তিও আমার নেই; আর তার বেদনার পরিমাণ করে ওঠবার ক্ষমতাও আমাদের কারু নেই! অজিতের বিছানার কাছে বসে বসে যখন দেখি, সূজাতা মাঝে মাঝে দুই হাতে খাটের বাজু চেপে ধরে, আর তার অশ্রুহীন চোখ দুটো বাইরের আকাশের দিকে মুহূর্তের জন্য স্থির হয়ে থাকে, তখন ইচ্ছা হয় আমি চোঁচিয়ে উঠে তাকে দুই হাতে টেনে বৃকের মধ্যে আনি! তার এ জ্বালা উপর প্রবেশ দেবার ক্ষমতাই যদি আমার না ছিল, তা’ হলে তাকে এমন করে খুড়ে নরবার সহজ পথটা কেন আমি দেখিয়ে দিয়েছিলাম। ওবে, এতটুকু মরে, তার জন্তু পর পর যে সব কঠিন আঘাত তৈরী হয়ে রয়েছে তা’ মনে কর্তেও যে আনার বৃকের রক্ত স্রমে যায়!”—

—“এতকাল তোমার কোলের ছায়ায় গড়ে উঠলাম, তুমি যে কি চাচ্ছ তা’ কি আর আমি বুঝিনি, বোদি’! কিন্তু তবু তুমি যে তোমার সূজাতাকে কেমন করে বাঁচাবে তা’ আমি ভেবে পাচ্ছি নে!”—

“এর বুদ্ধি তোমাকে একটা কর্তেই হবে, ঠাকুর পো!—সব চেয়ে বড় বিপদের কথা হয়েছে কোথায় জান?—সেদিন ত্রিকুট দেখে ফিরে আসবার পরই সূজাতার সামনেই আমাকে ডেকে বাবা বললেন,—

নন্দন-পাহাড়

“মা লক্ষ্মী, ওকে তো অনিলের হাতেই দেব বলে কল্কাতার তার মার সঙ্গে পাকা কথা ঠিক করে এলাম;—একালের বাপদের মত মেয়ের কাছে মতামত জিজ্ঞাসা করা যদি আমি ভাল মনে করতাম, তা’ হলে হয়তো সূজাতাকে একবার জিজ্ঞাসা করতাম;—এই পর্য্যন্ত বলেই একটু হেসে মেয়ের মুখের দিকে চাহিলেন, তারপর ধীরে ধীরে বললেন. ‘তা’ আমার মা—তার বুড়ো ছেলের কথা চিরদিনই মনে চলেছে, এবং এবারেও বুড়ার এই শেষ আশীর্ মাথার রেখে সুখী হোক।”—তার পর কি ভেবে একটু চুপ করে থেকে বললেন, “প্রথম মনে করেছিলাম, ওকে বিহুর হাতেই দেব, কিন্তু অতুল একদিন বলছিল, বিদ্যাতের সঙ্গে বিহুর বিয়ের চেষ্টা সে করবে, এবং চিঠি পত্রও লিখেছে তাই ভেবে দেখলাম, এ বেশ হবে, এরা দুটীতেই উপযুক্ত পাতে পড়বে; আমি তাই কল্কাতা যখন গেলাম অতুলের কথামতই তার মার সঙ্গে দেখা করে সব ঠিক করে এসেছি!—তোমার কাছাকাছি মাকে রাখব এ ইচ্ছাটা আমার বড়ই হয়েছিল; তা’ এ বেশ হ’ল, সব দিকেই কারু কিছু আর ক্ষোভ রইল না।”—ওঁর কথা শুনে আমার অবস্থা যা’ হল তা’ তোমাকে আর বলে বোঝাতে হবে না! একবার সূজাতার মুখের দিকে চাইলাম, সে কাঠের পুতুলের মতই বসে রয়েছে; এত বড় যে একটা সাংঘাতিক ব্যাপার ঘটে গেল, সে তা’ যেন প্রথমটা বুঝতেই পারেনি!”

বৌদিদির কথা শুনিয়া অনেকক্ষণ চুপ করিয়া রহিলাম, তারু

পর ধীরে ধীরে কহিলাম,—“তা, সুজাতা তার বাপের কথা বেদবাক্য বলে মনে করে দেখেচি, সে যদি তাঁর কথা শোনে, সব গোলই ত মিটে যায় !—আর সে যে শুন্বে না, এমন কোনও লক্ষণও তো তার তুমি পাওনি,—বৌদি !” কথাটা বলিবার সময়ে আমার কণ্ঠ নাগীটা কেহ যেন কঠিন হস্তে টিপিয়া ধরিতেছিল !

—“বিপদ যে ঠিক ঐ খানটাতেই সঙ্গীন্ হরে উঠেচে ! সুজাতা তার বাপের কথার বিরুদ্ধে একটি নিঃশ্বাসও কেন্বে না ত ; সে তেমন মেরেই নয়, ঠাকুর পো ?”—

“তবে আর কি, বৌদিদি !”—কথাটা বলিয়াই ইচ্ছা হইতেছিল, ঐ অন্ধকার রাশি ভেদ করিয়া দৌড়াইয়া যাইয়া ঐ নন্দন পাহাড়ের কঠিন, শীতল বন্ধের উপর মুখ রক্ষা করিয়া একবার চীৎকার করিয়া বুকের ভিতরকার দারুণ আলাটাকে বাহির করিয়া দিই !

কিন্তু কি অদ্ভুত শক্তি দিয়া ভগবান্ মানুষকে ছনিয়ার পাঠাইয়াছেন ! এই মানুষই, বাহার গারে তুচ্ছ কাঁটার আঁচড়টীও সহ্য করিতে পারে না, তাহাকেই নিজের হাতে চিতা ভস্মে পরিণত করিয়া আইসে ! ওরে, যে আঘাতে পর্বতও চূর্ণ হয়, তাহাই এই মানুষ বুক পাতিয়া সহ্য করে !

বৌদিদি এবার আঁচল তুলিয়া চখের জল মুছিতে মুছিতে কহিলেন, “তবে আর কিছুই না ঠাকুর পো,—সোজা কথায়, সুজাতা বাঁচবে না, এবং আমার সব চেয়ে বড় দুঃখই এই যে, আমিই শুকে মারলাম ! আজ যখন অভিজ্ঞতের দিকে চেয়ে চেয়ে

নন্দন পাঠাড

বাবা বললেন,—“অতুল ও অমিতকে ডেকে পাঠাও, মা
অজি’ যখন আর আমার কোন বন্ধনই রাখবেনা, তখন সত্যিই
সব দিক্কার হিসেব একটু সময় থাকতে মিটিয়ে নেওয়াই ভাল;
—এব পর আমার মাথাটাই স্থির রাখতে পারব কিনা তাহাই
এক একবার সন্দেহ হচ্ছে! তবু কেবলি মনে হয়, মা লক্ষ্মী,
এত বড় পণীকার উপযুক্ত ও তো আবি নই!—প্রভাত যেদিন
চলে গেল, সে দিন এই বলেই মনটাকে বুঝিয়েছিলাম, যে ওর
মা ত ছেনদের বড় ভাগ বাস্তু, তাই একটিকে কাছে নিয়ে
রাখল! অজি’কে বুক করে রাখলাম; মা হারা ছেলেকে
মারের স্নেহ দিয়ে জড়িয়ে রাখতে হ’ল। ওবে বড় হয়ে উঠ’চে,
সব দিকে তাকু বুদ্ধির পরিচয় দিচ্ছে, তা’ মনে করেও ত স্বস্তি
পাইনি, মা লক্ষ্মী! কত রাত ওর মুখের দিকে চেয়ে কাটীয়ে
দিয়েছি আর দুই হাত জোড় করে ভগবানের কাছে এই প্রার্থনাই
বার বার জানিয়েছি যে, এই বুড়া বয়সে যখন ওর মুখ
দেখবার মত চোখের দৃষ্টিও কমে যাচ্ছে, তখন এ আঁধারের
আলোক রেখাটুকুকে নিভিয়ে দিয়োনা! কিন্তু মা লক্ষ্মী, তিনি
কি প্রার্থনা শুনলেন?—না আমাকে রিক্ত কাঙ্গাল করেই
তিনি তাঁর মঙ্গল ইচ্ছা পূর্ণ করবেন! তাই এই আলোটুকু
থাকতে থাকতেই এদিককার সব হিসেব নিকেশ মিটিয়ে ফেলতে
চাই, মা লক্ষ্মী!”—কথা কয়টি বলেই তিনি একটু হাসলেন;
সে হাসি, ঠাকুর পো, যেন আমার চিন্তা করবার শক্তিটুকু পর্যন্ত
লোপ করে দিল। তার পর এই এক মণ্টা পূর্বেই সূর্যাতা

বন্দন-পাহাড়

যে আমার কোলের মধ্যে মাথা রেখে চুপ করে পড়ে ছিল, একটু কাঁদেনি; একটা বড় করে নিশ্বাসও ফেলেনি; শুধু নিঃশব্দে পড়ে রহিল; আমি কি বুঝিনি, বিলুও কভখানি বাথা বুকের ভিতর রেখে আমার কোলের মাঝে মুখ লুকিয়েছিল? —তুনি আমার ছেলের মত, ঠাকুর পো, তবু না বলে পাবিনে, তোমরা পুরুষ মানুষ মেয়ে নানুষের এ কষ্ট বুঝবার মত ক্ষমতা তোমাদের নেইও, থাকবে এ আশাও আমরা করি নে।— কিন্তু মেয়ে নানুষের বুকের বাথা আমি ত বুঝি, আমি কেমন করে চুপ করে থাকব?—তাই আমার এমন অজির সোণার শরীর কালি হয়ে গেছে তা' এখন চোখে পড়ে তখন হাজার অস্থির হয়ে উঠলেও নিজেকে সামল নিট; কারণ তখনি ত ঐ সূজাতার শুকনো, রুক্ষ মুখ খানার দিকে চোখ ফিরে আসে! —আহা, ওর দুঃখের যে আর পার নেই, ঠাকুর পো;—ওবে এমন সোণার চাঁদ ভাইকেও চারাতে বসেছে, নিজেকেও বিসর্জন দিতে অগাধ জলে নেমে পড়েছে!”—শেষ দিক্কার কথাগুলি বলিয়াই তিনি অঞ্চলের প্রান্ত তুলিয়া ছুইহাতে মুখ ঢাকিলেন!

এই আশ্চর্য্য প্রকৃতির নারীকে আমি বাল্যকাল হইতে দেখিতেছি! অথের দুঃখ কষ্ট এমন করিয়া বুকে তুলিয়া লইতে আর কাহাকেও দেখি নাই।

দেবতার মেঘের মত, স্নেহ বর্ষণই যেন এই অদ্ভুত নারীর সমস্ত জীবনের কার্য্য!

মনে মনে ইহাকে প্রণাম করিয়া কহিলাম, “বিনি তোমাকে

নন্দন-পাহাড়

এমন করে বিশ্বসংসারের ব্যথা কুড়িয়ে কুড়িয়ে বুকে জড় করবার শক্তি দিয়েছেন, তিনিই তোমাকে সেই ব্যথা শাস্ত করবার পছন্দ দেখিয়ে দেবেন, বৌদি' !—ঠিক এই মুহূর্ত থেকে আমি ওসব কথা চিন্তা করা একেবারেই ছেড়ে দিলাম ? আমি জানি যিনি সব ব্যাপারকে জটিল করে তোলেন, তিনিই আবার কেমন করে যে নিমিষের মধ্যে সব সরল করে দেন, তা' চিরদিনই আমাদের বোঝবার বাইরে থেকে যাবে !—তোমার পায়ের একটু ধুণো আমার মাথায় দিয়ে যাও, বৌদি' ;—যদি এতটুকু দুর্বলতাও আমি বুকের তিতর অনুভব করে থাকি, তা'হলে তোমার ঐ পায়ের ধুলাই আমার সে দুর্বলতাকে নষ্ট করে দেবে !—এর পর স্ফূর্তিতা সম্বন্ধে সব চিন্তাই তোমার উপর দিয়ে আমি নিশ্চিত হ'লাম"—কণ্ঠের স্বর এমন করিয়া আর কোনও দিন কড় হইয়া আইসে নাই ! চোখের জলে কিছু দেখিতে পাইতে-ছিলাম না, তবু দুই হাত বাড়াইয়া দিয়া বৌদিদির পায়ের ধুলা মাথায় তুলিয়া লইলাম ।

চিরদিনই ঐ বিপুল স্নেহশালিনী নারীর পায়ের ধুলা লইয়া কৃতার্থ হই ; কিন্তু আজ মনে হইল, সেই ক্ষুদ্র রাস্মা পা'দুইখানির এতটুকু ধুলার মধ্যেই বিশ্বের সমস্ত আশীষ আমার জন্ত সঞ্চিত ছিল !"

২০

হনিয়ার ছোট বড় সকল ব্যাপারেরই কর্তা যিনি, তাঁহার বিচার অন্তর্কিতে কোন্ পথে কখন আসিয়া পৌছে, তাহা জানিবার:

পূর্বেই তাঁহার কার্যের সমালোচনা করিতে বসিয়া, মানুষ যে কতখানি হুঃসাহসের পরিচর প্রদান করে তাহা ভাবিলেও বিস্মিত হইতে হয় !

এই অতি তুচ্ছ নগণ্য কীটের স্পর্ধিত গর্ভ দেবতার দেউলকে স্পর্শ করিয়া বাড়িয়া উঠে, এবং বিশ্বরাজের সিংহাসনকেও অধীকার করিয়া উড়াইয়া দিতে চাহে !

মানুষ যে এতখানি সাহস করে, গর্বে এমন অন্ধ হইয়া উঠে, সে কি শুধু ভিতরে ভিতরে এই কথাটা জানে বলিয়াই, যে, ঐ করুণামৃতের ভাণ্ডার তাহার কোনও অপরাধই উন্মাদ করিয়া দিতে পারিবে না ।

কত অপরাধই তো মানুষ করে, কিন্তু কই, তিনি তো কৃপণের মত ওজন করিয়া, হিসাব করিয়া তাঁহার করুণামৃত পরিবেশন করেন না !

কিন্তু তবু কি মানুষ বুঝিতে চাহে ?

সে তাহার ভ্রান্তি নির্যাই গর্ভ করে ;—অন্ধদৃষ্টি, পরকলার চাকিয়া নিছেরই রচিত নির্দিষ্ট গণ্ডীর মধ্যেই ঘুরিয়া মরে !

ওরে, এ যে কত বড় অপরাধ, তাহা বুঝিবার ক্ষমতাই কি তাঁহার আছে ?

কত দিক্ দিয়াই তো কত অপরাধ করিয়াছি, কিন্তু আক-
ষখনই মনে হইতেছিল, সকল অপরাধকে মার্জনা করিয়া যদি তিনি ঐ ক্ষুদ্র বাগকের প্রাণটুকু ফিরাইয়া দেন ; তখনই আবার
কে যেন অন্তরের মধ্য হইতে সাড়া দিয়া কহিতেছিল—

নন্দনপাহাড়

“ওরে অন্ধ, ওরে তুচ্ছ,—তুই এমনি করিয়াই তো তোর অপরাধের বোঝা বাড়াইয়া তুলিস্! বিশ্বের সকল বেদনার আৰ্জি তাঁহার কাছে পৌঁছিবার পূর্বেই যে তিনি, সকল শুভ, সকল মঙ্গলকে মানুষের দিকে প্রেরণ করিয়াছেন! ওরে, তুই যে খেলা বুঝিবি না, তা’ শুধু নীরবে দেখিতেই থাক্। তার পর একদিন মরণের অমৃত ভাণ্ডারের মধ্যে তোর সকল তুচ্ছতাকে ডুবাইয়া, লুটাইয়া দিস্! তোর সকল বেদনার শান্তি সেইখানে; সকল হাহাকারের পরিসমাপ্তিও ঠিক সেই জীবন বৃত্ত্যর সীমান্ত রেখার কাছটীতে!

“ওরে সকল বাধা বন্ধনের শৃঙ্খল ভাঙ্গিলেই তো তোর মুক্তি!—তবেই ত তোর ছুটি!”

ভোরের আলো কখন ফুটরা উঠিয়াছে, সে সংবাদ এই শোকাচ্ছন্ন ঘরটীর মধ্যে তখনও পৌঁছায় নাই!

কিন্তু পিসীমা অজিতের বিছানার কাছে দাঁড়াইয়া বখন অশ্রু-রুদ্ধ কণ্ঠে বলিয়া উঠলেন,—

“তোমরা হ’লে কি? ডাক্তার কি বলেছে, তাই নাকি একেবারে হাত পা ছেড়ে দিয়ে বসে থাকবে? আর সত্যি এ কথা ভুললে চলবে কেন, যে কবিরাজ ডাক্তারের উপরেও বড় একজন কেউ রয়েছে, যার ইচ্ছায় সব হ’তে পারে! বাছা এমন হয়ে পড়েছে বলেই যে ও আর সারবে না, তা’ কি কেউ বলতে পারে? মানুষের বোঝবার বাইরে এমন ঢের ব্যাপার রয়েছে, যার ব্যবস্থা শুধু তিনিই করেন, এবং মানুষ তা’ কোনও দিনই

বুঝতে পারবে না !” তখন এই কথাটা মনে করিয়াই আমার মন বিপুল বিশ্বয়ে পরিপূর্ণ হইয়া উঠিল, যে, এমন করিয়া সকল মানুষের চিন্তার ধারা ঠিক একই পথ ধরিয়া চলে যেমন করিয়া ?

আমার মনে হইতেছিল, যখন আর কিছুই করিবার নাই ঠিক সেই মুহূর্ত্তীতে, আমরা সকলেই যেন একটা অপ্ৰত্যাশিতের জগৎ বসিয়া রহিয়াছি ! এবং সেই অপ্ৰত্যাশিত যে কোন পথ ধরিয়া আসিবে তাহাও যেমন আমরা জানি না, ঠিক তেমনি এ কথাটাও জানি না, যে, সে কোন্ আকার ধরিয়াইবা এই হৃদয়ে দেখা দিবে !

কিন্তু তবু তো অনির্দিষ্টের যাত্রীর মতই তাহার প্রতীকার বসিয়া থাকিতে হইবে ।

যাহাকে জানি না, এবং যাহাকে মোটেই আশা করি নাই, ভিতরে ভিতরে তাহারই আগমনের জগৎ কখন যে অন্তর প্রস্তুত হইয়া থাকে, তাহা মুহূর্ত্ত পূর্বেও বুঝা যায় না ত !

কিন্তু এতটুকু ইঙ্গিত, এতটুকু আভাস পরিপূর্ণ ভাবেই জানাইয়া দেয়, যে, হাঁ, সে আসিয়াছে !

তাই পিসিমা যখন কহিলেন, “ওরে, এই বয়সে আমি কতই তো দেখলাম ;—আমি ঠিক জানি ঠাকুর কোন্ পথে তাঁর অনুগ্রহ পাঠান তা’ মানুষ মুহূর্ত্ত পূর্বেও জানতে পারে না ।”—তখন আমি এতটুকুও বিশ্বয় অনুভব করিলাম না !

পিসিমা কহিলেন, “আমাদের এক জ্ঞাতিব বাড়ীতে হরষিত বলে একটা ছেলের ব্যামো হ’ল, বড় বড় ডাক্তার কবিরাজ জবাব দিবে গেল ; কখন যার এমনি অবস্থা ; ছেলেরা সব তাঁর সেবা

সন্দন-পাহাড়

কচ্ছিল ; ছেলেমানুষ সব, ঘুমের চোখে গুঁথু খাওয়াতে ভুল করে
খানিকটে তারপিন্ খাইয়ে দিল ; আধঘণ্টার মধ্যে তার পেট
পরিষ্কার হয়ে গেল ; নাড়ীর ভাব বদলে গেল ;—ছেলেটা বেঁচে
উঠল ! ভুল ভ্রান্তির মধ্য দিয়েও তো তিনি তাঁর দয়া মানুষকে
জানাতে ছাড়েন না ! যাকে তিনি কোলে তুলে নেবেন, মানুষ
হাজার চেষ্টা করেও তাকে বাঁচাতে পারবে না, আর যাকে তিনি
রাখবেন, তাকে বিষ খাইয়েও মানুষ মারতে পারবে না !”

তারপর অজিতের মাথার ধীরে ধীরে হাত বুলাইয়া দিতে
দিতে রমাশ্রমণ বাবুর মুখের দিকে চাহিয়া কহিলেন, “আমার
এতখানি বরসে আমি কতটতো দেখলাম ; কতই ভুগলাম ; কিন্তু
তার ফলে একটা কথা আমি ঠিক জেনে রেখেছি, যে, মানুষের মনের
মত এমন সত্যি সাক্ষি আর কেউ দিতে পারে না ! এমন করে খাঁড়ি
কথাটাও আর কেউ জানিয়ে দিতে পারে না ! কত রকম করেই
মনের এই জানান কে অস্বীকার করে দেখেছি, কিন্তু এ কখনই
চূপ করে থাকেনা, এর যা’ বলবার বরাবরই বলে যাচ্ছে, মানুষ
মেনে চলুক, আর নাই চলুক ! স্নেহে, উদ্বিগ্নে মানুষ অনেক সময়েই
তাকে ধরতে না পারলেও সে কিন্তু ঠিকই সাড়া দিয়া যার ! তোমরা
ওর কাছে বসে, ওর রোগ কাতর মলিন মুখের দিকে চেয়ে চেয়ে
যা’ শুন্তে পাওনি, আমি একটু দূরে থেকে, ওই পূজোর ঘরে বসে,
সে খবরটা ঠিকই ধরতে পেরেছি !—আমি বলে বাচ্ছি, অজি’ সেরে
উঠবেই ! তুই ওঠ বিহু ;—বোমা, তুমিও ওঠো ; এমন করে হাত
পা’ ভেঙ্গে বসে থাকলে চলবেনা ! দরজা জানালাগুলি খুলে দাও, !

ঘাইরের আলো বাতাস ঘরের ভিতর আশুক! ঠাকুরের দয়া কোন্ পথ ধরে আসবে তা'তো আমরা কেউই জানিনে।”

রমা প্রসন্ন বাবু অজিতের শয্যা পার্শ্বেই বসিয়া ছিলেন। সমস্ত রাত্রির মধ্যে একটা কথাও বলেন নাই। মাঝে মাঝে অজিতের মুখের দিকে চাহিয়া দেখিয়াছেন এবং পরক্ষণেই দুই চক্ষু মুদ্রিত করিয়া ঘণ্টার পর ঘণ্টা কাটাইয়া দিয়াছেন।

এই ধ্যান পরায়ণ মূর্তির দিকে চাহিয়া চাহিয়া আমি বিন্মরে অবাক হইয়া গিয়াছি; কেবলি মনে হইয়াছে, কতখানি শক্তি ঐ স্নেহব্যাকুল পিতার হৃদয়ে ভগবান্ তুমি দিয়াছ! কেনইবা এই দুর্লভ পরীক্ষার মধ্যে ফেলিয়া, এমন করিয়া সেই শক্তির পরিচয় তুমি গ্রহণ করিতেছ।

এখন পিসিমার কথা শুনিয়া রমা প্রসন্ন বাবু কহিলেন, “আপনি ঠিক বলেছেন, দিদি, তাঁর দয়া যে কোন্ পথে আসবে তা' আমরা কেউই জানিনে! অজিত আমাকে তো যথেষ্ট সময়ই দিয়েছে; এ কয়দিন ঠাকুরের পায়ের কাছে আমার সকল প্রার্থনাই তো জানিয়ে রেখেচি। দানের উপর যে, দিদি, কোনও দাবীই নাই, আমরা এই কথাটা ভুলে যাই বলেই তো যত অনর্থ বেড়ে ওঠে। আমি ওর বিছানার পাশে বসে বসে এই কথাটাই আজ বেশ করে জেনেচি, যে আমাদের সকল প্রার্থনা, আদ্যার, সকল ক্রমী বিচ্যুতি তাঁর কাছে নিবেদন করে দিয়েই একেবারে নিশ্চিত হওয়াটাই ঠিক। কিন্তু তা' কি পারি? পারিনে বলেই তো যত গোল।”

এই পর্য্যন্ত বলিয়াই কিছুক্ষণ নীরবেই রহিলেন। তারপর ধীরে

নন্দন-পাহাড়

বীরে কহিলেন, “ওর মাথায় একটু পায়ের ধূলা দিয়ে আপনিক
আপনার পূজোর ঘরেই ফিরে যান, আমাদের মধ্যে অন্ততঃ এমন
একজন থাকার দরকার যিনি তাঁর পায়ের কাছে আমাদের সকলের
প্রার্থনা একাগ্র হয়ে জানাতে পারবেন।”

যে-দিন ঘরের জানালাগুলি খুলিয়া দিয়াছিলেন। ভোরের
কোমল, শুভ্র অরুণ লেখা শস্যের শ্রান্তে পড়িয়া হাসিতেছিল।

দেবিলগাব উপরকার দাগকাটা কাঁচের শিশিগুলির মধ্যে
নানারঙের ঔষধ রাখাছে। খানিকটা আলোক শিশিগুলির উপর
পড়িয়া বিচিত্র রঙের ছায়া টেবিলের সুনীল মখমলের উপর ও
দেওয়ালের গায়ে ফেলিয়াছে।

রাত্রির তরুণ বয়সে সব বরণ দৃশ্যের উপর একটা অস্পষ্ট
আবরণ দিয়া রাখিয়া প্রকৃত অবস্থাটিকে পরিষ্কার বুদ্ধিতে দেয়
না, দিনের আলোক তাহা নিষ্ঠুর সত্যের মতই, অত্যন্ত স্পষ্ট
হইয়া ফুটিয়া উঠে।

এই ভোরের আলোকপাতে যখন ঘরের ভিতরকার সমস্ত
জিনিসগুলি হাসিয়া উঠিল, ঠিক তখনই আজকের রক্তশূন্য
পায়ুর মুখেরদিকে চাহিয়া সকলেই ভিতরে ভিতরে শিহরিয়া
উঠিল।

সুজাতা কখন বাহিরে চলিয়া গিয়াছিল। এখন ফিরিয়া
আসিয়া একটা গোলাপ আজকের মুষ্টিবদ্ধ হাতের মধ্যে গুঁজিয়া
দিতে দিতে, তাহার মুখের উপর পড়িয়া বলিয়া উঠিল—

“ও আজ, ও আমার আজ, ভাইটি, তুমি ভিতরে ভিতরে কত

পথ এগিয়ে গেছ, তা' তো আমি রাতের অস্পষ্ট আলোর বৃত্তে পারিনি।"

সুজাতার কথা শুনিয়া ঘরের মধ্যে একটা দিগুন শোকের তরঙ্গ বচিয়া গেল।

বৌ-দিদি সুজাতাকে বুকের মধ্যে টানিয়া লইয়া তাহাকে মাঝনা দিতে ঘাইয়া নিজেই কাঁদিয়া অস্থির হইলেন।

রমা প্রসন্ন বাবু বামহাতে একবার মুহূর্তের জন্য কপালের দুইটা পাশ চিপিয়া ধরিলেন; তার পর বাহিরের নির্মল স্নিগ্ধ আনোক-কীর্ণ আকাশের দিকে চাহিয়া ধীরে ধীরে অজিতের মাথার হাত বুলাইতে লাগিলেন।

শেষরাত্রি হইতেই ইজি চেয়ারটার উপর পড়িয়া ছিলাম। একবার হাতলের পাশে মুখ সরাইয়া কোটের হাতার চোখ মুছিয়া লইলাম; তার পর উঠিয়া আসিয়া বৌদিদির মাথা ধরিয়া নাড়া দিয়া ডাকিলাম, "বৌদি"—

কিন্তু কণ্ঠস্বর একেবারেই অশ্রুচ্ছ হইয়া গেল। দাঁতে ৬ষ্ঠ চাপিয়া ধরিয়া আসন্ন ক্রন্দন বেগটাকে রোধ করিতে ঘাইয়া একেবারেই কাঁদিয়া ফেলিলাম।

কিন্তু নন্দন-পাহাড়, রক্তের বৃষভের মতই, বাঁহারা বুকের ভিতর চাপিয়া বসিতেছে, সেই রমা প্রসন্ন বাবুর অশ্রুহীন চোখের দিকে চাহিয়া ঘরের মধ্যে থাকি আমার পক্ষে একেবারেই অসম্ভব হইয়া উঠিল।

নন্দন-পাহাড়

বাহিরে বাইবার জন্ত ছয়ারের দিকে ছুটিয়া আসিতেই বাধা পাইলাম।

ছয়ারের কাছেই আলবার্ট আসিয়া পড়িয়াছে। খানিকটা সূর্যালোক তাহার গোর দেহটার উপর পড়িয়া তাহাকে আলোক-স্নাত দেবদূতের মতই দেখাইতেছিল।

আলবার্ট কহিল, “আমি আসিয়াছি!”

এ যেন আশার বাণী বহন করিয়া এইমাত্র কোন অজানা দেশ হইতে নামিয়া আসিয়াছে।

হাঁ, তুমি আসিয়াছ, আইস! হে দেবদূত! তুমি আইস! আমরা বুঝি এতক্ষণ তোমারই আশা পথ চাহিয়া বসিয়া রহিয়াছি! তুমি যদি আসিয়াছ, তোমার আশার বাণী শুনাও!

আলবার্ট ঘরের মধ্যে আমাকে টানিয়া লইয়া বাইতে বাইতে কহিল, “দিদিমণি, ভোরের গাড়ীতে আমার কাকা এখানে এসে পৌঁছেছেন! ভারতবর্ষ দেখেননি। তাই দেখতে এসেছেন।! লণ্ডনের খুব বড় ডাক্তার তিনি; অজির কথা তাঁকে আমি সব বলিছি! যদি অমত না হয় তাঁকে এনে এখনি ওকে দেখান যার! অজি’ আমার ভাইয়ের মত, ওর এমন অসুখ, তাই জেনে ওকে দেখতেও স্বীকার হলেন। আমি সাইকেলে ছুটে এসেছি!”—

আলবার্ট তখনও পথশ্রান্তিতে হাঁপাইতেছিল। সূর্যর সূর্যগোর মুখখানি বর্ণসুধমায় রঞ্জিত হইয়া উঠিয়াছে।

বিপদ যখন একেবারেই সাক্ষর হইয়া উঠিয়াছে। ঠিক সেই

মুহূর্তেই আলবার্ট তাহার অভয় ও আশার বানী লইয়া আসিয়া দাঁড়াইয়াছে !

রমা প্রসন্ন বাবুর মুখখানা উজ্জল হইয়া উঠিল ; কোনও কথা না বলিয়া ছই চক্ষু মুদ্রিত করিয়া রহিলেন !

বৌদিদি কহিলেন, “ওরে মাণিক ভাই আমার একবার তুই সূজাতাকে বাঁচিয়েছিস্ ! এবার তোমার খেলার সঙ্গী অজি’কে রক্ষা কর !—ওরে, তিনি কি আসবেন,—এত দয়া করবেন ?”

বৌদিদি উঠিয়া তাহার কাছে আসিবার পূর্বেই আলবার্ট একবার অজিতের ঘান, পাণ্ডুর মুখের দিকে চাহিল, তারপর ছুটিয়া বাহির হইয়া যাইতে যাইতে কহিল, “তোমার অনুমতি পেয়েই হ’ল, আর আমি কিছু চাইনে তো দিদিমনি !”

সঙ্গে যাইবার জন্য ক্রতপদে বাহির হইলাম । আমার ডাক কাণে পৌছিবার পূর্বেই আলবার্ট সাইকেল ছুটাইয়া মোড়ের মাথায় অদৃশ্য হইয়া গেল ! পিসিমা একবার সকলের মুখের দিকে স্মিত মুখে চাহিয়া কহিলেন, “ওরে তোরা অত উতলা হস্নে ! যিনি এত কাণ্ড করছেন, তিনি কোন্ পথে কি করছেন তা’ আমরা কেউই তো জানিনে ! তবে শুধু এই টুকুই জেনে রাখ, তিনি যা করবেন তার মধ্যে ভুল চুক একটুও নেই ! দরকার মত সবই ঠিক ঠিক ঘটে যাবে !”—বলিয়াই তিনি ঘর হইতে বাহির হইয়া গেলেন ।

একটু পরেই দেখা গেল ডালিতে কিছু পূজোপকরণ লইয়া বিিন্ন সঙ্গে বাড়ী হইতে বাহির হইয়া গেলেন ।

মঙ্গল-গাহাড়

বৌদিদি কহিলেন, “উনি বুঝি বাবার মন্দিরে চ’লে গেলেন !”

সমাশ্রয় মৃদুস্বরে কহিলেন, “ওঁর সঙ্গে ঘেরে যদি শতরের পারের কাছে সব সুখ দুঃখ নিঃশব্দে নিবেদন করে দিতে পারতাম তবেই ঠিক হত”; তারপর নিজের মনে মনেই কহিলেন, “তা’ পারি কই!—এত দুর্বল হুমি আমার করেচ ঠাকুর!”

প্রায় পঁচিশ মিনিট পরেই এক বিরাট খেতকার পুরুষ সাইকেল হইতেই সিঁড়ির উপর নামিয়া দাঁড়াইলেন।

আমি দ্রুতপদে বারান্দার উপর আসিতেই আলবার্ট তাহার সাইকেল হইতে নামিয়া আসিয়া কহিল, “ইনি আমার কাকা সার্ এডওয়ার্ড লুকাস!—কাকা, ইনি—মিঃ বিনয় মুখার্জি!”—

শক্তিশালী বলিয়া আমার খ্যাতি ছিল; কিন্তু একখানি সুদৃঢ় হস্তের প্রকাণ্ড খাবার মধ্যে আমার হাতখানা পৌঁছিতেই মুঝলাম, সেই হাতের অধিকারী বিপুল শক্তিশালী; এবং তাঁহার পরম ওত্র উত্তপ্ত হাতখানার মধ্যে আমার এমন সুপুষ্ট হাতখানাও একটি শিশুর হাতের মতই ক্ষুদ্র ও দুর্বল হইয়া গিয়াছে!

কিন্তু ঐ হস্তের অধিকারী যে কতখানি অসামান্য ও হৃদয়বান্ তাহা তাঁহার প্রথম কথাতেই বুঝিতে পারিলাম। সার্ এডওয়ার্ড আমাকে কোনও কথা বলিবার অবসর না দিয়াই কহিলেন,—

“সুপ্রভাত! এর পরে আলাপ পরিচয়ের আনন্দ অনুভব করা যাবে! চলুন, রোগী দেখিব!”

নন্দন-পাহাড়

খর হহতে মেয়েরা বাহির হইয়া গেলেন। সার্ এডওয়ার্ড অজিতের শয্যাপার্শ্বেই বসিয়া পড়িয়া প্রায় দশ মিনিট পর্য্যন্ত নানা প্রকারে পরীক্ষা করিলেন।

তারপর উঠিয়া আসিয়া একটা চেয়ারের উপর বসিয়া কহিলেন, “আল্‌বার্টের কাছে রোগের অবস্থা সবই শুনে নিরেছি; সেই জন্তেই এত তাড়াতাড়ি চলে এলাম। এখন আর একটা মিনিটও নষ্ট করা ঠিক হবে না। তবু একটা কথা জানুব।—এর অস্থ আজ ঠিক আট দিন?”—

উৎকণ্ঠিতস্বরে কহিলাম, “হাঁ।”—

“অর হয়েই অজ্ঞান হয়েছে?”—

“হাঁ।”

“কোন ঔষধেই কাজ দেখাই নি?”

“না।”

—“ক্রমেই রক্তহীন হয়ে যাচ্ছে, এবং সঙ্গে সঙ্গে অতি ধীরে ধীরে অর কমে যাচ্ছে?”—

যন্ত্র চালিতের মতই কহিলাম, “ঠিক তাই।”—

—“জ্ঞানের একটু লক্ষণও কোন দিন দেখায় নি?”—

“না।”

“বেশ, আর আমি কিছু জানতে চাইনে! আপনারা সবাই এর আপনার জন নিশ্চয়ই?”

“হাঁ।”—

সার্ এডওয়ার্ড আমার মুখের দিকে চাহিয়া কহিলেন, “আমার

নন্দন-পাহাড়

ত্রিশ বৎসরের ডাক্তারীর অভিজ্ঞতার মধ্যে শুধু দুটি এমনি কেস পেয়েছি—একটি বাঁচেনি ; একটি রক্ষা পেয়েছিল ।”—

—“এর সহক্রে কি মনে করেন ?”—

“কিছু মনে করিনে ; বাঁচা না বাঁচা ভগবানের হাত । চেষ্টা করে দেখতে পারি । কিন্তু একমাত্র উপায় আছে এবং এখন থেকে চার ঘণ্টার মধ্যে সেই ব্যবস্থা না করতে পারলে, রক্ষা করার আর কোনও উপায়ই আমি জানিনে ।”—

আগ্রহপূর্ণ স্ববে কহিলাম, “সার্ এডওয়ার্ড, এখানে যে কয়টি প্রাণী আমরা আছি এর প্রত্যেকেই এই বালকের জন্তু প্রাণ দিতে প্রস্তুত আছে ; কি করতে হবে, বলুন !”—

একটু হাসিয়া সার্ এডওয়ার্ড কহিলেন, “ঠিক প্রাণ দিতে হবে না, তবে কাছাকাছি কিছু দিতে হবে !”—

—“কি ?”—

দুয়ারের কাছে অতুল ও অনিলকে দেখা গেল ।

সাহেব গম্ভীর মুখে দুয়ারের দিকে চাহিয়া, ধীরে ধীরে মাথা নাড়িতে নাড়িতে কহিলেন, “এর শরীর এখনি নূতন রক্তে ভরে দিতে হবে,—কে দেবে ?”—

একটু কু দ্বিধা না করিয়া, একটু হাসিয়া কহিলাম, “এই কথা—আমি দেব !—আপনি বন্দোবস্ত করুন ।”—

কথাটা যেন কতই ক্ষুদ্র, ও তুচ্ছ মনে হইল, এবং এত অল্প দাবী মিটাইতে পারিলেই যদি মরণের দেবতাটির ক্ষুধার নিবৃত্তি হয়,—তবে আর কি ?

হুয়ারের কাছেই বৌদিদির অর্দ্ধাবশিষ্ট মুখখানি দেখা
যাইতেছিল! তার পাশে আর একখানি অত্যন্ত স্নান মুখ,
বৌদিদির উচ্ছ্বল, সংসর্পিত চুলের গোছার আড়াল দিয়া,
মেঘাস্তরিত মলিন, শশাঙ্কের মতই একটু একটু দেখা যাইতেছিল!

অজিতের পীড়ার প্রথম দিন সূত্রাতার কাতর, করুণ দৃষ্টি
দেখিয়া মনে মনে বলিয়াছিলাম, অজিতের জন্ম শেষ রক্ত বিন্দুও
দিতে প্রস্তুত আছি।

অদৃশ্য দেবতাটি সেদিন বুঝি একটু হাসিয়াছিলেন, এবং
তাঁহার হিসাবের খাতার সেই কথাটাকে খতাইয়া রাখিয়াছিলেন!

আজ এই মুহূর্তে তাঁহার দাবী জানাইয়া দিলেন এবং ছাণ্ড-
নোটের দাবীর মতই এটা চাহিবা মাত্র পরিশোধ করিয়া দিতেই
হইবে! তাহা না পারিলে নিজের অন্তরের মধ্যে যে দরবার-
নিশিদিন খোলা রাখিয়াছে, আর কাহারও কাছে রেহাই পাইলেও
তাঁহার কাছে তো কোন মতেই রেহাই পাইব না!

সাহেব আমার মুখের দিকে স্থিরদৃষ্টিতে চাহিলেন তারপর ধীরে
ধীরে কহিলেন, “খুব কঠিন কথা;—বড় শক্ত কথা।”—

একটু আগেই তো বলেছি, আমরা সবাই এর জন্ম প্রাণ দিতে
পারি, সেটা শুধু মুখের কথাই বলিনি তো, সার্ এডওয়ার্ড!—
বলিয়াই একটু হাসিলাম।

“বেশ আপনার গারের জামাটা খুলে ফেলুন তো।”—

হুয়ারের কাছে দাঁড়াইয়া অতুল ও অনিল এতক্ষণ কথা শুনিতে
ছিল। এইক্ষণ অগ্রসর হইয়া সাহেবকে নমস্কার করিয়া কহিল,

নন্দন-পাহাড়

“আমরাও যে কোনও সাহায্য করতে পারি আমাদেরও পরীক্ষা করে দেখুন না, সার্ এডওয়ার্ড !”

সাহেব একটু হাসিয়া কহিলেন, “এ বাঙ্গালী জাতটাই একটা অদ্ভুত জাত ; এরা স্নেহের টানে সবই করতে পারে, লগুনে থাকতেও সে পরিচয় ঝেঁটে পেয়েচি !”—

সার্ এডওয়ার্ড আর কোনও কথা না বলিয়া একে একে আমাদের তিন জনকেই পরীক্ষা করিলেন ।

রমাশ্রমবাবু কহিলেন, “সাহেব এটি আমার ছেলে ; ছেলে মাছুষ এদের কষ্ট না দিবে আমাকে দিয়েই কাজ চালিয়ে নিন্ ।”

ইতিমধ্যে অনিলের মুখে বৌদিদির ও সুজাতার আনুজি আসিয়া পৌছিল ।

সার্ এডওয়ার্ড স্নিতমুখে কহিলেন, “আপনাদের কার দিবে হবে না ; মিষ্টার মুখার্জিকে দিয়েই আমার কাজ চলবে ! এদের মধ্যে ইনিই ঝেঁটে সবল ।”

সার্ এডওয়ার্ডের কথা শুনিয়া মনে হইল, এতদিন ব্যায়াম-চর্চা করিয়া শরীরটাকে যে সবল করিয়াছিলাম, আজি তাহা সার্থক ও সম্পূর্ণ হইয়াছে !

অনিল মলিনমুখে কহিল, “আমাদের দিবে কোনও কাজ হবে না, সার্ এডওয়ার্ড ?”

“হাঁ, হবে বই কি ! ভাল ডাক্তার অন্ততঃ দুইজন দরকার । ষড়ি ধরে পঁয়ত্রিশ মিনিট সময় নিন্, বাইরে সাইকেল



আছে; ছুটে চলে যান। মনে থাকে যেন এখন থেকে ঠিক এক ঘণ্টার মধ্যেই আমরা কাজ আরম্ভ করব!—আমার ব্যাগটা?”

আল্‌বার্ট সিঁড়ির উপর হইতে একটা সুদৃশ্য ব্যাগ লইয়া আসিল। কতকগুলি আবশ্যকীয় জিনিষের নাম লিখিয়া এক খণ্ড কাগজ অনিলের হাতে দিলেন। অতুল ও অনিল সাইকেল লইয়া বাহির হইয়া গেল। সার এডওয়ার্ড আর একবার জানালার ফাঁক দিয়া মুখ বাড়াইয়া ডাকিয়া কহিলেন, “মনে থাকে যেন মাত্র বত্রিশ মিনিট সময় পাবেন।”

রমা প্রসন্ন বাবু একখানা চেয়ারের উপর অবসন্নভাবে বসিয়া পড়িলেন, বোধ হয় আমাকে কিছু বলিতে চাহিতেছিলেন, কিন্তু বলিতে পারিলেন না।

সার এডওয়ার্ড কহিলেন, “আপনি শুদিক্কার একটা ঘরে গিয়ে বিশ্রাম করুন, আমি না ডাকলে আসবেন না।”

সাহেব ক্ষীপ্র, নিপুণ হস্তে কতকগুলি কাজ সারিতেছিলেন, আল্‌বার্ট দ্রুত হস্তে তাঁহাকে সাহায্য করিতেছিল।

বৌদিদির পাশ দিয়া বাইবার সময় রমা প্রসন্ন বাবু একটু বাড়াইয়া অশ্রুসিক্ত কণ্ঠে ডাকিলেন, “মা লক্ষ্মী,—”

তারপর তাহার দুই কপোল বাহিয়া বিন্দুর পর বিন্দু অশ্রু নামিয়া আসিতে লাগিল।

আজ আটদিনের মধ্যে তাহার চোখে অশ্রু এতটুকু আভাস-ও কেহ দেখে নাই। কিন্তু আজ কেন যে তিনি কোনো মতেই

নন্দন-পাহাড়

অশ্রুরোধ করিতে পারিলেন না, তাহা আমাদের কাহারও
বুঝিতে বাকী রহিল না।

তাহার অশ্রুযুগ্মী 'মা লক্ষ্মী' যখন ছুইহাতে তাঁহার পায়ের ধূলা
লইয়া কহিলেন, "আপনি কিছু ভাববেন না, বাবা! যিনি
এমন সময় সব অদ্ভুত ব্যাপার ঘটরে তুলুচেন, তিনিই সকলের মুখ
রক্ষা করবেন।"—তখন তিনি বৌদিদিব মাথায় হাত বুলাইয়া
দিতে দিতে কহিলেন, "না, কি আর ভাবব মা! আর ভেবেই
বা কি করতে পারি, মা লক্ষ্মী?"—এর পর তিনি এক মুহূর্তে
দাঁড়াইতে পারিলেন না। আমার ঘরের দিকে চলিয়া
গেলেন।

ঠিক আধ ঘণ্টা পরেই ডাক্তার সেন ও বোসকে লইয়া অতুল
ও অনিল ফিরিয়া আসিল। তখন সার এডওয়ার্ড সমস্ত বন্দো-
বস্ত ঠিক করিয়া রাখিয়া কোট ও ওভারকোটটা আলনার বুলা-
ইয়াছেন, এবং অজিতের শিয়রে দাঁড়াইয়া তাহার মুখের দিকে
এক দৃষ্টিতে চাহিয়া রহিয়াছেন।

এক মুহূর্তে, সেই বিরাট শ্বেতকায় পুরুষকে আর আমার সার
এডওয়ার্ড বলিয়া মনে হইল না! মনে হইল, দেবাদিদেব মৃত্যু-
ঞ্জর মরণাহত অজিতের শিয়রে সকল পীড়া ও বেদনা হরণ করিয়া
লইবার জন্যই স্বশরীরে আসিয়া দাঁড়াইয়াছেন!

তখন বৌদিদি ঈশারায় আমাকে কাছে ডাকিলেন। তাঁহার
মুখখানি একটু স্নান; চোখের কোণে অশ্রু লাগিয়া রহিয়াছে!
দেখিলেই মনে হয়, বুকের ভিতর কোথায় দীর্ঘস্থান পুঞ্জীভূত হইয়া

বহিয়াছে ; এবং ঐ সিন্ধু চক্ষুপল্লবের নিম্নেই অশ্রুপ্লাবন লুকাইয়া রতিয়াছে ।

বৌদিদি আমার মুখের দিকে তাঁহার অশ্রুসজল ছই চোখের দৃষ্টি তুলিয়া ধরিয়া কহিলেন, “মনের ভিতর থেকে আমি ঠিকই জান্চি, ঠাকুরপো, এ সব ভালর জগ্ৰেই হচ্ছে, কিন্তু তবু স্বস্তি কি পাচ্ছি ? ওরে, এম্নিই দুর্বল মন, ভগবানের অনুগ্রহের এত পরিচয় পেয়েও মনকে বাঁধতে পারা যে এত কঠিন তা’ তো আজকার মত এমন করে আর কোনো দিনই বুঝতে পারিনি, বিহু ! মনের মধ্যে যা’ কিছু উঠ্চে, সে সবই তাঁর পায়ে পৌঁছে দেওয়ার মত আবশ্যকতা আজকের চেয়ে এমন বেশীও তো আর কোনো দিনই হয়নি ! কিন্তু তবু কি মন বোঝে ?” এই পর্য্যন্ত বলিয়াই অল্প দিকে মুখ ফিরাইয়া লইলেন ।

কোনও কথা বলিয়াই শেষ করা আজ যে বৌদিদির পক্ষে কতখানি কঠিন হইয়া উঠিয়াছে, তাহা আমি বেশ বুঝিতেছিলাম ।

অঁচলে একবার চোখ দুইটি মুছিয়া লইয়া মুহূর্ত পরেই কহিলেন, “তোমাকে আর বেশী কি বলব, ভাই !—না মঙ্গলচণ্ডী তোমাকে রক্ষা করবেন ।”

কিছু বলিতে যাইতেছিলাম ; কিন্তু সারু এড্‌ওড়াডের শাস্ত্রগতীর কণ্ঠস্বর শুনা গেল, “আমরা প্রস্তুত, মিঃ মুখার্জি !”

ছই হাতে বৌদিদির পারের ধুলা লইলাম, ছরারের পাশেই স্নানাতা ছিল, চকিত দৃষ্টিতে তাঁহার ম্লান মুখের দিকে চাহিলাম ।

স্নানাতার অশ্রুসজল ছই চক্ষের করুণ দৃষ্টিটুকু আমার উত্তপ্ত

নন্দন-পাহাড়

অতৃপ্ত, চক্ষু ছইটার মধ্যে ভরিয়া লইয়া পর মুহূর্তেই অজিতের
শয্যা পার্শ্বে আসিয়া দাঁড়াইলাম।

একটু মুহূর্ত হাসিয়া কহিলাম,—“আমি প্রস্তুত, সার এড্-
ওয়ার্ড!”

২১

ঠিক কখন যে সব মধুময় হইয়া গেল তাহা জানি না!

কিন্তু বড় মধুর লাগিতেছিল!

কোথায়, কোন্ লোকে, সবুজ আলোক দীপ্তির মধ্যে একা
আমি দাঁড়াইয়া রহিয়াছি! অদূরে সবুজ ক্ষেত্রের উপর, সবুজ
আলোকের মধ্যে রাশি রাশি—ফুল ফুটিয়াছে। সবুজ মথমলের
উপর কেহ যেন সমস্তে চূর্ণিপান্না বসাইয়া রাখিয়াছে! পাতার
আগার শিশিরবিন্দু সবুজ আলোকে রঞ্জিত হইয়া রহিয়াছে!

ফুলের পাশে বিচিত্র প্রজাপতি ফুলের মুখের মদিয়া চুবন
করিয়া নৃত্যচঞ্চল গতিতে ফিরিতেছে, ঘুরিতেছে! সবুজ ক্ষেত্রের
পাশে পাশে নিৰ্ম্মল, শুভ্র পথের রেখা অঁকিয়া বাঁকিয়া চলিয়াছে!

আকাশ নক্ষত্র বিহীন! শুধু সবুজ আলোক তরঙ্গের খেলা
চলিয়াছে! আলোক তরঙ্গের শীর্ষে শীর্ষে, স্বর্ণকিরীটের মতই,
মুহূর্তে মুহূর্তে সোণালী রঙ্গের জ্যোতিঃ জলিয়া উঠিতেছে,—বিচ্ছুরিত
হইতেছে!

দূরে, অতি দূরে, অনন্ত সুন্দর সিদ্ধ তাহার মুহূর্তেই আনন্দ
কল্লোলে, রুদ্ধদ্বার দেবমন্দিরে আরতির বাজনায় গভীর নিৰ্ব্বোধের
মতই, আকাশ, বাতাস পরিপূর্ণ করিয়া দিতেছে!

নন্দন-পাহাড়

নিঃসঙ্গ পথটির উপর আসিয়া দাঁড়াইয়াছি। ঐ দূর সিঙ্গুর
বাণীশূণ্য বেলাভূমি বেন আমার জন্তই উন্মুখ হইয়া রহিয়াছে!

সিঙ্গুর উর্ষিকল্লোল শুনিয়া ওর সীমা-রেখারই কাছে কোন্
এক পর্বতশিশু ঘুমাইয়া পড়িয়াছে!

বাণীর সুর তাহারই কাছে কাছে, বেলাভূমির পথটির উপর
দিয়া বাজিয়া বাজিয়া কিরিতেছে!

এ সেই চিরপরিচিত ভিখারীর বাণীর সুর! বিশ্বের গোপন
বেদনার কাহিনীটি এখানেও বহন করিয়া আনিয়াছে কি?

কিন্তু ঐ নিঃসঙ্গ দীর্ঘ পথটি অতিবাহন করিয়া ঐ পাহাড়ের
পাদদেশে, ঐ অনন্ত সুন্দর সিঙ্গুর বেলাভূমিতে কেমন করিয়া ঘাইয়া
দাঁড়াইব!

কে আমাকে পথ দেখাইয়া লইয়া যাইবে?

বাণী তাহার অফুরন্ত ভাণ্ডার লুণ্ঠন করিয়া, উজাড় করিয়া
স্বর ছাড়াইতেছিল, এবং কখনও সেই বেলাভূমির উপর দিয়া,
সেই সবুজ ক্ষেত্রের কোমল আলোকদীপ্ত পথটি অতিবাহন করিয়া
চলিয়া আসিয়াছে!

চাহিয়া দেখিলাম, ভিক্ষুকের মলিন চীর ধসিয়া পড়িয়াছে,—
সুন্দরের মনোমোহন বেশের অন্তরাল দিয়া চির কিশোর দেবতাটির
অপূর্বরূপ ফুটিয়া উঠিয়াছে!

সুন্দরের বাণী বাজিতেছিল,—

“ওগো ভূমি আইন!—ভূমি আইন! ও বে নন্দন পাহাড়,
বাণীর সুরের পথটি ধরিয়া এই চিরসুন্দরের দেশে ফুটিয়া উঠিয়াছে,

নন্দন-পাহাড়

এবং তোমারই অপেক্ষায় ঐ অনন্ত-সুন্দর সিঁকুর তীরে আগিয়া
রহিয়াছে !—তুমি আইস,—ওগো, তুমি আইস !”

কোমল পথের উপর দিয়া বাঁশীর সুরের পিছনে ছুটিয়া
চলিয়াছি,—ক্রত ! আরও ক্রত !—ঐ নন্দন পাহাড় !

মধুর ! বড় মধুর ! বাঁশীর সুরে সুরে মধু ক্ষরিত হইতেছিল !
আকাশ, বাতাস, আলোক, বাঁশীর সুরের মদির নেশার পাগল
হইয়া উঠিয়াছে !

কাহার মূছ সুরভি নিখাস ক্লাস্ত ললাটের উপর আসিয়া
লাগিতেছে ? কাহার স্নিগ্ধস্পর্শ মাথার উপর স্নেহের পরিচয়
রাখিয়া যাইতেছে ? কাহার স্নেহস্রাবী দৃষ্টি মুখের উপর অনিমিত্ত
হইয়া রহিয়াছে !

কে ও ?—ও কে গো ?

আর একখানি মুখ, দূরে দূরে আড়ালে আড়ালে দেখা যাইতে-
ছিল ! বড় সুন্দর মুখখানি ! ক্ষুদ্র অধরপল্লবের বাকুলি পুষ্পরাগ
মান হইয়া উঠিয়াছে ! হুঁটী কালো চোখ অভিমানের কুক হইয়া
রহিয়াছে ; তবু সেই চোখের স্বপ্নময় দৃষ্টিটুকু আমারই মুখের দিকে
নিমেষ শূন্য হইয়া রহিয়াছে ! যেন কতদিনের নিবিড় পরিচয়,—
কত জন্ম-জন্মান্তরের অবিচ্ছিন্ন কাহিনী, করুণ বেদনা, ওই দৃষ্টি
বহন করিয়া আনিয়াছে !

ও কাহার মুখ,—কাহার মুখ !

চক্ষু খুলিয়া চাহিলাম !

বৌদিদি শিররে বসিয়া ধীরে ধীরে আমার চুলের মধ্যে অঙ্গুলি

চালনা করিতেছিলেন। মুখের দিকে চাহিতেই তাঁহার হই চক্কর দৃষ্টি উজ্জল হইয়া উঠিল।

অদূরে একটা চেয়ারের উপর অনিল শুইয়া ছিল।

বৌদিদি ধীরে ধীরে কহিলেন, “অজি’ বেশ ভাল আছে, ঠাকুরপো :—কোন ভয় নেই আর !”

অবসাদে আমার চক্কু হইটার পাতা মুদ্রিত হইয়া আসিল। ছয়ারের কাছে ভিখারীর বাঁশী কোমল সুরে বাজিতেছিল।

সেই সুরের মধ্যে আমার স্মৃতির বাঁশীর সুরের রেশটি লাগিয়া রহিয়াছে !

আর একবার চক্কু খুলিয়া বাহিরের দিকে চাহিলাম। ভোরের মৃদু আলোক সমস্ত আকাশটাকে সুনীল ও স্নিগ্ধ করিয়া রাখিয়াছে ! উন্মুক্ত জানালার মধ্য দিয়া প্রভাতের অরুণালোকদীপ্ত “নন্দন-পাহাড়” দেখা যাইতেছিল, হরিৎ প্রান্তরের উপর দিয়া সংস্পৃক্ত পথটী কোন্ অজানা পল্লীর দিকে চলিয়াছে। দূরের প্রাচীরবেষ্টিত বাড়ীগুলির উপর সূর্যালোক পড়িয়া হাসিতেছিল। পল্লবে পল্লবে, পাতার পাতার, ফুলে ফুলে, স্নিগ্ধ অরুণ লেখা শিশুর নিশ্চল শুভ্র হাসিটুকুর মতই লাগিয়া রহিয়াছে !

— এই নিশ্চল আলোকের বেলায় মধ্যে, জাগিয়া উঠিয়াই যে কথাটি প্রথমেই জানিলাম, তাহা আমার কাছে সর্বশ্রেষ্ঠ পুরস্কারের মতই মনে হইতে লাগিল ! কিন্তু এতই দুর্বল, যে ঐ পরম আনন্দের সংবাদটিকে অভিনন্দন করিয়া দুটা কথা বলিব, এমন শক্তিটুকুও আর অবশিষ্ট ছিল না ! একটা ক্ষুদ্র অসহায় শিশুর মতই দুর্বল

মন্দন-পাহাড়

হইয়া গিয়াছি; এবং বিপুল অবসাদ সর্বত্র আচ্ছন্ন করিয়া
রহিয়াছে।

চোখের প্রান্ত দিয়া অশ্রুর বিন্দু গড়াইয়া আসিতেছিল।
বৌদিদি সমস্তে অঞ্চল দিয়া মুছাইয়া দিতে দিতে কহিলেন,—

“আজ ভগবানের আশীর্বাদ তো সব দিক্ দিগেই পেয়েছি,
ঠাকুরপো! আজ তোমার সকল অশ্রু আনন্দাশ্রুতে পরিণত
হোক এবং জীবনের সকল যুদ্ধে এমনি করেই জয়ী হও!”

হাত বাড়াইয়া পায়ের ধুলা লইব, এমন শক্তি ছিল না, তাই
চুপ্ করিয়াই পড়িয়া রহিলাম।

কি আসিয়া ডাকিল, বৌদিদি উঠিয়া গেলেন।

হঠাৎ অনিল চেয়ার ছাড়িয়া উঠিয়া আসিয়া আমার শয্যা
পার্শ্বে দাঁড়াইল। অনিলের মুখের দিকে ক্লান্ত দৃষ্টি তুলিয়া ধরিতেই
সে একটু হাসিয়া বলিয়া উঠিল, “নারীর কালো চোখ যে
সৃষ্টির মধ্যে সব চেয়ে বিস্ময়কর, তা আমি আর অস্বীকার করিনে
বিনয় বাবু! আজ আপনাকে শুধু একটা কথা জানিয়ে দিগেই
আমার বা’ বলবার আছে তা’ শেষ করে ফেলব!”

অনিল যে কি বলিবে তা’ আমি বুঝিতে না পারিলেও, একটু
বুঝিয়াছিলাম, যে, ঠিক এই বিশেষ মুহূর্তটীতে বৌদিদির ঐ
নূতন ধরণের আশীর্বাণীর মধ্যে অনেকখানি গভীর অর্থ লুক্কায়িত
ছিল। তাই বিস্মিত দৃষ্টিতে অনিলের মুখের দিকে চাহিতেই
সে তেমনি হাসিমুখে কহিল, “মাগ কবুবেন বিনয়বাবু! কোনো
বিষা বা সঙ্কোচ রেখে কথা বলাটা আমার মোটেই আসেনা।

ওটা আমার কোণ্ডীতে লেখেই নি! জীবনে রোমান্স জিনিষটাকে একেবারে বাদ দেওয়া চলে কিনা তার কৈফিয়ৎ নিজের মনের কাছেও এখন আজ আর দেব না বলে ঠিক করেছি, তখন ও নিয়ে বিচার বিতর্ক একেবারেই করব না। কিন্তু এটা ঠিক, আমাদের উভয়কেই সজ্ঞাতার দিক দিয়েই বিচার করতে হবে!”

হঠাৎ অনিলের কণ্ঠের স্বর অত্যন্ত মৃদু হইয়া গেল এবং সে ধীরে ধীরে কহিল, “কথাটা বলতে হল বলে কিছু মনে করবেন না, বিনয়বাবু।—কিন্তু আজ এখন আমি ছাড়া এ খবরটাকে আর কেউ আপনার কাছে পৌঁছে দেবে না, তখন সব বলে ফেলাই ভাল! আমি নিঃসন্দেহেই জেনেছি সজ্ঞাতা আপনাকে পেলেই ঠিক সুখী হবে”—

এই পর্য্যন্ত বলিয়া অনিল একবার মুহূর্তের জন্তই স্থির দৃষ্টিতে আমার মুখের দিকে চাহিল, তার পর একটু হাসিয়া কহিল, “তখন এর মধ্যে আর কোনও তর্ক বা বিধা থাকতেই পারে না দাবীর কথা ত থাকতেই পারে না;—কারণ এ কথার বিচার তো আমাদের নিজেদের দিবে করাটা মোটেই চলবে না, বিনয় বাবু!—সুতরাং এর মীমাংসা আজ এখানেই মিটে গেল! রমাপ্রসন্ন বাবুকেও আমি সব কথা জানিয়ে মুক্তি দিইয়াছি,—

তার পর আর একটা আরামের নিশ্বাস ফেলিয়া কহিল, “আমি এক নিশ্বাসে তো আমার সব কথাই জানিয়ে দিলাম,— এখন আমার ছুটি; এই চক্কিণটা ঘণ্টা বে আমি কতখানি উদ্বেগের মধ্যেই কাটিয়েছি,—তা’ শুধু আমার স্মৃতিকর্তাই জানেন!—শুধু

নন্দন-পাহাড়

আপনার চোখ খোলার প্রতীকার এই চেয়ারটার উপরই ঘণ্টার পর ঘণ্টা কাটিয়ে দিয়েছি, বিনয় বাবু।” বলিয়াই অনিল হাসিতে লাগিল।

আমি একবারে স্তম্ভিত হইয়া গেলাম।

হাসির শাণিত ছুরিতে চিরিয়া চিরিয়া ও বে ওর বুকের ভিতরটা কতখানি ক্ষতবিক্ষত ও রক্তাক্ত করিয়া তুলিয়াছে, তাহা মনে করিয়া সত্যই আমি ব্যথিত ও ক্ষুব্ধ হইয়া উঠিলাম।

তবু সেই বেদনার পরিমাণ আমি কতটুকুই অনুমান করিতে পারিরাছি। আনি কি এমনি করিয়া হাসিমুখে স্বহস্তে নিজেরই হৃদপিণ্ডটা ছিঁড়িয়া আর একজনের পায়ে কাছ ফেলিয়া দিতে পারিতাম!

ও যে আজ হাসিমুখে কতখানি দিয়া গেল, তাহা মনে করিয়া আমি শিহরিয়া উঠিলাম।

চোখের পাতা দুইটা অবসন্ন হইয়া আসিতেছিল, হঠাৎ অনিল যে সেখানে আছে তাহা ভুলিয়া গেলাম। বুদ্ধি বিশ্বব্রহ্মাণ্ডে আমার চোখের সম্মুখে লুপ্ত হইয়া গেল।

দুই হাতে বুকটা চাপিয়া ধরিয়া নিজের মনেই বলিয়া উঠিলাম, “না আমি তো পারতাম না এমনি ক’রে নিজের হাতে সব ভেঙ্গে খুলার মিশিরে দিতে।”

অনিল চলিয়া যাইতেছিল, ছায়ার কাছেরেই কিরিয়া দাঁড়াইয়া দ্বিতমুখে কহিল, “পারতেন বই কি, বিনয় বাবু! আপনি বখন স্নানাতাকে ভাববাসেন, তখন নিশ্চয়ই পারতেন।”

পরমহুর্ন্তেই সিঁড়িগুলি পার হইয়া প্রাঙ্গণের পূর্বাভি অতিবাহন
করিয়া, অনিল চলিয়া গেল ।

বৌদিদি দ্রুতপদে ঘরের মধ্যে প্রবেশ করিয়া কহিলেন, “ইঃ,
একেবারেই বেমে গেছ বে ।” বলিয়া একটা পাখা তুলিয়া লইয়া
বাতাস করিতে লাগিলেন ।

আমি কোনও কথা না বলিয়া অবসন্নভাবে চক্ষু বুজিয়াই
পড়িয়া রহিলাম ।

হৃৎথের ও স্তূথের বেদনায় চঞ্চল একটা বিপুল তরঙ্গ বৃকের
ভিতর আন্দোলিত হইতেছিল ।

—মনে হইল, এ ঘেন সেই অনন্ত সুন্দর সিন্দু আমারই বেদনা
চঞ্চল বৃকের মধ্যে আশ্রয় লইয়াছে ।

ভিখারীর বাঁশীটি তখনও সুর তুলিয়া বাজিয়া বাজিয়া পথে
পথে ফিড়িতেছিল ।

বৌদিদি আর কোনও কথা না বলিয়া ধীরে ধীরে মাথার হাত
বুলাইতে লাগিলেন ! সেই স্নেহ কোমলা নারীর মৃহ্নিষ্ঠ স্পর্শ
আমার শিরায় শিরায় অমৃত সঞ্চারিত করিতেছিল ।

২২

বিকালের দিকে আল্‌বার্ট ও সার এডওয়ার্ড আসিয়াছেন ।

বাহিরের বারান্দার উপর বসিয়া সার এডওয়ার্ড রমাশ্রেয়স
বাবুর সহিত কথা বলিতেছিলেন । আমার নির্বন্ধাতিশয্যে
স্ট্রিচের উপর আমাকে শাস্তিত করিয়া অস্তিতের ঘরে লইয়া
যাওয়া হইল ।

নন্দন-পাহাড়

সুজাতা অজিতের পাশেই বসিয়াছিল। উঠিয়া বৌদিদির কাছে যাইয়া দাঁড়াইল; মুখ ফিরাইতেই সুজাতার মুখের উপর দৃষ্টি পড়িল।

সুজাতার ম্লান মুখে হাসি ফুটিয়াছে। বৌদিদি তাহাকে ঠেকিয়া দিয়া কহিলেন, “ওলো, যা’ না জানিয়ে আর, যে তোর কান্না খেমে গেছে। কতই তো কাঁদলি; কিন্তু আমি ছাড়া আর কেউ তো তা জানল না রে!”

সুজাতা মুহূ হাসিয়া কহিল, “তুমি জানলেই হল, দিদি। আর কাউকে জানতে হবে না। তুমি যেমনটা ক’রে চোখের জল মোছাতে পার, আর কি কেউ তা’ পারে!”

বলিয়াই সুজাতা লজ্জিত মুখে বর হইতে দ্রুতপদে বাহির হইয়া গেল। কিন্তু সে যে আর কে ও না যাইয়া ঠিক কবাটের আড়ালটিতেই রহিয়া গেল, সে খবরটা বৌদিদির কিম্বা আমার অগোচর রহিল না।

কিন্তু কমা জিনিসটা বৌদিদির কাছে মধ্যে মধ্যে একান্তই ছলভি হইয়া উঠিত। একটু মুহূ হাসিয়া কহিলেন, “ওরে, জানে কি না দেখিস্। তোর চোখ পান্সে দেখলেই যে কুরুক্ষেত্র বাধাবে, তার কাছটিও তখন ছাড়্বিনে। কিন্তু তুই যে কাঁছনি, ঠিক পাবেন বিহু মুখো, বখন ওঁর বিড়ের জাহাজ তলিয়ে যাবে—ঐ তোর চোখের জলের নীচে।”—

আলবার্ট অজিতের মাথার হাত বুলাইয়া দিয়াছিল এবং মুহূ হাসিতেছিল!

এমন সময়ে পিসিমা ঘরের মধ্যে প্রবেশ করিয়াই তাঁহার তাঁড় হইতে বৈষ্ণনাথের চরণামৃত সকলের মাথায় ছিটাইয়া দিলেন।

আলবার্ট কহিল, “কই পিসিমা, আমার মাথায় দিলেন না?”—

পিসিমা হাসিয়া কহিলেন, “ওমা দেব না! তোমার ভিতর দিয়েই তো, বাছা, আমার দেবতাকে এমনি সত্যি করে দেখতে পেলাম! তিনি যে মরণকেও জয় করবার জগুই তোমাকে কোন্ দেশ থেকে এনে এখানে আমাদের পাশে দাঁড় করিয়ে দিয়েছেন! তোমার ভিতর দিয়েই তো তাঁর অভয়মূর্তিও দেখলাম, মৃত্যুজয়ী শক্তির পরিচয়ও পেলাম।”—বলিয়াই পিসিমা আলবার্টকে একেবারে কোলের মধ্যে টানিয়া লইলেন।

আজ কোনো শুচিতার ~~কিছু~~ দিয়া আর তাঁহাকে দূরে রাখা যাইত না।

মানুষের জীবনে এমন সব ব্যাপার ভগবানের ইচ্ছায় আসিয়া পড়ে যাহা তাহার ভেদ-বুদ্ধিকে নষ্ট করিয়া সকলকেই আপনার গণ্ডীর মধ্যে টানিয়া লইতে শিখাইয়া দেয়!

তারপর একটু হাসিয়া, সকলের মুখের দিকে চাহিয়া চাহিয়া কহিলেন, “ওরে, আমি—বলিনি’, ঠাকুর কোন্ পথ দিয়ে তাঁর দয়ার পরিচয় দেন, তা’ আমরা কিছুই জানিনে! তিনি প্রাণের আগ্রহকে কোনও দিনই ঠেলে ফেলেন না, এটাও যেমন সত্যি, সকল ব্যাপারের মধ্যেই যে তিনি মঙ্গলকেও লুকিয়ে রাখেন, তা’ও তেমনি ঠিক! তাঁর সকল ব্যবস্থাই মাথা পেতে নিতে হবে; তবেই তো জীবনের সব ব্যাপার কল্যাণের দিকে এগিয়ে যাবে।”

নন্দন-পাহাড়

অজিত কখন চক্ষু খুলিয়া, এই-ই প্রথম,—বিস্মিত দৃষ্টিতে সকলের মুখের দিকে চাহিতেছিল। সকলের আগেই বৌদিদি তাহা দেখিয়া তাড়াতাড়ি শয্যার কাছে গেলেন এবং অজিতের মুখের কাছে মুখ নিয়া স্নেহপূর্ণ মৃদু কণ্ঠে ডাকিলেন,—

—“অজি,—”

অজিত চক্ষুর পাতা নাড়িয়া উত্তর দিল।

ছয়য়ারের কাছে কখন রমা প্রসন্ন বাবু আসিয়া দাঁড়াইয়াছেন; তাহার ছই চক্ষুর পাতা চোখের জলে ভিজিয়া উঠিয়াছে। তাহার অশ্রু-স্নানদৃষ্টি সন্ধ্যার রঙ্গিন্ আকাশের দিকেই নিবদ্ধ ছিল।

যে নিষ্ঠুর বিপদ্ পাষণ স্তূপের মতই এতদিন সকলেরই বুকের উপর চাপিয়া বসিয়াছিল, কখন তাহা নামিয়া গিয়া “নন্দন-পাহাড়ে” পরিণত হইয়াছে, এবং আমাদের প্রত্যেককেই যখন তাহার শীতল পুষ্প-গন্ধবাহী-বায়ু-প্রবাহে নন্দিত করিল, ঠিক তখনই সেই নিষ্ঠ, প্রিয়দর্শন যুবককে আমার মনে পড়িল, যে স্মৃজাতার দিকে চাহিয়াই হানির অন্তরালে নিজেকে বিসর্জন দিয়া চলিয়া গিয়াছে।

সম্পূর্ণ।

2

2